



# کائناتِ حمد و مناجات

ترتیب و تالیف

گلزار احمد راتھر

کاشف

حمدتہ مناجات

# کاثری حمدتہ مناجات

ترتیب و تالیف

گلزار احمد راتھر



سahitya اکادمی



**Kaashir Hamud te Munajaat** : An anthology of Kashmiri Hamd and Munajat, compiled and edited by Gulzar Ahmad Rather. Sahitya Akademi, New Delhi (2015), Rs. 325.

گوڈ نیک چھاپ: 2015

© سہیتی اکادمی

## سہیتی اکادمی

صدر دفتر:

روندر بھون 35، فیروز شاہ روڈ، نئی دہلی 110001

سیلنر آفس: سواتی مندر مارگ، نئی دہلی 110001

علاقائی دفتر:

4، ڈی ایل خاں روڈ، کوکناٹا 700025

172، ممبئی مراٹھی سنگھرالے مارگ، دادر، ممبئی 400014

سینٹرل کالج کیمپس، ڈاکٹر بی۔ آر۔ امبیڈکر ویڈھی، بنگلور 560001

مین بلڈنگ، گونا بلڈنگس (دوسری منزل)، (304) 443، اتا سلائی تینم پیٹ، چنیئی 600018

مول: 325 روپے

ISBN : 978-81-260-4644-7

Website : [www.sahitya-akademi.gov.in](http://www.sahitya-akademi.gov.in)

کمپیوٹر کمپوزنگ: ولی دارا الکتا بیات، پتھر، کشمیر

مطبع: وکاس کمپیوٹر اینڈ پرنٹرس، دہلی 32

## ترتیب

11	پیش گفتار
47	حضرت شیخ العالمؒ
54	میر عبداللہ بیہقی
55	محمود گامی
57	مقبول شاہ کراچی داری
60	سیف الدین تار بلی
62	پیر محی الدین مسکین
64	مولوی صدیق اللہ حاجی
66	واہ محمد
68	امیر شاہ کریری
70	عبدالاحد نادم
75	اسد میر
79	محمد انور شوپیان
82	انور وار
84	غلام احمد مجبور
87	غلام مصطفیٰ مصطفیٰ
89	صمد مہر

- 91 ناظم کریری
- 92 چستی بیٹ غفار
- 93 نشاط کشتواڑی
- 96 مرزا غلام حسن بیگ عارف
- 98 غلام رسول نازکی
- 103 خاموش کرپری
- 104 غلام نبی عارض
- 106 غلام احمد فاضل کشمیری
- 108 عبدالغفار مشکور
- 110 امین کاہل
- 115 پروفیسر رحمان راہی
- 116 تاج النساء
- 118 نشاط انصاری
- 121 رشید نازکی
- 122 غلام نبی ناظر
- 123 شہید سلمانی
- 127 عبدالرحمن آزاد
- 129 حامد کشمیری
- 130 خضر محمد عارف
- 131 موہن لال آتش
- 133 غلام نبی گوہر



137	مُشتاق کشمیری
142	منظور ہاشمی
145	مشعل سلطانپوری
152	مکھن لال کنول
154	غلام نبی خیال
156	مرغوب بانہالی
159	غلام محمد شاد
160	ایوب صابر
162	علی محمد شہباز
164	قاضی ہلال دلنوی
166	پریم ناتھ شاد
168	سید رسول پوٹیر
172	فاروق نازکی
173	شہباز راجوری
174	غلام احمد گاش
177	محمد امین شکیب
179	غلام محی الدین گوہر
181	شیر علی مشغول
186	فدرا راجوری
189	غلام محمد عظمکین
193	ایس راضی

196	اعجاز غلام محمد لالو
200	عبدالغنی ہوشن پوری
202	نور الدین ہوشن
205	تنہا نظامی
211	اقبال نازکی
212	نظام الدین سحر
217	عبدالاحد فرہاد
218	نعیم کشمیری
221	رنجور تلگامی
223	حمیدہ اختر
225	غلام رسول میر در پور
227	غلام حسن غمگین
229	منشور بانہالی
234	شوکت انصاری
237	سعد الدین سعدی
241	قمر حمید اللہ
245	عبدالعزیز ہلال
247	غلام نبی آتش
252	غلام رسول جوش
255	نادر احسن
261	رفیق راز



- 263 فیاض تیلہ گامی
- 267 غلام محمد رفیق
- 269 سلطان محمد سلطان
- 271 بشیر چراغ
- 272 بشیر زائر
- 274 علی شیدا
- 276 غ۔ن۔ظاہر
- 277 شہناز رشید
- 280 شبیر احمد شبیر
- 282 ولی محمد اسپر کشتواڑی
- 285 نثار ولد ار
- 287 رخسانہ جبین
- 288 شمشاد کرا الہ واری
- 289 بشیر اسرار
- 291 زاہد مختار
- 293 عزیز حاجی
- 294 شہزادہ رفیق
- 297 سید اختر حسین
- 298 رشید فیروز
- 301 نذیر احمد نذیر
- 304 ضمیر انصاری

305	حسرت حمید
306	سرور ہاشمی
307	شاہد دلنوی
308	شبتم تلگامی
310	محفوظہ جان
312	منظور خالد
316	ایوب مونگہاڑی
317	رئیس جانشان
319	فاروق شاہین
321	اظہار مبشر
322	منظفر حسین دلبر
326	انجم افتخار



## پیش گفتار

حمد چھ عربی زبانی ہند لفظ ہے معنی چھس تعریف<sup>۱</sup>۔ گنہ گنہ چھ اُتھو معنی یس منز مدح، شکر ہے مثلاً لفظ تہ ورتا ونہ یوان۔ کاشتر ڈکشتری منز چھ ”حمد“ لفظک معنی جانی گنر پڑی، تعریف کرنی، خدایہ ہندو تعریف کرنی، خدایس گن شکر کرن بیتز ہاونہ آمت<sup>۲</sup>۔ اردو کشمیری فرہنگس منز چھ ”حمد“ لفظک معنی خدایہ ہندو گون یا تعریف کرنی، دیہ سُنڈ تھزرتہ بحر بیان کرن<sup>۳</sup>۔ مختلف عربی تہ فارسی ڈکشتری ین منز چھ امہ لفظک معنی باری تعالیٰ ہندو تعریف ہاونہ آمت<sup>۴</sup>۔

اصطلاحس منز چھ ”حمد“ تھہ منظوم کلامس ونان یتھہ منز باری تعالیٰ ہندو تعریف کرنہ آسن آمتز۔ شیم احمد چھ ”حمد“ صنفہ ہندو تعریف یتھہ پٹھو کران: ”حمد: ایسے اشعار جو اللہ تعالیٰ کی تعریف میں رقم کیے جائیں۔ یہ الگ نظم یا قصیدے کی شکل میں بھی ہو سکتے ہیں اور کسی نظم کا حصہ بھی ہو سکتے ہیں۔ نظم کا حصہ ہونے کی صورت میں (اور خاص کر مثنوی میں) یہ اشعار ہمیشہ سب سے پہلے آتے ہیں۔“

یتھہ پٹھو چھ نشاط انصاری تہ لبکھان:

”یتھہ منظوم کلامس اندر باری تعالیٰ ہنز تعریف و توصیف بیان کرنہ پیہ، سہ گؤ وحمد۔ امیک لغوی معنی چھ تعریف کرنی، سوتہ معبودِ برحق ہنزے یا ژ یعنی دیہ خاص ہنز بزرگی، عظمت، کبریائی، یکتائی، تھزر، ہجرتہ بندن رزق عطا کرنہ ہاپتھ سُنڈ



حمدۂ شکر کرُن چُھ حمد کس زمیں مژ یوان کے۔“

مناجات:

مناجات تہ چُھ عربی زبانی ہُنڈے لفظ سیمیک معنی کنس تل سہر پٹھو گنہ کتھ  
ہنر باوتھ کرنی چھ۔ کاثر ڈکسری مژ چُھ مناجات لفظک معنی سو نظم تھ اندر خدا یہ  
سُند حمد تہ دُعائیر لکھنہ یہ۔ اُردو کشمیری فرہنگس مژ چُھ مناجاتک معنی اُہی، عرضی تہ  
دُعائونہ علاوہ سو نظم تھ اندر خدا یہ ہندو تعریف کُرتھ ہنر عجزی بیان یہ کرنہ۔ فیروز  
الغات تہ ذخیرہ سعادت کس دوسرے حصس مژ تہ چُھ مناجاتس یو ہے معنی دینہ  
آمت:

”سرگوشی کرنا، کان میں بات کہنا، مجازاً اللہ کی بارگاہ میں ایسے دُعا کرنا جیسے کسی  
کو حاضر اور رو برو دیکھ کر باتیں کی جاتی ہیں۔ کسی کے ساتھ راز و نیاز کرنا، اللہ  
کے ساتھ راز و نیاز کرنا، ایک دوسرے کے اندرونی عقاید کا پتہ لگانا، اللہ تعالیٰ  
کی بارگاہ میں عرضِ نیاز اور التجا اور درخواست۔ اللہ کی بارگاہ میں راز گوئی۔“

اصطلاحس مژ چُھ مناجات سو نظم تھ مژ عظمتہ دول خدا حاضر ناظر  
زائتھ، تہمس تھ پٹھو دُعائونہ یہ، زنتہ دُعا کرُن دول تس ستر، ہمکلام آسہ۔

حمد تہ مناجات چُھ عقیدتی شاعری ہنر ز موضوعی صنفہ۔ یمن مژ اسلامی  
عقاید و مطابق اللہ تعالیٰ سُنڈ تھرتہ بحر یا حمد و ثنا باونہ چُھ یوان۔ تکر سُنڈس حضورس مژ  
ہنر ظاہری تہ پوشیدہ راز، دگ، دود تہ مشکلات پیش کرنہ چُھ یوان تہ مُصہتو، غنود و کھو  
نش خلّا صی تہ نجات طلبی خاطر دُعائونہ چُھ یوان۔

قرآن مجید نازل سپدنستی و تھ عربس مژ حمد و مناجات لکھنہ روایہ باضابطہ

پاٹھر دس، تکیا زقرآن شریف چھ ”اُم القرآن“ سستی شروع سپدان یس ستن آیاتن  
 پٹھ مشتمل چھ۔ اتھ چھ ”السَّعِی الثَّانِی“ تہ ”الشَّفَاء“ تہ ونان۔ یم ستوے آیات چھ  
 حمد و مناجات کو اکھ بالترتیب میل۔ اتھ چھ ز حصہ۔ گوڈ نیک حصہ چھ حمد تہ دویم حصہ  
 مناجات۔

حمد ک حصہ:

بِسْمِ اللّٰهِ الرَّحْمٰنِ الرَّحِیْمِ

(شروع چھس کر ان اللہ تعالیٰ ہند ناوستری یس سبٹھاہ رحم کرن وول تہ یوڈ  
 مہربان چھ)

اَلْحَمْدُ لِلّٰهِ رَبِّ الْعٰلَمِیْنَ ۝

(ساری تعریف تہ ثنا پزن تکر اللہ تعالیٰ ہس یس سارے عالمن ہند پالن ہار  
 چھ)

الرَّحْمٰنِ الرَّحِیْمِ ۝

(یس سبٹھاہ رحم کرن وول تہ یوڈ مہربان چھ)

مَلِکِ یَوْمِ الدِّیْنِ ۝

(یس جو ہلہ دہک مالک چھ)

اِیَّاكَ نَعْبُدُ ۝

(اُس چھ چائی یوت بندگی کران)

مناجات ک حصہ:

وَ اِیَّاكَ نَسْتَعِیْنُ ۝

(بہیہ چھی ژئے یوت یاری تہ مدمنگان)

إِهْدِنَا الصِّرَاطَ الْمُسْتَقِيمَ ۝

(اَسہ ہاوسیز وتھ)

صِرَاطَ الَّذِينَ أَنْعَمْتَ عَلَيْهِمْ ۝ غَيْرِ الْمَغْضُوبِ عَلَيْهِمْ وَلَا

الضَّالِّينَ ۝

(تمن لوکن ہنز وتھ یمن پٹھ ژئے انعام کو رتھ۔ تمن لوکن ہنز وتھ نہ کیشہ

یمن پٹھ ژئے غضب نازل کو رتھ۔ بہیہ نہ تہنز وتھ یم وتہ ڈر)

اُمہ علاو چھ قرآن مجید سہ احادیث پاکن مثر تہ کہو یا جاین حمد و مناجات کو  
نمونہ نظر گوہان۔ سورہ بنی اسرائیل کس اُخری آیتس منز چھ اللہ تعالیٰ حضرت محمد  
صلی اللہ علیہ وسلمن گن مخاطب سپد تھ فرماوان:

وَقُلِ الْحَمْدُ لِلَّهِ الَّذِي لَمْ يَتَّخِذْ وَلَدًا وَلَمْ يَكُنْ لَهُ شَرِيكٌ فِي

الْمُلْكِ وَلَمْ يَكُنْ لَهُ وَلِيٌّ مِنَ الذَّلِّ وَكَبِّرَهُ تَكْبِيرًا ۝

ترجمہ: بہیہ گروھض اللہ تعالیٰ سندر تعریف بیان تمس اللہ تعالیٰ سندر خاطر  
تیمس نہ کانہہ اولاد چھ تہ نہ چھ تکر ہنز بادشاہی منز تمس کانہہ اکھاشر پک تہ  
نہ چھ تہ تیوت کمزور ز تمس اَسہ کانہہ مدد کرن وولا، تہو رُو ز و تکر سندرے بحر  
بیان کران۔

تھ پٹھی چھ سورہ اخلاص تہ اللہ تعالیٰ سندر گنہر تہر رتہ بحر بیان کران:

قُلْ هُوَ اللَّهُ أَحَدٌ ۝ اللَّهُ الصَّمَدُ ۝ لَمْ يَلِدْ وَلَمْ يُولَدْ ۝ وَلَمْ يَكُنْ لَهُ  
كُفُوًا أَحَدٌ ۝



ترجمہ: فرمادو، ہوا کہ (اے پیغمبر صلی اللہ علیہ وسلم) اللہ تعالیٰ چھ گن (ذاتیہ کنی  
تہ تہ صفتو کنی تہ) o (اللہ تعالیٰ) سہ چھ بے نیاز نہ زاس کا نہ نہ ز او کا ئنسہ o  
تہ نہ چھ کا نہ تہمس ہمسریا برابر o

مناجاتس یا دعا ہس چھ اللہ تعالیٰ ہن تھر تہ بجر بخش مت ۔ پر تھ کا ئنسہ  
مُرسَلن، یتیلہ سہ کنہ آزمائشہ مژ بہنہ آو، پڑو دعا کرنہ سستی نجات۔ دُعا ہج اہمیت تہ  
افادیت مد نظر تھاوتھ چھ اللہ تعالیٰ سورہ مومن کس آیت نمبر شیطھس (۶۰) مژ  
فرماوان:

أَدْعُوْنِيْ اَسْتَجِبْ لَكُمْ ۔

ترجمہ: تُو مَنگُو بہ کر تہند دعا قبول۔ سورہ اعراف کس پنز و نز ہمس (۵۵)  
آیتس مژ تہ چھ اللہ تعالیٰ فرماوان:

أَدْعُوا رَبَّكُمْ تَضَرُّعًا وَخُفْيَةً ط إِنَّهُ لَا يُحِبُّ الْمُعْتَدِينَ ۔

ترجمہ: پنہ نس پروردگار س اُسو عا جزی سان، پنہ کھٹھ پٹھ پٹھ دُعا منگان۔  
پڑو پٹھ سہ چھنہ حد ڈلن والہن ٹوٹھ تھاوان۔

تھ پٹھ پٹھ سورہ البقرہ کس اکھ تھ شیطھتھ مس (۱۸۶) آیتس مژ اللہ تعالیٰ  
رسول پاک صلی اللہ علیہ وسلمن گن مخاطب سپدھ فرماوان:

وَإِذَا سَأَلَكَ عِبَادِيْ عَنِّيْ فَإِنِّيْ قَرِيبٌ ط أُجِيبُ دَعْوَةَ الدَّاعِ ۔

ترجمہ: پنہ یتیلہ تو بہ میاڈ بندے متعلق سوال کرن ٹو فرماو ہوا کہ پنہ چھس  
سبٹھاہ نزدیک، بہ چھس پر تھ کا ئنسہ آلو کرن واکو بندس آلوں، یتیلہ سہ مے ناد لایہ،  
اجابت کران۔

مناجات یا دُعا چھ عبادات ہنر گؤج تہ امہ ستر چھ قومن تہ اُمتن ہند تقدیر  
بدلیومت۔ حضرت انسؓ چھ ترندی ہند حوالہ روایت کران ز فرمود رسول اللہ صلی اللہ  
علیہ وسلم:

الدُّعَاءُ مُخُّ الْعِبَادَةِ

ترجمہ: دُعا چھ عبادت چھ گؤج۔

عربس مزاوس آدن کالہ پٹھے شعر نہی تہ شعر گوئی ہند فن عروض پٹھے۔ اتہ اُس  
شاعرن سبٹھاہ قدر کرنہ یوان۔ قرآن مجید نازل سپدنہ پتہ کر اکثر شاعر و پندر فحش  
شاعری ضایہ۔ قرآن کریمک یہ آیہ۔

وَالشُّعْرَاءُ يَتَّبِعُهُمُ الْغَاوُنُ ۚ (الشُّعْرَاءُ)

ترجمہ: شاعرن پتہ پتہ چھ وتہ ڈر مٹر لوکھ پکان۔

یو زتھ یو دے کو یا شاعر ہے بنگہ گے مگر امیک اطلاق اوس نہ سار نے  
شاعرن پٹھے تیج واضح ذلیل حضرت ابو بکر رضی اللہ تعالیٰ عنہ ہند تمہ واقع ستر سپدان  
چھ۔ تھ مزاون تمو پین گوڈنیک مناجات دربار رسالتس مزا عاصی تخلص ورتاوتھ پیش  
کور، حضور صلی اللہ علیہ وسلم سپدر سبٹھاہ خوش تہ مرجا کر تھ و ذہکھ عاصی بدلہ اکبر  
تخلص ورتاؤن۔ تہند مناجاتک عربی متن چھ تھہ پٹھر:

خُذْبِلْ طُفِكَ يَا إِلَهِي مَنْ لَهُ زَادٌ قَلِيلٌ

مُفْلِسٌ بِالصَّدَقِ يَأْتِي عِنْدَ بَابِكَ يَا جَلِيلٌ

ذُبُّهُ ذَنْبٌ عَظِيمٌ فَأَغْفِرِ الذَّنْبَ الْعَظِيمَ

إِنَّهُ شَخْصٌ غَرِيبٌ مُذْنِبٌ عَبْدٌ ذَلِيلٌ

مِنْهُ عَصِيَانٌ وَنِسْيَانٌ وَسَهْوٌ بَعْدَ سَهْوٍ  
مِنْكَ إِحْسَانٌ وَفَضْلٌ بَعْدَ إِعْطَاءٍ جَزِيلٍ

طَالَ يَارَبِّي ذُنُوبِي مِثْلَ رَمْلِ لَا تُعَدُّ  
فَاعْفُ عَنِّي كُلَّ ذَنْبٍ وَاصْفَحِ الصَّفْحَ الْجَمِيلَ

قُلْ لِنَارٍ أَبْرِدِي يَارَبِّ فِي حَقِّي كَمَا  
قُلْتَ قُلْنَا نَارُ كُونِي بَرْدٌ فِي حَقِّ الْخَلِيلِ

عَافِنِي مِنْ كُلِّ دَاءٍ وَأَقْضِ عَنِّي حَاجَتِي  
إِنَّ لِي قَلْبًا سَقِيمًا أَنْتَ مَنْ يَشْفِي الْعَلِيلَ

أَنْتَ شَافِي أَنْتَ كَافِي فِي مُهِمَّاتِ الْأُمُورِ  
أَنْتَ حَسْبِي أَنْتَ رَبِّي أَنْتَ لِي نِعَمُ الْوَكِيلِ

رَبِّ هَبْ لِي كَنْزَ فَضْلٍ أَنْتَ وَهَابُ كَرِيمٍ  
أَعْظِي مَافِي ضَمِيرِي دُلْنِي خَيْرَ الدَّلِيلِ

كَيْفَ حَالِي مُلْكًا كَبِيرًا نَجِّنَا مِمَّا نَخَافُ  
رَبَّنَا إِذْ أَنْتَ قَاضٍ وَالْمُنَادِي جَبْرِيْلُ

أَيْنَ مُوسَى أَيْنَ عِيسَى أَيْنَ يَحْيَى أَيْنَ نُوحُ  
أَنْتَ يَا صَدِيقُ عَاصِ تَبِّ إِلَى الْمَوْلَى الْجَلِيلِ



ترجمہ: ”اے عظمیٰ والہِ خدایہ، کرتے آتھ روٹ تمس بندس تیسس وتہ خرچ نہ  
 آسنس برابر چھ، یس مفلس چھ تہ چائس برس پٹھ نیک نیتی سان پراران چھ۔  
 سہ چھ بے شک اکھ یوڈ خطا کار، مفلس، غریب تہ ذلیل بند۔ تہ چھکھ بخش  
 ہار۔ گناہ کرتس معاف۔

اُمی سہند طرفہ چھ پھری پھری نافرمانی، بل چک، سہوتہ خطا سپدان مگر چون  
 رحمت، احسان تہ فضل چھ جاری۔

اے میانہ ربا! بہ چھس یو ت گونہو برتھ زسیکہ دانن مایہ گرد مگر میانہ  
 گونہن یہ نہ۔ پس کر تو میانہ گناہ معاف تہ درگذر۔

اے میانہ ربا! فرما ونا رہنمس۔ تھ سہ میانہ خاطر سپر دگر ہا۔ تہ پٹھ پاٹھ حکم  
 دیتھ نارس۔ اے نار! تہ بن ابراہیم سہند خاطر ٹھنڈ۔

مے رچھ تہ پرہتھ بہار نش، پیہ کرتم حاجت روا یی۔ بیشک چھ مے بہار دل  
 ، تہ چھکھ بہارن شفا بخشان۔

تہ چھکھ شفا بخشن دول تہ مدد کرن دول۔ تہ چھکھ میانہ خاطر کافی۔ تہ چھکھ  
 میون پروردگار تہ بہترین کار ساز۔

اے میانہ ربا! مے کرتہ فضل و کرمک خزانہ عطا کیا تہ تہ چھکھ ساروے  
 کھوتہ یوڈ عطا کرن دول۔ تہ کرتہ میانہ دیکو مراد پور تہ مے کرتہ رتھ رہنمائی۔

میانہ خدایا! میون کیا حال آسہ۔ مے چھنہ کانہہ رتھ عملا بلکہ چھم پیچھ عملن ہند

انبار۔

آسہ (مسلمانن) بخش تہ بد حکمرانی۔ پیہ اے سانہ ربا! آسہ یس خوف و

ہراس سوار چھ گوشت تمہ نشہ دیتے موکار۔ تڑچھکھ فاصلہ کرن دول تہ جبریل چھ  
مناوی کرن دول۔

کتہ چھ موسیٰ، کتہ چھ عیسیٰ، کتہ چھ یحییٰ، کتہ چھ نوح۔ اے صدیق رضی اللہ  
تعالیٰ عنہ تڑچھکھ عاصی لہذا کرجاہ وجلال وائلس خلیہ سز بارگاہ منز توبہ۔

حضرت حسان بن ثابت رضی اللہ تعالیٰ عنہ اوس اکھ معتبر تہ جلیل القدر نعت  
گو۔ سہ چھ شاعر در بار نبوی ہی شرف پر اوان۔ ونہ چھ یوان ز رسول پاک صلی اللہ  
علیہ وسلمن چھ تس منبرس پٹھ پانس لر جاے دژ مزہ۔ ائمس برگزیدہ تہ شانہ بدس صحابی  
رسولس متعلق چھ ڈاکٹر عزیز حاجی لکھان:

”حسان بن ثابتؓ، یس قادر الکلام نعت گو آسہ کنی حضور پر نور صلی اللہ علیہ  
وسلمن سبٹھاہ ٹوٹھ اوس، آد شاعر در بار نبوی“ قرار دینہ۔ یوٹے پوت نہ بلکہ  
دژ ٹاٹھو نبی صلی اللہ علیہ وسلمن یمن منبرس پٹھ پانس لر لور جاے۔ یہند  
نعت سپدر سبٹھاہ مقبول تہ یمن ہند ترجمہ چھ دنی تیجن اکثر سخن زبان منز  
کرنہ آمت۔ یہند بن نعتن اندر چھ والہانہ عقیدت، خوش یون لول تہ  
فلسفیانہ سبیر نظر گڑھان۔

وَشَقَّ لَهُ مِنْ اسْمِهِ لِيَجْلَهُ

فَذُو الْعَرْشِ مَحْمُودٌ وَهَذَا مُحَمَّدٌ

(تہند شانہ تہ عظمتہ خاطر کوڈ ربن پنہ ناؤ منز تہند ناو۔ تہتہ پاٹھو ز عرشہ

دول خدا چھ محمود تہ تہو چھ محمدؐ) ۱۲

ائمس جلیل القدر صحابی متعلق چھ روایت ۱۳ ز اکہ پھر سپدر حضور انور

صحائین کن مخاطب تہ فرمود کہ ز مخالف کرن والہن شاعر ہن بے ہودگی چھے وونی  
حد کھوتہ زیادہ بران۔ توہہ کو روئے مدد تلواریستی۔ کانہہ چھا توہہ منزسہ یس مے زبانی  
ستی مدد ہیکہ کرتھ؟ حسان بن ثابت رضی اللہ تعالیٰ عنہ کو رکائہہ ژیر لاگنہ وراے عرض  
حضور بہ چھس تیار۔ تھ پاٹھی چھہ یہ پایہ یو دصحابی گوڈنیک نعت گوشاعر ہنر حیثیت  
پراوان۔ نعت گوئی ستی ستی اوس یہ شانہ یو دصحابی حمد و مناجات تہ لکھان۔ اکر ہنر حمد  
یہ شاعری ہند نمونہ چھ پیش خدمت:

وَأَنْذَرْنَا نَارًا وَبَشَرَ جَنَّةً  
وَعَلَّمْنَا الْإِسْلَامَ فَاللَّهُ نَحْمُدُ  
وَأَنْتَ إِلَهَ الْخَلْقِ رَبِّي وَخَالِقِي  
بِذَلِكَ مَا عُمِرْتُ فِي النَّاسِ أَشْهَدُ  
تَعَالَيْتَ رَبَّ النَّاسِ عَنْ قَوْلٍ مَنْ دَعَا  
سِوَاكَ إِلَهًا أَنْتَ أَعْلَىٰ وَآمَجَدُ  
لَكَ الْخَلْقُ وَالنِّعْمَاءُ وَالْأَمْرُ كُلُّهُ  
فَيَاكَ نَسْتَهْدِي وَيَاكَ نَعْبُدُ

ترجمہ: ”پیہ کھوڑ ناو توہہ اکر جہنمکہ نار نشہ تہ چنتی دژو خوشخبری۔ پیہ دژو  
دین اسلامچ تعلیم۔ او کز چھ اکر اے اللہ تہندے تعریف و توصیف کران۔  
پیہ اے کل کینا تکیہ معبود! ژ چھکھ میون پروردگار تہ پاد کرن وول۔ یو تام  
ژان بہ لوکن منز زید چھس، بہ روز بی و نان۔

پیہ اے تمام لوکن ہند پروردگار! ژ چھکھ تمس شخصہ ہند دعوا کھوتہ بلند تہ بالا  
یاؤ ڈتہ تھو دیس ژنے وراے پیہ کائہہ معبود ہنر بندگی کران چھ۔ تھو چھو ساروے



کھوتہ بڈی تہ تھدی۔

سارے زریات بینہ پر تھ کاٹھہ نعمت تہ حکم چھ دراصل چوئے لہذا چھ اُس  
چانے عبادت کو طلب گار۔ پیہ چھ اُس چائی بندگی کران،

علمی تہ ادبی دُنیا ہس منز چھ فارسی تہ بڈ بختاوار تہ ڈیکھی جل زبان مانہ  
یوان۔ اتھ زبانی منز چھ ممتاز شاعر تہ ادیب و تھکرت۔ یمن منز سعدی، شیرازی، عطار،  
جامی، حافظ، رومی بیت سرکرد چھ، یو چھ باقی اصناف سخن ورتاؤس ستی۔ ستی حمد و  
مناجات تہ لیکھی تہ:

حمد بے حد مرخدائے پاک را

آنکہ ایمان داد مشیتِ خاک را

سوئے او خصمے کہ تیر انداختہ

پشہ کارش کفایتِ ساختہ

آں خداوندے کہ ہنگامِ سحر

کرد قومِ لوط را زیر و زبر

(حمد: خواجہ فرید الدین عطار)

بادشاہا جُرم مارا در گور

ماگنہ گار بیم و تو آمرزگار

روز و شب اندر معاصی ماندہ ایم

غافل از امر و نواہی ماندہ ایم

رحمت دارم امید از لطف تو  
زانکہ خود فرمودہ ای لا تقنطو

(مناجات: شیخ فرید الدین عطار)

یا اِلٰہَ الْعٰلَمِیْنَ بارِ گناہ آورده ام  
بردرت ایں بار بپشتِ دوتا آورده ام  
توبہ کردم، توبہ کردم، رحم کن رحمت نما  
چون بہ درگاہ تو خود را درپنا آورده ام

(مناجات، مولانا عبدالرحمان جامی)

اے کریے کہ از خزانہ غیب      گبرو تر سا وظیفہ خورداری  
دوستان را کجا گنی محروم      تو کہ با دُشمنان نظر داری



من بندہ شرمسارم      تو رحم کن رحیم  
در فسقِ بے شمارم      تو رحم کن رحیم  
جرمِ عظیم کردم      شرمندہ روئے زردم  
خود را بتو سپردم      تو رحم کن رحیم

(مناجات: شیخ سعدی شیرازی)

اکبر و عظمِ خدائے عالم و آدم      صورت خوب آفرید و سیرت زیبا  
از در بخشندگی و بندہ نوازی      مرغِ هوا را نصیب ماہی دریا

(حمد: شیخ مصلح الدین سعدی)

خدایا رحمت دریائے عام است    ازاں یک قطرہ مارا تمام است  
اگر آلائشِ خلقِ گنہگار!    فرو شوئی ازاں دریا بہ یکبار  
(مناجات: خواجہ نقشبند)

توئی آفرینندہ کائنات!    تو قیوم کونین و قائم بذات  
تو باطن ولی در نقابِ ظہور    تو غایب ولیکن بعینِ حضور  
جمالِ تو بالذات ہم چوں جلال    جلالِ تو خود مندرج در جمال  
اُردو زبانی ہنزن اکثر صنفن ہند مؤلہ اگر چھ فارسی زبانے۔ او کئی چھ اُردو  
زبانی ہنزن شعری تخلیقات اندر حمد و مناجات کو موضوعِ فارسی زبانی پڑھے آئے۔ امہ  
زبانی ہندی یم تصنیفات قدیم کیو وسطی دور کی بدس چھ تھن ہند آغاز چھ باری تعالیٰ  
ہند حمد و ثناء التجا کرتی کر نہ آمت:

علامہ اقبالؒ

پالتا ہے بیچ کو مٹی کی تاریکی میں کون؟  
کون دریاؤں کی موجوں سے اٹھاتا ہے سحاب؟  
کون لایا کھینچ کر پچھم سے بادِ سازگار؟  
خاک یہ کس کی ہے، کس کا ہے یہ نورِ آفتاب؟  
کس نے بھردی موتیوں سے خوشہ گندم کی جیب؟  
موسموں کو کس نے سیکھلائی ہے خوئے انقلاب

(حمد: بالِ جبریل)

لب پہ آتی ہے دُعا بن کے تمنا میری  
 زندگی شمع کی صورت ہو خدایا میری  
 دور دُنیا کا مرے دم سے اندھیرا ہو جائے  
 ہر جگہ میرے چمکنے سے اُجالا ہو جائے  
 مرے اللہ! برائی سے بچانا مجھ کو  
 نیک جو راہ ہو اُس راہ پر چلانا مجھ کو

(مناجات: بانگِ وِرا)

حفیظ جالندھری ہند حمدک تہ مناجاتک طرح:

یہ سرد و گرم، خشک و تر اُجالا اور تاریکی  
 نظر آتی ہے سب میں شان اُسی اک ذاتِ باری کی  
 وہی ہے کائنات اور اس کی مخلوقات کا خالق  
 نباتات و جمادات اور حیوانات کا خالق!  
 وہی خالق ہے دل کا اور دل کے نیک ارادوں کا  
 وہی مالک ہمارا اور ہمارے باپ دادوں کا

(حمد: شاہنامہ اسلام)

الہی! انتہائے عجز کا اقرار کرتا ہوں  
 خطا و سہو کا پتلا ہوں، استغفار کرتا ہوں  
 یہ تیرا فضل ہے بیشک کہ اب تک زندہ ہوں یا رب  
 گذشتہ زندگانی پر بہت شرمندہ ہوں یا رب

(مناجات: شاہنامہ اسلام)



آغا حشر کاشمیری:

آہ جاتی ہے فلک پر رحم لانے کے لئے  
باد لوہٹ جاودے دوراہ جانے کے لئے  
اے دُعا ہاں عرض کر عرش الہی تھام کے  
اے خدا اب پھیر دے رُخ گردشِ ایام کے  
رحم کر اپنے نہ آئینِ کرم کو بھول جا  
ہم تجھے بھولے ہیں لیکن تو نہ ہم کو بھول جا

(مناجات: آغا حشر کاشمیری)

شیخ العالم چھ کاشتر زبانی ہند گوڈنیک شاعر، تیکر حمدیتہ مناجاتی شروک وڈی مٹر  
چھ۔ حض شیخ سُنڈ کلام چھ قرآن مجید چ ترجمانی، یس پتر مہوساڑوشنیو ہتو وریو پیٹھ  
بتجھے مشپن تہ دہنی اجتماعن منتر پرہ تہ بوزناونہ یوان چھ۔ شیخ صائب لہجہ چھ  
واعظانہ، توحید باری تعالیٰ چھ تہند کلامک مؤلہ موضوع۔ اللہ تعالیٰ و اُحدتہ شائد، کن  
تہ کیول، ظاہر تہ باطن، اول تہ آخر، تھوڈ تہ بوڈ، خالق تہ مَالک، غفارتہ قہار،  
نخن ہارتہ پالن ہار، معبودتہ قادیزان چھ تہندس کلاس منتر جابہ جابہ مہوڈ۔

اُکے خدا ناو چھس لچھا ذکرِ زوس کاٹھہ کچھا مو  
عمر وینڈن اُکے پچھا رزقہ زوس اکھ مچھا مو



اول تہ سے آخر تہ سے ند بل و ستھ مل کاو  
گلر گنڈتھ تکر کن سرخم اُبو دو گنہ دوزجنہ ناہ لُبو



صاحبِ ثرے یوڈ بلند کانہہ نے      تگہ ہمے کر ہے ثیے اطاعت  
بہ یوڈ زانہ ہاؤنیا چھ کیئہ نے      ناھتہ دُلیچ برہانہ برانت



خدا تعالیٰ اوس تہ آسے      سہ پیئہ آرت کائسی نو  
نکس دن ہا روزی آسے      اُس تہس تہس سہ اَسہ نو  
ھض شیخ سَند کلامک بیا کھ پاس چھ مناجاتی تہ تھ منز بند پنہ نس معبود برحقس،  
تسِئز کبریائی باوڈ منز انتھ عفوئہ درگدر منگان چھ

پیئہ تہ مے ڈے تہ مے ڈے      میوے کر تم گلوار  
ساری تراؤتھ روٹکھ مے ڈے      مے ڈے ہاؤتم دیدار



ڈے ناو سیکلہن کارن ہمے      مے ڈے پر تھ وَن دتم ترانہ  
بہ ثیے پانؤن وِقتن نمے      چھ ہم تہس مہربانہ



شوگہ ڈلہ ہر تھ پنجر موڑ ہم      لوت لوت تلنم ہا ہا کار  
بہ زوتہ ولہ پوش زَن ہوڑ ہم      بار خدایا پاپ نوار  
زوتہ اوڈھے پون تہ اوڈھے      اوڈھے ژوک تہ اڈھے سار  
یمن پدن مے وہزار گوڈھے      بار خدایا پاپ نوار  
کھٹھ پُرگزے تہ تھ رچھرزے      کھٹھ دزے سُدس تار  
ڈے تہ بے کس وِنتھ کُرگزے      بار خدایا پاپ نوار



”تھے پاٹھی چھ شیخ العالمنہ“ ”گونگل نامہ“ ”تھی دورے و تو دو“ ہیشہ نظمہ  
مناجاتِ عطر با گران۔

کاشغر زبانی منز و از مثنوی صنف تہ پند لو از ماتھ تہ روایز بہتھ فارسی پٹھے۔  
بوزوے تہ سائی اکثر شاعر رُو در فارسی تہ اردو مثنوی یو پٹھے موضوع تہ مواد پہہ انتھ  
کاشغر منز نظماوان۔ مثنوی چھے دون قسمن ہنز، اکھ گلو و رزمیہ تہ بیا کھ بزمیہ۔  
دونوے قسپہ مثنوی تہ چھ اکثر حمد و مناجات عتی شروع سپدان۔

میر عبداللہ بیہقی (وفات ۱۸۰۷ء) چھ کاشغر زبانی ہند اہم مثنوی نگار مانہ  
یوان۔ سہ چھ حضرت شیخ العالمس پتہ ذویم شاعر تہ دین اسلام لوکن تام و اتاوانہ  
باپتھ کاشغر زبان ورتاوس اُنی۔ تہ لچھ کاشغر منز ہدایتی قسپہ ز مثنوی تہ عقاید تہ وقایہ۔  
تہ پھر مولانا فرید الدین عطار ہنز و فارسی مثنوی یو پٹھے شیخ صنعان، قصہ سنگ تراش  
تہ قصہ حضرت موسیٰ بیتر کاشغر منز۔ سہ رُو و مسائل دین منظوم کرنس عتی عتی نعت،  
حمد تہ مناجات تہ لبکھان:

گوڈ کر رہہ ہند عتی بیان! تیخی کور پیدا زمین و آسمان  
دمہ دمہ حمد و پ تس رُس تیخی زون آفتاب دیئت نس  
ساری تہندی کار تہ بار سے چھے مؤمن بخشن ہار  
آسمانہ تارک پزلاوان بُرا از آدم ثوب تھاوان  
گر دیکھ پیدا جن و انسان دیکھ تس آسن پزنانوان

(کاشغر عقیدہ)

دپہ حمد بو پرہتھ ساتے یا کریم کرم کرتو

چھم کلن چاڑی دوہ تے راتے یا کریم کرم کرتو  
قیامتہ ییلہ جواب منکن نھہ اژہم نرن تہ زنگن  
گمہ وسان آسم ہنگن یا کریم کرم کرتو

(مناجات)

محمود گامی (1763-1855ء) چھ کاثرین مثنوی نگارن مژ سرس مانہ  
یوان۔ تکر چھ داہہ مثنوی یہ لکھم۔ بیومژ لیلی مجنون، شرین خسرو، یوسف زلیخا تہ شیخ  
صنعان بیتز واریاہ مقبول روزہڑ چھ۔ بیمہ مثنوی پرتھ چھنہ قارکریس یہہند ترجمہ  
آسنگ باس لگان بلکہ چھ بیم طبع زاد باسان۔ یو دوی زان محمودن باقی شاعرن ہند  
پاٹھو زٹھو حمدتہ مناجات چھنہ لیکھو مژ مگر پینہ پرتھ گنہ مثنوی ہند دسلاہ چھن حمد  
مناجات ہستی کورمت باے نہ کوہ چھ اکر ہے شعرس پٹھ مشتمل۔ مشکن

اول حمداتیس تینکر پاڈ کور جان زمین و آسمان و عشق و عرفان  
(شرین خسرو)

حمد بے حدعت احمد ہر صحفیس ابتدا روز دما سوز عشقن بوز اے مرد خدا  
(یوسف زلیخا)

حمد تس تینکر محمد پاڈ کورن پینہ نے عشقہ مژ تس سپنہ یورن  
(لیلیٰ مجنون)

حمد دپ تس یس چھ اللہ الصمد لم یلد ، یولد ولم کفو احد  
(منصو رنامہ)

پا الہی کر اجابت در دعا رب اغفرلی ذنوبی گہا  
چھس گدا محتاج اے پادشا رب اغفرلی ذنوبی گہا



فرض و سنت مستحب بی واجبات سخت مشکل وقتہ تم سرِ م نہ ذات  
ہاے افسوس تم گیم ساری قضا رب اغفر لی ذنوبی کُلہا  
مند چھومت آس تے گن بے نوا عفو کرتم لوکر بُدی ساری گناہ  
از ترحم چشم رحمت برکشا رب اغفر لی ذنوبی کُلہا  
(مناجات)

مقبول شاہ کراہی (1802-1877ء) چھ اکھ مشہور مثنوی نگار۔ گریسی  
نامہ، بہار نامہ، پیر نامہ، حضرت صابر سند قصہ تہ منصوٰر نامہ تیر مثنوی یو علاو چھ کاشر  
زبان ہنراہم ترین تہ مقبول و مشہور مثنوی لکریز تہ تہندے قلمہ دز اہم۔ لکریز یو دے  
منظوم تہ منشور داستانک کاشر روپ چھ مگر مقبول شاہ کراہی داری چھ تہ تہ پٹھو  
کاشرس منز پھر ہنر تہ تہ مؤلہ کاشر قصہ چھ۔ مقبول تہ چھ لگ بگ پر تہ کنبہ مثنوی  
ہند دسلاہ حمد و مناجات ستی کو رمت۔ مثال لکریز مثنوی ہند دسلاہ چھ بیو فارسی  
حمدیہ شعرو ستی سپدان۔

خدایا چہرہ اُمید بنماے درے از حکمت جاوید بکشائے  
چراغِ فکر طبعم بر افروز زبَانم در سخن دُر سُفتن آموز  
مبدل منظم را با رطب گُن زبَانم پُر شکر از نوش لب گُن  
(لکریز)

گریسی نامس تہ حضرت صابر سندس قصص منز چھ مقبول سیو دتہ ساد زبان  
ورتاوتہ حمدتہ مناجات لیکھی متی: مشن۔

خداوند اِٹ چھکھ خلاق اخلاق تھوتھ سارن تے بیون بیون خلاق اخلاق

اَکس خلقا دِتھ شرپن زبانا      بُرتھ علما کوڑتھ شایستہ دانا  
 تِڑ چھکھ محرم پانہ سانبن دِن ہند      تِڑ چھکھ حلال سانبن مُشکلن ہند  
 (گرپس نامہ)

یا الہی چھکھ تِڑ ستار العیوب      یا الہی چھکھ تِڑ غفار الذنوب  
 یا الہی تاج اپمانک دزم      خلعت اپماں گندتھ مے ززم  
 مغفرت مے کرگز از بہر رسول      نا قبول سُنڈ وُن تھوسہ قبول  
 یا الہی کرتہ مقبول عطا      تاج اپمانک بیہ بخشس خطا  
 (حضرت صابر)

پیر عزیز اللہ تھائی (1854-1927ء) چھ کاشغرِ زبانی ہند بیا کہ ممتاز مثنوی  
 نگار مانہ یوان۔ تکر چھ الہ پلہ اکھ درجن پٹھی مثنوی یہ کاشغرِ س منز بھر مرہ۔ یمن منز  
 وُنہ تہ واریاہ اچھا پچھ۔ ممتاز بے نظیر، قصہ بے نظیر بدر منیر، گلبن عشق، گلدستہ بے  
 نظیر، چندر بدن، جوہر عشق تہ ماہر وے گل اندام چھ اُمی سز سزستھ مقبول مثنویہ۔  
 عبدالاحد آزاد چھ اُمس مقبول شاہس پتہ کاشغرِ زبانی ہند ترکیب گورتہ مطلق العنان  
 سخنور مانان۔ پنے اکثر مثنوی یہ چھن حمد و مناجات سستی شروع کر مرہ یمن منز سیو د، ساد  
 تہ لوتہ د اے لفظن ہند ورتا کو رمت چھن۔

مُحدا شوبی ذاتس      یُس جلو گر کائناتس  
 تیگی وودیدو عالم تے      تیگی سپدو آدم تے  
 موجود و مطلق پانے      ہر جایہ دتھ مکانے

(مثنوی چندر بدن)

دِلا کر بنامِ خدا ابتدا تہند ابتدا چھے بلا انتہا  
 سہ بے مثل و مانند بے کیف و کم سہ خلاق عالم بنور قدم  
 سہ قدوس قیوم قائم بذات چھ فعال افعال در کائنات  
 (مثنوی گلدستہ بے نظیر)

مثنوی گلِ بکا ولی چھے کاشغرِ منزِ عیسیٰ شیخ درویشِ گامی، علی شاہ ہریل، اسد پرے  
 حاجی، نعت اللہ پرے تہ لہ خان فدا صائب بن وئی مڑ۔ لہ خان فدا ستر مثنوی چھ یمن  
 سارے منزِ سرس مانہ یوان۔ ساروے مثنوی نگارو چھ روایت برقرار تھا و تھ گلِ بکا ولی  
 ہند گوڈ حمد و مناجات ستی ہیو تممت۔ البتہ نعت اللہ پرے یمن چھ پنہ نس مناجاتس منز  
 فصیح تہ بلغ زبان ورتا و مڑ ییلہ زن لہ خان فارسی زبان ورتا و تھ حمد نگاری کر مڑ  
 چھ۔

ثنا سوئے خداوند تعالیٰ بنا کردہ جہاں از زیرو بالا  
 ہویدا کر کر نہ ارداہ ساس عالم کوزن پیدا ز مشیت خاک آدم  
 مقدر تہ مدبر لا و بالا چھ صانع صفت باری تعالیٰ  
 محمود گامی تہ عزیز اللہ حقانی ہندک پاٹھک چھ پیر محی الدین مسکین  
 (1827-1916) تہ کاشغرِ زبانی ہند اکھ مقبول مثنوی نگار تیکو شے لولہ مثنوی یہ  
 کاشغرِ منزِ پھر۔ یمن منزِ زبانِ نگار، ہیرا رانجھا، یوسف زلیخا، سوہنی مہینوال، لال مجنون  
 تہ چند بدن قابلِ ذکر چھ۔ پنڈ پر تھ کاٹھہ مثنوی چھن یا تہ حمد باری تعالیٰ ستر شروع  
 کر مڑ تہ چھن مناجات لیکھتھ اللہ تعالیٰ ہس کن دعا کورمٹ:

إلاہی رحمتک بر موراؤم جمالِ شاہد مقصود ہاؤم

مشر تھ چھم دس رغبت سوئے غیر      ڈلتھ از کعبہ چھس لوگمت سوئے دیر  
ز قید ماسواہا دم رہائی      بعشق خویش بخشم اشنائی  
(مثنوی زیبا نگار)

حمدتس ذات پاکس تیکو دردو عالم      ز خلقت خاص کور ایجاد آدم  
کورن تیکو خوشما تقدیر انسان      مسلم در نصیب عشق و عرفان  
دیتن تیکو خوبروین حسن دلکش      عذار ماهش خوئے پر آتش  
دیتن دکان عشقن دزاو بازار      بخسن خود سپن پانے خریدار  
(مثنوی سوہنی مہیوال)

کاشغرین لولہ مثنوی ین ہند کی پاٹھک چھ رزمیہ مثنوی ین منزتہ کاشغر یو شاعرو  
پن کمال فن ہوومت۔ یو دوی زن رزم نگاری موضوع تہ مواد رنگر اکھ بیون تہ  
بدون شعر ذاتہ مانہ یوان چھ مگر فارم چھ اتھ منزتہ سوئے یوسہ لولہ مثنوی ین منز  
ورتاونہ آمڑ چھ۔ اگر چہ لولہ مثنوی ین ہند کی پاٹھک گنہ تہ جنگ نامک داستان مولہ  
کاشغر چھنہ مگر سانہ ترجمہ کارو چھ یمن پہہ ائی متبن رزمیہ داستان منز کاشغر ماحول پاؤ  
کرچ کوشش کر ہو۔ شاہ نامہ فردوسی یس وہاب پرے حاجنی ین ترجمہ کو رمت چھ  
تہ سام نامہ تہ خاور نامہ یمن امیر شاہ کری ین کاشغر وردن لوگمت چھ، چھ کاشغر منز  
رزم نگاری ہند کی اعلیٰ نمونہ مانہ یوان۔ شو زتہ ساد زبان ورتاوتھ چھ یمن ہند دس یاتہ  
حمد باری تعالیٰ تکر تکر آمت تہ چھ رب الکائنات ہندس بارگا ہس منز دعا کرنہ  
آمت۔ مثالے

خدایا تڑ چھکھ بادشاہ جہاں      معین تے چھ آشکارو نہاں



ژ اوسکھ تہ آسکھ گئے اندوند چھکھ پاک از شکوہ چون و چند  
میرا ژ از جوہر جسم پاک منزہ ز آلایش آب و خاک  
قدیمی بلا ابتدا از ازل کریمی بلا انتہا لم یزل  
(شاہنامہ)

خدایا! جہاں دار داور ژ چھکھ فرو زندہ میر خاور ژ چھکھ  
ژ بے چوں خدا چھکھ بذات و صفات ازل تا ابد پانہ قائم بذات  
بقدرت ژ چھکھ کار ساز جہاں کورتھ پاد ژے آشکارو نہاں  
(خاورنامہ)

تیتھے پاٹھی چھ باقی لولہ مثنوی ین تہ جنکنا من منز تہ حمد گوئی تہ مناجات نگاری  
ہنز روایت از تام چلہ وئی روزمہ، کیشہ کال بروئہ چھ شبیر احمد شبیرن حفیظ جالندھری  
سُند شاہنامہ اسلام تہ فاروق نازکی ین مرزا شوق ہسز اُردو مثنوی زہر عشق کاشغر س  
منز پھر ہمز یمن ہند دس تہ چھ دونو یوشاعر و حمد باری تعالیٰ ستی کورمت ۔

شوہن تعریف ساری تس چھ کورمت پاد تیگر عالم  
جہانس گن پُن نایب بناوتھ سوز تیگر آدم

(شاہنامہ اسلام)

گوڈ پرو حمد رب لامحدود کیا ز بس سے چھ جابجا موجود  
سے چھ بس سے چھ جادوئی زان تس سوائے گل من علیہا فان  
تس نہ ہمشانہ کاٹھہ ندیم نہ کاٹھہ ساری حادث چھ قدیم نہ کاٹھہ  
(مثنوی ماہ جبین)

کاثر مرثی ہند آدن کال چھ شہمیری دور پٹھے شروع سپدان۔ شک دور چھ  
 کشیر مرثی ادبک عروج مانہ یوان۔ کلاسیکی مرثین ہند نمونہ وچھتھ چھ باسان ز  
 مرثی خاطر اُس نہ کانہہ گندتھ ژڈرتھ ہیئت ضرورت بلکہ اُس یہ وان لیہ مرثی ونہ  
 یوان۔ گوڈ کال کس مرثی ادبس مرثی چھ حمد و مناجات وافر مقدارس مرثی موہو دتکیا ز  
 کلاسیکی مرثی خاطر اوس لازمی زیہ گڑھ حمد نگاری یا مناجات گوئی ستر شروع سپدی۔  
 یو ہے وجہ چھ زسانو کلاسیکی مثنوی نگار ویمین مرثی محمد جعفر، خواجہ حسین میر، خواجہ عبداللہ،  
 خواجہ باقر، ملا حکیم عظیم، منشی محمد یوسف، منشی صفدر، حکیم عبداللہ، سید رضایت چھ پر تھ  
 گنہ مضمونک ڈسلاہ حمد یا مناجات سستی کورمت:

مومنو حمدو ثنا شو بہ تس پادشہس  
 یتیمو نبی تہ مرسل گری ایجاد

(محمد جعفر)

یا اللہ ژ محمودا ، معبودا بے شبہا  
 ہر شیا کوڑتھ پیدا یتھ نے کرن بند گیا  
 شو بی سجودا مسجودا ، یہ عالم مسجد تشبیہا  
 ما عبدنا عارفو ڈوپ ہتھ گئیہ شرمند گیا

(خواجہ حسین میر)

یا مُقَلِّبِ الْقُلُوبِ قَلْبِ سَلِیمِ خَشْتَمِ  
 یتھ با حضور قلب دمہ دمہ چانہ حمد کرم

(منشی صفدر)

یا اللہ کرتن دل کشادِ وسیع فضا میون نفس سینے  
چُھ گو مُت گونہو سترِ ننگ ورتاو  
اتھ منز کبوترِ دل گرفتارو

(ملا حکیم عظیم)

صوفی شاعری چھ سون مولل میراث۔ روحانی تجربن ہنز باؤنہر یمانہ چھ اتھ منز  
تصو قلوبن اصطلاحن ہنز وضاحت تہ میلان۔ یہ شاعری چھ نغمہ گی سترِ برہمہ، یہ چھ  
یشہ پڑھ تہ عقیدتِ شاعری۔ حمدتہ مناجات کی نمونہ چھ اتھ منز تہ موجود۔ یہ کینزہاہ  
کایناتس منز موجود چھ تہ کو را اللہ تعالیٰ ہن پاد۔ اللہ تعالیٰ سندا ارشاد چھ وَمَا خَلَقْنَا  
السَّمَوَاتِ وَالْأَرْضَ وَمَا بَيْنَهُمَا إِلَّا بِالْحَقِّ۔ (ترجمہ: یعنی زمین تہ آسمان تہ  
یمن منز یہ کینزہا موجود چھ تہ سورے کو رمے حق سترِ پاد)۔ تسنن وحدانیت، ربوبیت،  
معرفت، رحمانیت، شہادتہ مشہود اسن چھ تہ سندک صفات۔

توحید یا کبیر چھ اسلامچ بنیاد۔ باری تعالیٰ چھ کن تہ کیول۔ سہ چھ لاشریک،  
بے نیاز، لا ولد تہ لامولود۔ صوفی شاعر چھ اللہ تعالیٰ سندا بن یمن صفتن ہندک تعریف  
تہ توصیف کرک ستر:

کُنْے کُبیرس دتھ چُھ جلاو پانہ منز پان پز زناو لو  
نے کاٹھہ زاس تے نے کاٹھہ زاو اتھ پٹھہ اخلاص آو لو  
فنی اَنفُسِکُم شہد آو پانہ منز پان پز زناو لو

(مومن صاب)

ذاتِ پاک چُھ لاشریک تس نو چُھ کاٹھہ شریک

نہ تس مول مآج نہ تس پیہ یے      ولأے گتہ رتہ یے  
(وہاب کھار)

الف گو اللہ کن پز نووم      ”ب“ چھے بلا شک تہنز بُنیاد  
”ت“ تکر تماس پرتو تر ووم      ونہ کس رووم دودہ تے رات  
(صمد میر)

سمیع البصیر پانے چھئے      متکلم آمت چھ در قرآن  
مراد پانے یراد تہنڈے چھئے      رُمہ رے بالہ چھم تہنڈے فراق  
(رحم صائب)

کُنْے وچھتن جرتہ وادس دوان کیئہ تہ ماتنے  
کُنْے وچھتن سرمد بازار عاشق تس چھ ڈیشان  
کُنْے وچھتن اندر تہ نہر خبر کس کیا ونے  
کُنْے وچھتن نالود نیے سود بود گر تھ زان

(رحمان ڈار)

مے ژہا نجوم سور سمسار      وچھم نہ کاٹہہ وفادار  
ولیکن اکھ خدا یار      وچھم نہ کاٹہہ وفادار  
کتھا وئی رحمان      زلنہ وئی مانہ زان  
چھنا پڑھ غار زان      چھ صاحب بخش ہار

(رحم صائب)

کارنہ کار باشند خداوندِ الہی      پوزاوس دود کو رُم گنہ خداوندِ الہی

(سوچھ کراں)



کردس میانس انتہ شادی انت الہادی  
ثلہ منہ دے بلنم دادی انت الہادی

(اسد پرے)

حمدیہ مناجات چھ ز موضوعی شعر ذرا زمین ہند بابت کاٹھہ مخصوص ہیئت مقرر  
چھنہ اوے۔ تھتہ منظومس منز بامے سہ کنبہ تہ ہیہ منز آسہ، اللہ تعالیٰ ہند کر تعریف  
آسن، سہ چھ حمدیہ تھ منز دعائے التجائیز آسہ، سہ چھ مناجات۔ کاثر زبان ہند و اکثر  
شاعر و چھ حمدیہ مناجات رنگی کینہہ تہ کینہہ لیو کھمت، مگر یہ تہ چھ پز ز بٹھے چھنہ  
کاٹھہ تہ حمدیہ مناجات لیکھ کر ہتر اکھتے چھنہ اکثر شاعر و حمدیہ مناجات درمیان بہن  
تہ تھو و مت۔ تمو چھ حمدیہ مناجات شاعر تہ مناجاتس منز کینہہ حمدیہ شعر تہ  
لیکھ کر ہتر۔ از تاں چھنہ کاٹھہ تہ شاعر ہتر حمدیہ شاعری یا مناجاتی شاعری ہتر اکھ تہ  
سو مبرن الگ پاٹھ کر شائع کرنہ آہر، البتہ چھ دایرہ ادب دہلکہ ”پرتو“ رسالک حمدیہ  
غزل نمبر ۱۹۹۵ء منز شائع سپد مت، تھتہ منز مختلف شاعر ہند کر حمد شاعریل چھ تہ تھتہ  
پاٹھ کر گو و ۱۹۹۶ء منز کلچرل فورم کریری پٹن کہ طرفہ ”انہار“ رسالک مناجات نمبر تہ  
شائع۔ کینون ہم کال شاعر ہند حمدیہ تہ مناجات کر شعر چھ نمونہ رنگو پیش:

حمدیہ نمونہ:

چھ سہ حاکم حکم خود یگانہ

نہ باکس تس شراکت شو بہ دانا

(محمد انور شوپیان)

رحیم تہ چھکھ کریم تہ چھکھ خدا تہ اللہ چھ ناو چوئے  
تہ خالق کل تہ مالک کل چھ کائناتس نظام چوئے  
(فاضل کشمیر)

کئے چھ، اوس کئے، آسہ گن تہ روز کئے  
کنہر فقط چھ تہنر شان لاشریک لہ  
(مشعل سلطانپوری)

ربنا خالق تہ مالک پرہتھ اُکس کس تہے سوا  
ربنا معبود برحق چھ تہے روس پیہ کاٹھہ اکھا  
(مرغوب بانہالی)

نیہہ تہ بند نہ دود دگ زانی  
احسن الخالقین چھ لافانی  
(غلام نبی آتش)

سے رب چھ سے اللہ تہ سے رحمن مبارک  
اُکر بند بناؤن چھ یڈ احسان مبارک  
(ایس راضی)

چھ نڈر سُر تہ پززلہ وُن عظیم روگٹس اندر  
سیاہ وُن چھ گاشران یہ لا الہ الا اللہ  
(نور الدین ہوش)

مناجات کی نمونہ:

عمر راؤم در تباہی یا الہی عفو کر  
کرتے حاصل رو سیاہی یا الہی عفو کر

(محی الدین مسکین)

صاحبو ستھ چھم مے چائی، وتھ مے اچھاو تم  
کوت کالا روز بے زان زانی ہند مس چاو تم

(غلام احمد مہجور)

مونگ مے نہ کینہہ خدایہ دکھے کار تھز ر دم  
یتر روز دل آباد سہ وارا گہ شہر دم

(سید رسول پونیر)

دین ہنر رایہ زانن وول مولا  
چھ تکر اتھ خیر وشر ، اللہ اکبر

(مشتاق کشمیری)

بہ چھس عاجزتہ بے دسگاہ تر چھکھ مختار یا اللہ  
تر خالق گل جہانن ہندتہ پالنہار یا اللہ

(غلام احمد غمگین)

یا الہی خراب متہ کرتم  
نوتوانس عذاب متہ کرتم

(ایس راضی)

یا خدا بزرگ سبق پر ناو تم  
پوز وں نیکی کرنی ہچھ ناو تم  
انہ گئس منز تھنہ گوتھ ہار انہہ تہ گہر  
آفا پکو پاٹھر مے تہ پرز ناو تم

(عزیز حاجتی)

دردس سو مبرن تیار کرنہ باپتھ کرنے پور کوشش زیتھ منز گوتھ پر تھ کاٹھہ  
نمائند حمدیہ مناجات شامل سپدن۔ سہ پر تھ کاٹھہ شاعر گوتھ درج سپدن، تیکر حمد  
تہ مناجات رنگ کیشہ نہ کیشہ لیو کھمت چھ، بعضین ہند پیو و پیو ز بانو پٹھہ تھند دسر  
کرنہ آمت حمدیہ کلامک ترجمہ شامل کرن۔ شاعرن ہند حمدیہ تہ مناجاتی کلام  
ژھارنہ گارنہ موکھ پیئہ مے رسالن ہنز فایلیہ، شاعرن ہنز شعر سو مبرنہ تہ مثنوی بیتر  
ورقہ ورقہ پھرنہ۔ یمن ہم کال شاعرن ہند امیہ قسمیکہ کلامک نمونہ بدس آم نہ،  
تھندس خدمتس منز حاضر سپتھ یا فونس پٹھ کال کرتھ کو رنکھ عرضداش مکر تہ کرتھ تہ  
کو رنہ تھومنز واریا ہوا تھ روٹ۔ لہذا اگر نہ تھ سو مبرنہ منز کائسہ کائسہ ہند ناو نظر گوتھ  
تھ منز آسہ نہ میاڈی کوتا ہی، ووں گو و ہر گہ نہ کائسہ ہندس کلامس تام پلو آسم و دومت  
یاسہ نظر آسم نہ گو مت، تمہ خاطر چھس معافی ہند طلبگار تکیا ز بند چھ بشر۔ (الانسان  
مَرَكَبُ الْخَطَا وَالنَّسِيَانِ) تا ہم چھ مے یمہ کتھ باپتھ خوشی ز ازا تام چھنہ تھ  
موضوعس پٹھ پیٹھ باگہ ہنز سو مبرن شائع سہر مہر تہ یہ سعادت اُس میاڈی ہے نصیبس۔

بہ چھس ساہتیہ اکیڈمی ہند کاٹھرایڈ وایزری بورڈ کس کنویر جناب ڈاکٹر عزیز  
حاجتی، امیہ بورڈ کین تمام مبرن تہ ڈپٹی سیکریٹری شریعتی رینو موہن بان جی ہند شکر

گزار ز تموگریم یہ سو مبرن تیار کر پنچ سعادت مند کام تفویض۔ ووں گوؤ ڈاکٹر عزیز  
حاجتی تہ شہزادہ رفیق سُنڈ چھس احسان مند ز تموگریم وقتہ وقتہ حوصلہ افزائی تہ۔

اُستاد محترم معروف ادیب، محقق، شاعر تہ لکھ دوتر کو ماہر جناب غلام نبی آتش  
صائبن چھس احسان مند اُسکے تھے، تموگریم نہ صرف یہ سو مبرن تیار کرنہ کس سلسلس  
منز رہنمائی بلکہ تھو وہم پر تھ ساتھ پُئن دست شفقت آیت۔ تہندہ احسانات چھم  
پر تھ ساتھ شامل حال۔

محترمہ نوشین جی، ڈاکٹر سید افتخار، ڈاکٹر شبنم رفیق، ظفر مظفر، جاوید اقبال،  
ڈاکٹر اعجاز محمد شیخ، ڈاکٹر شفقت الطاف تہ اعجاز رمضان بتر ستر باجن تہ یارن دوستن  
ہند تہ چھس شکر گزار ز تموگورم اکہ نتہ پیہ رنگو مدد۔ تمن شاعرن تہ ادیبن ہند تہ  
چھس شکر یہ کران۔ بہنز و کتابوتہ شعر سو مبرنو پٹھہ حوالہ تہ شعر نمونہ تلم۔

یتھ سو مبرنہ منز شامل کرنہ باپتھ تلم خاص پاٹھو دایہ ادب دہلکے ”پرتو“ رسالہ  
کہ حمد یہ غزل نمبر تہ کلچرل فورم کریری پٹنہ کہ ”انہار“ مناجات نمبر منز واریاہ منظومات،  
یم دونوے ادبی تنظیم چھے مبارکس لایق زیمو چھے۔ یتھ موضوعس پٹھ گوڈ انوار بُیادی  
کام کرہو۔ مقبول ساجد سندا یم۔ فل مقالہ تہ رُو دُم زیر نظر تہ مفتی شفیق الرحمن قاسمی  
رُو دُم عربی تہ فارسی لفظن گینڈ کڈنس منز مدد کران، یمہ باپتھ تہندہ مشکور چھس۔

گلزار احمد راتھر



حوالہ:

- ۱۔ لغات کشوری از مولوی سید حسین صاحب رضوی، صفحہ: ۱۵۸۔
- ۲۔ مقالہ: کاثری حمدیہ مناجات، مقالہ نگار: غلام نبی ناظر، کاثر عقیدتی ادب، ترتیب: ڈاکٹر عزیز حاجتی۔ (ساتھیہ اکاڈمی) صفحہ: ۱۵۶۔
- ۳۔ حمد۔ [ن۔ مؤل: حمد > ع: حمد] جائی گزرنی، تأریف کرنی، ثنا۔ خودایہ ہند کی تعریف کرنی۔ خدایس کن شکر کرن۔ استوتھ۔ کاثر ڈکشنری جلد ۳، ص: ۱۴۶۔ کلچرل اکیڈمی سرینگر۔
- ۴۔ حمد [ت۔ حمد۔ ع۔ مونث] خودایہ ہند کی گون یا تأریف۔ خودایہ ہند تھرن پرک تہ بجر کر تأریف، حمد، ثنا۔ (اردو کشمیری فرہنگ: جلد ۵، ص: ۴۶۔ کلچرل اکیڈمی سرینگر)۔
- ۵۔ حمد: اللہ: بار بار تعریف کرنا اور الحمد اللہ کہنا۔ الحمد۔ تعریف۔ تعریف کیا ہوا۔ مصباح اللغات۔ از ابوالفضل عبدالحفیظ بلیاوی، ص: ۱۷۵۔
- ۶۔ مقالہ: اقسام شعر، مقالہ نگار: شمیم احمد، درس بلاغت، ایڈیشن: سوم، ص: ۱۶۵، قومی کونسل برائے فروغ اردو زبان دہلی۔
- ۷۔ پرتو: حمدیہ نظم نمبر (۱۹۶۵ء) دائرہ ادب دہلی (بارہ مولہ) ترتیب: نشاط انصاری تہ قاضی منظور دہلوی۔ سرنامہ۔
- ۸۔ مناجات: [ن۔ مؤل: مناجات > ع: مناجاة]۔  
 ۱۔ سو نظم۔ تھ اندر خودایہ ہند حمدیہ دعا تہر لکھنہ پیہ۔  
 ۲۔ حمد خودایہ ہند کی تأریف تہ تھ ستر ستر کرنہ آمنت التجا۔ توتا۔ استوتھ۔  
 کاثر ڈکشنری: جلد ۶، ص: ۲۲۶۔ کلچرل اکیڈمی سرینگر۔
- ۹۔ مناجات [مناجات۔ ع۔ مونث] راہی، دعا۔ عرض۔ دوے خاں۔ مناجات۔ سو نظم۔ تھ  
 مفر خودایہ ہند کی تأریف کرتھ پنڈی عاجزی بیان پیہ کرنہ۔  
 اردو کشمیری فرہنگ، جلد ۱۰، ص: ۲۵۱۔ کلچرل اکیڈمی سرینگر۔

- ۱۰۔ ذخیرۂ سعادت (حصہ دوم)۔ حضرت شاہ بہمانؒ کی مشہور فارسی تصنیف ”ذخیرۃ الملوک“ کا اردو ترجمہ۔ مترجم: پروفیسر شمس الدین احمد۔ ص: ۲۸۱۔ علی محمد ایندسنز لالچوک سرینگر۔
- ۱۱۔ کاٹھری نعت، ترتیب کار: ڈاکٹر عزیز حاجی۔ سرنامہ (گوڈ کتھ)۔ ص: ۲۰۔ ساہتیہ اکیڈمی نئی دہلی (۲۰۰۷ء)۔
- ۱۲۔ ایضاً۔ ص: ۱۳۔
- ۱۳۔ تاریخ ادب عربی از استاذ احمد حسن زیارت، ترجمہ: عبدالرحمن طاہر سورتی، ص: ۲۳۴۔
- ۱۶۔ شیخ راضی ہند بن مناجاتن ہنزو سوہرن چھنے زیر طبع۔

### کتابیات:

- ۱۔ کلچرل اکیڈمی سرینگر، کاٹھری ڈکشنری
- ۲۔ کلچرل اکیڈمی سرینگر، اردو کشمیری فرہنگ
- ۳۔ کلچرل اکیڈمی سرینگر، کاٹھری شاعری، ۲ جلد۔ ترتیب: موتی لعل ساقی، ایڈیشن: سوم، (۲۰۰۵ء)،
- ۴۔ ساہتیہ اکیڈمی نئی دہلی، کاٹھری نعت، ترتیب: ڈاکٹر عزیز حاجی (۲۰۰۷ء)
- ۵۔ ساہتیہ اکیڈمی نئی دہلی، کاٹھری عقیدتی ادب (سیناؤرڈ پیپر) ترتیب: ڈاکٹر عزیز حاجی (۲۰۱۰ء)
- ۶۔ شعبہ کاٹھری کشمیر یونیورسٹی، نوڈ کاٹھری ادبک تواریخ: ناجی منور، شفیق شوق: (۱۹۹۲ء)
- ۷۔ قومی کونسل برائے فروغ اردو زبان: درسِ بلاغت، ایڈیشن سوم (۲۰۰۹ء)
- ۸۔ جموں اینڈ کشمیر اسلامک ریسرچ سینٹر: ربنا مرتب: عبدالرحمن کوندو۔ بار: ۹ (۲۰۱۱ء)
- ۹۔ شیخ محمد عثمان ایندسنز تاجران کتب سرینگر۔ نعت محمدی ترتیب: شیخ اعجاز احمد، (۱۹۹۷ء)
- ۱۰۔ کتابی دنیا دہلی: نگلیات اقبال از خواجہ عبدالحمید زدانی (۲۰۰۱ء)
- ۱۱۔ جیم بک ڈپو دہلی۔ شاہنامہ اسلام، آخر خانہ: ابوالاثر حفیظ جالندھری

۱۲۔ دائرہ ادب ولہ (بارہ مولہ): ’پرتو‘ حمدیہ نظم نمبر، مرتب: نشاط انصاری تہ قاضی منظور دہلوی (۱۹۹۵ء)

۱۳۔ کلچرل فورم کریری پٹن: ’انہار مناجات نمبر، ترتیب: سید نذیر حسین حسین۔ (۹۶-۱۹۹۵ء)  
۱۴۔ اعجاز القرآن (کاشغر پاتھو قرآن پاکک ترجمہ) مترجم: سید جلال الدین اندرابی (۲۰۰۰ء)

۱۵۔ بزم ثقافت کشمیر، ہیڈ آفس میمندرشپین ’’ثقافت فائل‘‘ ایڈیٹر: شہزادہ رفیق

۱۶۔ مرازا دبی سنگم و نیچہ بزور ’’وہتھیہ آگر‘‘ فائیل



کاثری  
حمدتہ مناجات





# شیخ العالم

(ولادت : ۱۳۷۸ء - وفات : ۱۴۳۸ء)

## حمد

صاحبِ ثَمّے یوڈ بلند کوئہم نے  
تگہ ہیکے کر ہے ثَمّے اطاعت  
ہتھ جند آدر منگہ ہے ترہنے  
ژ یوڈ وچھ ہم تہ پوت ژلے نہ ذات  
بہ یوڈ زانہ ہا دُنیا چھ کینہہ نے  
کرتام بُدریم دیہہ تہ دودریم دات  
ژ یس دکھ تس دتھ ہیکہ کوئہم نے  
کیا کر بس گُر تہ کیا کر بس ساعت  
ژ یس نکھ تس دتھ ہیکہ کوئہم نے  
کیا کر بس قابلیت کیا کر بس ذات  
بہ لگے پَارِ چانہ قود رِژے  
زوتھ یس یُتھ تس دتھ اوقات  
صاحبِ پَارِ چانہ معرفوے  
دِتھ رسول خدایس موجزات



## شیخ العالم

حمد

وِزِ وِزِ مَوْجُهِم سِرْ نو  
یا اللہ چھس شرمندِ چون  
چانہ قودرُت زائی قدر نو  
یا اللہ چھس شرمندِ چون

ہیکہ نتہ بار آم بر نو  
وِزِ یاد کرم قبر نو  
تہ تھوئے تہ گہ زر نو  
یا اللہ چھس شرمندِ چون

چھس اُمتی حضرت سُدے  
کو دُپشتہ لوگم اونے  
زبھ رتی کرم کار نو  
یا اللہ چھس شرمندِ چون

احسان زانم قدر نو  
ہیوتم دود تراوتھ پونی مند نو

تسؤنم پو وونی اکھ ہارنو  
یا اللہ چھس شرمندہ چون

پاد پآر تراؤم پتھر نو  
رثہ وتہ لوگم پان نو  
ابلیس ہیوتم سرنو  
یا اللہ چھس شرمندہ چون

فرشتہ و ستم آر نو  
دینم بند چھکھ کوہندو  
جوابس روزم تھر نو  
یا اللہ چھس شرمندہ چون

پلہ صراطس تار ترنو  
نند ریش گوہ تارنہ  
تہ ترنس چھم آدرنو  
یا اللہ چھس شرمندہ چون



## شیخ العالمؒ

### مُناجات

کیولے کوٹ نیرکھ پنتھانی  
 تراوتھ شری مُرد گیمہ بار  
 تم کس بار لدکھ پا پانی  
 بار خدایا پاپ نوار

تتھ پنتھانس سو کلی پکی  
 تمہ دوہہ نکلی دہ تہ نار  
 یم لائڈ کنڈ مؤنڈر وکھی  
 بار خدایا پاپ نوار

تتہ شن سکلی کاوٹن  
 نندر ڈیٹھ تہ گونہگار  
 پوگ ییلہ واین زمین پھٹن  
 بار خدایا پاپ نوار

تیلہ مے اوسم یاوٹن چھو  
 دونی تہ بہ گوس ناپہ کار

سوڑے تھے موڑِ مو  
بارِ خدایا پاپِ نوار

زُو نیرِ بردہ لُوبِ نیرِ پتہ  
گروہنِ دونِ زِ دتہ شکرِ کار  
یہ دھِ بردہ تِ لگہ پتہ  
بارِ خدایا پاپِ نوار

روڑنِ یارِ پیتمِ ژھوٹے  
ہٹے و لنمِ گڑمِ تہ مار  
تیولِ زنِ تیلیمِ پھٹتہ پھمبِ پھٹے  
بارِ خدایا پاپِ نوار

گہلو و نہ پیتہ گیمِ گٹے  
بُٹھ پے چھ سُمہ تار  
ژ و چھکھ لندیو د بہ کمِ رٹے  
بارِ خدایا پاپِ نوار

سہز گٹہ، یڑھ تہ رنے  
چھونی گری توے سوزن  
ژلہ پونرِ نہر تھ چھونہ میڑتے  
بارِ خدایا پاپِ نوار



ٺوٺھ، ميٺوٺھ سوڙي لوڱم  
گند ھوڙي ڪوڙم موزدار  
ڪم ٿر آوتھ ڀرتن زوڱم  
بار خدايا ڀاپ نوار

سهرس ھيگھ نہ ظون گھوھ  
پيڙھ ڀروم موختو دوار  
سلس نون مڙتھ گھوھ  
بار خدايا ڀاپ نوار

درم شل تہ گھم آسو  
ٿر آوتھ اتھ دڻو سمسار  
ويو ڀم پيٽ نہ پھوڙم ايلي سو  
بار خدايا ڀاپ نوار

مارم نہ کھڪو، ڇڏھن تہ دُٻي  
نتہ لوبہ نيربم ڇڏي ناو  
سهرڇ ڪتھ ڪڙم نہ ڇڏي  
بار خدايا ڀاپ نوار

گھو تہ مڻدي مارم ھندي  
ميٺوٺھن مڻدي ڪوڙم اھار

دس چھی ژھوہ تہ زمس گندی  
بار خدایا پاپ نوار

شوگہ ژلہ نیرتھ پنجر مؤژبم  
لوت لوت تلنم ہا ہا کار  
یہ زوتہ ولہ پوش زن ہوژبم  
بار خدایا پاپ نوار

زوتہ اوژھے پون تہ اوژھے  
اوژھے ژوک تہ اژھے سار  
یمن پدین مے وہار گوژھے  
بار خدایا پاپ نوار

کھٹھ پُرک زے ژبتھ رچھگر زے  
کھٹھ دِزے سدرس تار  
ژے نتہ پیہ کس وبتھ گرک زے  
بار خدایا پاپ نوار

ڈپٹھس کپلک کالس مئزی  
ہئزی پاٹھن لوب مس تار  
وُنی وبتھ نند بابہ ہئزی  
بار خدایا پاپ نوار

میر عبداللہ بہیقی

(وفات : ۱۸۰۷ء)

## مُناجات

یارب ہاؤ تم پڑتےج راہ  
سارے چھ رحمت چاڑی درگاہ

توفیق علمک بخشتم جان  
متور کرتی سورے پان

بار صاحبہ رستم کہنے نش دور  
دلہ ہے دیتہ عرفانک نور

ژنئے گلن کران چھس زار تہ پار  
دنیہس عقبہس منز متہ کرتہ خار

پتھ کاکر آخر دیتہ ایمان  
جنس جائے ماجہ مائلس سان

مہر عبداللہ اُمیدوار  
پیٹہ زوٹ تکر چوئے دربار



## محمود گامی

(ولادت : ۱۷۶۵ء - وفات : ۱۸۵۵ء)

### حمد

یا الہی کر اجابت در دُعا  
چھس گدا محتاج اے بادشاہ  
در ازل بو پاد کورھس از عدم  
نفسہ کنی دینم مے شیطانس دُعا  
یام بالغ گوس اوسم لوکپار  
درجوانی یو گرم جرم و خطا  
فرض و سنت مستحب بینہ و اجبات  
ہائے افسوس تم گیم ساری قضا  
ذکر تراوتھ فکر کران دودہ گوم  
نفس شومن کتھ کورنس در بلا  
تی مے وچھم پنے گورھس ڈیشہ ئے  
تی مے کورم تھ نہ کاٹھہ اوسم نفعاً  
تمہ سارے نشہ وونی بیزار گوس  
فکر کران پیوس درخوف و رجا  
مند چھومت آس ژے کن بے نوا  
رَبِّ اغفر لی ذنوبی گُناہا  
رَبِّ اغفر لی ذنوبی گُناہا  
نالو ژھنژھم فکر تے اندیشہ غم  
رَبِّ اغفر لی ذنوبی گُناہا  
کتھ بہ توشے رت کورم نہ کاٹھہ تہ کار  
رَبِّ اغفر لی ذنوبی گُناہا  
سخت مشکل وقتہ تم سرم نہ ذات  
رَبِّ اغفر لی ذنوبی گُناہا  
تام ژیونم یام ہارس پودہ گوم  
رَبِّ اغفر لی ذنوبی گُناہا  
تکر بہ موڑس پنے گورھس کریشہ ئے  
رَبِّ اغفر لی ذنوبی گُناہا  
بار صاحبو زار بوڑم خار گوس  
رَبِّ اغفر لی ذنوبی گُناہا  
غفو کرتم لوکر بڈی ساری گناہ

از ترحم چشم رحمت بر کُشا      رَپَ اِغفرَلی ذنُوبی کُلَّها  
 توبہ کردم توبہ کردم یا صمد      متہ اتم روبہ تم اعمالِ بد  
 چھی شفیع یم انبیاء و اولیا      رَپَ اِغفرَلی ذنُوبی کُلَّها  
 زو کھسُن مئون کرتہ آسان یا غفور      وقتہ نزع تھاوتم اپلس دُور  
 نُوِرِ ایمان کرتہ محمودس عطا      رَپَ اِغفرَلی ذنُوبی کُلَّها





## مقبول شاہ کرامہ واری

(ولادت : ۱۸۰۲ء - وفات : ۱۸۷۷ء)

## حمد

خداوند اے چھکھ خلاقِ اخلاق  
اے کس خولقا دیتھ شیریں زبانا  
ہیںس بد سپرتی کر تھے عطا گوکھ  
اے محرم پانہ چھکھ سائنن وِلن ہند  
ہیںس ہتھ بانہ زوتھ تس تھے بوگ  
اے کس ہاوتھ وتھا رتھ اصلے کُن  
ہیںس غفلتھ تھنتھ تھوتھ سہ مہور  
اکھا چھے روز و شب در ذکر مشغول  
ہیںس مسجد اژن سکر اتھ میلان  
اے کس چھے موت اچھنے تل مرن چھم  
اکھاہ پرتھ ساتھ تسبیح ہتھ چھ در دست  
اے کس چھے حُب پیغمبر رتھ دل  
اے کس ارمان کر ویشن وندس جان  
ہیںس نام مبارک نہ تھند یاد

تھوتھ سارنن تے یون یون خلاقِ اخلاق  
ہرتھ علما کوڑتھ شایستہ دانا  
تھس بوڈ راوتھے اندر خطا گوکھ  
اے چھکھ حلال سائنن مشکلن ہمند  
دیتھ تے لیس کر تھ ہتھ تھر تھے بوگ  
ز دوری نیوتھ ہیںس و صلے کُن  
برحمت یوڈ سہ از رحمت کوڑتھ دُور  
سہ در روزِ ازل تے کوڑتھ مقبول  
سہ کر مند چھان یوڈس ساڈ گیلان  
ہیںس غفلتھ خبرتس ہتھ درن چھم  
چھہ بیاکھ لور ہتھ ظلمس گوڈت مست  
ہیںس بدکاہنے کُن نفس مایل  
جنابِ مصطفیٰ معشوقِ یزدان  
تھس گوڈ ضایہ ایمان دزایہ بُیاد

## مقبول شاہ کراہ واری

### مناجات

الہی ہاؤ مقبول راہِ راست  
 دِس توفیق بر اعمالِ صالح  
 عفو کرتی تُو دِس ساری عطا پاس  
 خیالک پرد از اکرامِ تلتس  
 غمی کاس دِس زِ خود بیزار کرتی  
 پدر مادر کُرس مرحوم و مغفور  
 گرفتاری نشہ دِس رستگاری  
 یہ اُمید از کرم انتس تُو انجام  
 خدایا گام ضالغ ٹاشمہ انفاس  
 پشیمان گوس اعمالِ بدو مَتر  
 گنہگار مے ہیو چھنہ کاٹہ بہ عالم  
 غریقِ جُرم و عصیاں مجھس سراپا  
 حلاوت خامشی ہنر راور اوم  
 کوڑم ناحق بنادان پان مشہور  
 مزہ نفس لوگم ، بوڑن توگم نہ  
 زبان دانی کُرم لوگم سُن باز  
 پھرس دِل از کچی لاگن سوئے راست  
 ہدایت تُوے کُرس یودوے چھ طالع  
 دِس غفلت دِس دِلچن اُچھن گاش  
 پرہنس خلعت و اکرام و لتس  
 غمی از دولت دیدار کرتی  
 تھون تم ہتھ سہ از نارِ سقر دور  
 ہشتس زانتن ہتھ دوست ساری  
 گنہگارن کپوے رحمت تُوے چھے عام  
 عزامت از ندامت تُوے کنتھ اس  
 بتاوان پیوس افعالِ بدو مَتر  
 زیاد چھم بدی از حد ہڑر کم  
 کوڑم یود بد بوڑم نہ کینہہ تہ پروا  
 بدن تے واہیاتن کن مے تھووم  
 وزن ڈھر مٹ قدیم اصلا چھ دستور  
 بجز عفو ت اما وونی چار چھمنہ  
 یہ نہر تھ گو تہ پھرتھ وونی پیا باز

زمانس مژے ہیو چھا کاٹھہ تہ نادان      کوڑم بے وایہ بے مایہ پُن پان  
 مژر لوڑم نفع از دست تروؤم      پُن لذت دِلگ از دست روؤم  
 پراگندہ گیم جمعیت دِل      تھوؤم بر صدق صادق نیت دِل  
 وسیلہ آس ژے گلن بہتہ معظم      جناب شیخ حمزہ پیر عالم  
 مناجاتس قبولیت بخشتم      دِلس اخلاص و حمیت بخشتم  
 حق سید عالم پُتم آن      ژ کر تَس رُت بخشس نور ایمان



## سیف الدین تاریکی

(ولادت : ۱۸۰۳ء - وفات : ۱۸۷۳ء)

### مناجات

خداوندا تُو خداوندا مے باری!  
 گوناگارا پریشان روز گارا!  
 اطاعت نہ صراعتھ کار جاوید  
 تُوُس زَن رَدُوُس بے حد ز پیمان  
 بہ نادانا تُو بس دانا بہر راز!  
 مے ادراگن خطا ناگن دتم دے  
 بہ بدکاری ز بیزاری مے تراؤم!  
 مے چائی سُمٹھ تون و نمٹن چھم  
 مران از غم ڈران چھس معذرتھ خواہ  
 پھرؤم درکار نزدیکی بر اشرار  
 بہ تمکین جان باتسکین مے تھاؤم  
 یہ نفسک بزم زماںک غم سبھاہ کھنوم  
 سپاس اندیشہ کرتم کزیشہ وُن دل  
 مے رِژ نیت دتم باجامعیتھ  
 محبت دم پُئن دولت مے سوے بس

بہ تے بند گریزند تے پاری  
 سیاہ کارا بہ ڈیشان کیشہ نہ چارا  
 ز طاعت نہ بضاعتھ غار اُمید  
 وُن بارے خود ز کارے بدپشیمان  
 جہاں بانا تے سلطانا انداز!  
 چو لاکن تُو مژر پاکن دتم جاے  
 بہ غفاری تُو ستاری مے ہاؤم!  
 بہ لطف و مرحمتھ تُوے کرمٹھ دم  
 کران توبہ پران استغفراللہ  
 وُن روزم یار بر نیکی مددگار  
 غم دین در دل بے کپن مے تراؤم  
 دس سٹھ چھم وُن تے کرتم بجاکوم  
 ستائش پیشہ مے درویشہ سُنڈ دل  
 یہ جمعیتھ معیتھ اقریبٹھ!  
 دس سٹھ معرفت منتھ مے چھے بس

مَعَاذَ اللّٰهِ تَوَكَّلْنَا عَلَى اللّٰهِ  
 مویے مقصود چاؤم ولتہ ناؤم!  
 بڈاون دول تزاون دول پتھ ڑے  
 ڑ رحمان چائز رحمت فضل و عُفْوان  
 پُن مطلب وُن سورے ڑے معلوم  
 بہ تائید استقامتھ دہن سلامت  
 جلاوتھ شوقہ بر قرب و ولادتھ  
 دتم زاد بضاعت چھمنہ طاعت  
 حقیقی عشقہ انس پرورش دِم  
 ڑ باہر بے نوا حاجتھ روا گن  
 ز بدعت دُور دِل پُر نور تھوتم  
 کرم تریاق ہر سم دافع غم  
 تھند فاضا ڑے دِم نور مُسَم بیش  
 کھیے تل صاف بے صیقل بہ تھاون  
 ز منہرے مُصطفیٰ صیقل صفا دِم  
 چھ تَس محبوبہ ہنر ستھ اُٹھ جت

مے نفس گزراہ تہ شیطانا چھ دردہ  
 ز لطف و فعل ہاؤم وتھ مہ تراؤم  
 بچاون دول ہاون دول وتھ ڑے  
 بہ نادان میاؤ غفلتھ جرم و عصیان  
 اُن برب نُن کیا چھم نُن دؤم  
 بہ توحید استقامتھ دِم کرامتھ  
 حلاوتھ ذوقہ در ذکر و تلاوتھ  
 تھند حُب با اطاعت یم شفاعت  
 مجازی نیش دِس فکرن پُرش دِم  
 مے بیاکھاہ ڑے سوا دابن دوا گن  
 بہ سنت پُر گل مومور تھوتم  
 بہ نام غوث الاعظم بڈ مے ستھ چھم  
 امیر و خواجہ چھم در ہر مہم پیش  
 مصیقل جوہرک دِم جلو ہاون  
 بہ دِل میل و وفا ترک جفا دِم  
 مے تَس مطلوبہ ہنر وتھ دِم محبت



## پیر محی الدین مسکین

(ولادت : ۱۸۲۷ء - وفات : ۱۹۱۶ء)

### مُناجات

عفو تقصیر کرتے یا اِلٰہَ العالمین  
از گناہ چھس روسیاء گو مُت سبٹھاہ چھس شرگیں

نفس و شیطان چھم پتہ یوڈ دُشمناء لب گو مُت  
دَم تَمَن پٹھ فُتَح و نصرت یا اِلٰہَ العالمین

چھم تَنَد و سواس یٹ پتہ نَس پناہس تل رچھم  
دَم نجات از شر شیطان اَنْت خیر الحافظین

جِن تہ انسان و مَلک دیو تہ پُری چائی مطیع  
سارِے پٹھ حَکَم چوئے اَنْت خیر الحاکمین

وَقِفِ رُوْزِی چوں نیکن بدن پٹھ اے کریم  
پر تھ اُکس چھکھ و اتاوان اَنْت خیر الرازقین

بستہ گو مُت چھس در عقد مُشکل خستہ دِل  
موکلاؤم از عنایت اَنْت خیر الفاتحین



دمبدم چھس کھوڑون از انقلاب روزگار  
نَجَّاتًا مِنْ كُلِّ خَوْفٍ يَا أَمَانَ الْخَائِفِينَ

واریاہ چھس دُور پیوُمت از صراطِ مستقیم  
إِبْدِنَا بِاللُّطْفِ وَابْرِيَا دَلِيلَ الْخَائِرِينَ

زندگانی راوِرم در ذلت و جرم و گناہ  
از خطا ہم عفو کرتم انت خیرُ الغافرین

بادشاہا مُنعمًا چھس بندِ چوئے خوار و زار  
رحم کر بر حالِ مسکین انت خیرُ الرّاحمین



## مولوی صدیق اللہ حاجی

(ولادت : ۱۸۳۲ء - وفات : ۱۹۰۰ء)

### مُناجات

خدایا تُو چھکھ عالمک پادشاہ  
 چھ اُسر بند ساری تے نش داد خواہ  
 تُون آسمان نگہدار تے  
 زمین ستن صاحب کار تے  
 بَس تارکو مَتر زپتھ دتھ  
 تمن زیور از ماہ انور دتھ  
 زمین دتھ شوب از مردمان  
 تُو خالق انس و جان بے گُمان  
 تے محکم کُرتھ آسمان بے ستون  
 ز اندازہ عقل و فکر ت برون  
 زمین فرش بر آب کوہ بر زمین  
 کورٹھ تے تے اتھ قدرتس آفرین  
 چھ ساری خرد مندو صاحب کمال  
 ز تقریر اوصاف تُو گنگ دلال  
 تے احسان و الطاف یارس کورٹھ  
 تَمس تاز گلزار نارس کورٹھ

کوزتھ دشمنس نارِ ثیے آبِ نپل  
 سپن غرق مضطر بفراقِ نپل  
 زِ بختانہ اوٹھ پدیدار یار  
 زِ خارا کوزتھ گوہر تابدار  
 چھے کر کائنہ معلوم خبر ذاتِ تو  
 بعالم زِ آیاتِ صفاتِ تو



## وازمحمود

(ولادت : ۱۸۳۳ء - وفات : ۱۹۱۸ء)

## مناجات

کر ہدایت گمراہ میں یا ہادی  
 گس نے چھم چھم نے سواکس بوونے  
 در بدن چھم نفس ظالم جسم و جاں  
 زوگ وارا کیا میں در حرص و ہوا  
 ناد لایے دستگیری میں کرم  
 آستم نے بڑے مہربان دمہدم  
 وار نے کوزر پانیے غار پچھ سوژم  
 گزکھ سوژس کج چانے جوڈ متو  
 یوڈ ساری جن و انسان گئے ہمہ  
 لچھ ناوک دیت عاشقن درس ازل  
 درد عشقن عاشقو زوٹ در جگر  
 برتہ پڑکھ نے عشقہ نارے وارہ تے  
 پوار کوؤمت کاو رنگ نے چھم رس  
 سوز اصلک سوزتم روزتم بچے  
 جنت ماوا ٹیے بخشہ عاشقن  
 برادر آسے بہ فریادی یا ہادی  
 بس مے سیز کرگج نہادی یا ہادی  
 کر مدد مے چھم غنادی یا ہادی  
 لوگ طمہن میں فسادی یا ہادی  
 دادرس مے چھکھ بڑ عادی یا ہادی  
 کاسم مے دوکھ تہ دادی یا ہادی  
 شیر مے خیر المرادی یا ہادی  
 کزکھ دژنم مے جوادی یا ہادی  
 جوڈ چانچ چھے امدادی یا ہادی  
 ہچھ ناوتھ تے ووستادی یا ہادی  
 فرد جاما زوٹ فرادی یا ہادی  
 کرتہ خنہ یاہس آبادی یا ہادی  
 نور بخشم در سوادی یا ہادی  
 بوز اے سید السعادی یا ہادی  
 منت عالی نہادی یا ہادی

گر یگر جائی کنادی یا ہادی  
 کھو افسوس تگر شدادی یا ہادی  
 مون نہ حق کیقبادی یا ہادی  
 پس نینگلتھ گو سہ جادی یا ہادی  
 باو موسیٰ سے مجادی یا ہادی  
 پے دیٹ چائی ارادی یا ہادی  
 زوپ مے کیا روز معادی یا ہادی  
 حدواحد ژوٹ حدادی یا ہادی  
 زوٹ صید ہا تگر صیادی یا ہادی  
 گر مے شنیاہس آبادی یا ہادی  
 پیش مے آم عشقہ دادی یا ہادی  
 بر دشمن چھس جہادی یا ہادی  
 دتہ مے خط آزادی یا ہادی  
 گنجے مطلب کشادی یا ہادی  
 شاد کور چائی اعتقادی یا ہادی

لر ایلچ لور تگر پانی پانہ تے  
 گو سکندر دور دنیا کیا گرتھ  
 زون کیا جشید و دارا بہمن  
 تس موسیٰ ہے عصا اجدر سپن  
 ہاو کیا فرعون دود در آب نیل  
 عے در عے چھکھ ژرستی عاشقن  
 دیو پ مے کیا سہ سپر عشقن روجے  
 قدو قامت چون کمر سہ واپر ڈیوٹھ  
 کھوٹ عشقہ ہر پٹن ما عاشقن  
 بر مے چائی آس وارا روز و شب  
 بیش وند ہے نیش بے حارتھ مے گوم  
 پرتہ پان مے دیوند ہیوے بوکس گوندہ  
 پرتہ لِّلہ تلہ نم غم سارکرتے  
 پنجہ بخشہ خاص الخاصے  
 یاد بہتہ چون واپر محمود چھے گدا



## امیر شاہ کریری

(ولادت : ۱۸۳۸ء - وفات : ۱۹۰۳ء)

## حمد

خدا یا جہاندا داورِ بڑ چھکھ  
 بڑ بچوں خدا چھکھ بذات و صفات  
 بقدرتِ بڑ چھکھ کارسازِ جہاں  
 بیک امرِ گلن پادِ کورتنِ فلک  
 مُعلق تھوڑتھ سقِ چرخِ برہن  
 اویزاں تھوڑتھ یم قنادیلِ نور  
 بنایے زمینِ کورتنِ از چارِ پنج  
 سرِ شبِ کوڑتھ از گریبانِ روز  
 دوس کیت تھوڑتھ آفتابِ بلند  
 بقدرتِ گل از خار پیدا کورتن  
 زِ نطفہِ گرہتھ صورتھا اکھ سعید  
 گے چھکھ بہارا ان درجہاں  
 ان چھکھ گل و میوہا از شجر  
 بہز گوہِ خلقتِ گرہتھ آشکار  
 خدایے منزہ بڑ چھکھ ذوالجلال  
 فرو زندیے مہرِ خاور بڑ چھکھ  
 ازل تا ابد پانہِ قائم بذات  
 کورتن پادِ ثیئے آشکارو نہان  
 ہماں عرش و کرسی و ملک و ملک  
 زِ کوہسار ہا بستہِ کورتنِ زمین  
 فروزان کورتنِ مشعلِ ماہ و ہور  
 مرتب جہاں کورتنِ از چارِ پنج  
 کڈان چھکھ زِ شبِ روزِ عالمِ فروز  
 شبس کیت تھوڑتھ ماہِ مشکپنِ کند  
 ہے نور درنار پیدا کورتن  
 زِ قطرِ اوڑتھ گوہرا اکھ پدید  
 گے تھ بہارس ان چھکھ خزان  
 کڈن لال، یوقوت چھکھ از حجر  
 رنگا رنگِ ثئے نیا، تھوڑتھ ہیشمار  
 ازل تا ابد قادرِ لایزال



منزہ ژ چھکھ لاشریک و احد  
 بہ صنعت کوزتھ آب و خاک آشکار  
 اُکس قابلس منز یے ژور ضد  
 تھووتھ جسمس اندر ژے روح رواں  
 ژے بینا کرتھ چشمہ بہر نظر  
 کرتھ آفرید زباں در دہن  
 دُتھ قوتِ سمع گوشن بسر  
 خداوند ژے چھکھ بہر دوسرا  
 بہر دوسرا حکم جاری چھ چون  
 کرتھ پادِ شاہ و گدا در جہان  
 اُکس چھکھ کرن در جہاں تاجدار  
 اُکس چھکھ دُون لشکر و گنج و مال  
 اُکس چھکھ بعزت کرن سر بلند  
 اُکس تاج اقبال تھووتھ بسر  
 کرتھ ژے سعید ازل ہم شقی  
 کوزتھ روشن عالم ز پانمبران  
 پیاپے سوزتھ انبیائے عظام  
 نہ چھکھ کائہ زامت نہ چھی کانہہ ولد  
 بہ حکمت تھووتھ تھ اندر باد و نار  
 تھووتھ تے حیاتس کرتھ تم مُمد  
 دُتھ عقل تے ہوش، توش و تواس  
 توانا کرتھ پاپے بہر گذر  
 تھووتھ دُر جس اندر ژے دُرِ شمن  
 اتھن منز تھووتھ کار بارو ہنر  
 چھ نے کائہ یارا بے چوں و چرا  
 بقسمت کھوون رِزق ساری چھ چون  
 بمقدور تھووتھ کہان و مہان  
 بنیس چھکھ رعیت کرن با جدار  
 بنیس چھکھ کرن ابتر و حسہ حال  
 بنیس چھکھ بذلت کرن پاپے بند  
 بنیس طوقِ ادبار تر دوتھ بہر  
 اُتھ ژے قبیح عمل ہم تقی  
 تھووتھ گمرہن گتو تے رہبران  
 کوزتھ از محمد تمّن اختتام



## عبدالاحد نادم

(ولادت : ۱۸۳۸ء - وفات : ۱۹۱۱ء)

### حمد

بہ بسم اللہ کزن بہتر چھ آغاز  
چھ یخ ممتاز از اسماء سرفراز

چو اسم ذاتِ پاکِ آلِ کریم است  
کہ او بر بندہ رحمان و رحیم است

پس اے عاصیِ نجاتِ چھ یے بات  
تشد پرناو کر تکر کن مناجات

خودایا تے مسلم چھ خود آلی  
ہمیشہ پوشہ وئی چھ پادشاہی

تعالی اللہ تو و ہم ذوالجلالی  
عظیم و ہم قدیم و لایزالی

مُسکّر چھی تے ارداہ ساس عالم  
نہ ہر سو سارنے تے کن چھ سرخم

گدا چائی ہمہ شاہ و گدا یند  
غنی چھکھ ژے خلایق بینوا یند

بے غما خوان الوان عطا چھی  
عطا بر اہل نیکی و خطا چھی

کثیر العفو و غفار الذنوبی  
عمیم اللطف و ستار العیوبی

دیتھ ژے توبہ از عصیاں بآدم  
دوتھ ژے خلعتِ غفراں بآدم

کرپما چھکھ تھے شوہی نہ ثانی  
رچما چھکھ تھے بر مہربانی

تھوڑتھ خوانِ کرم وقفِ مساکین  
گرتھ بوجھ سیر تھوڑتھ شادِ غمگین

برحمت چھکھ گنہگارن ژ گارن  
خریداری کران چھکھ عاب دارن

~  
عبدالاحد نادم

## مُناجات

اَللّٰہی بندہ چُھس درمندہ چوئے  
 بہ عاصی چُھس تُو چُھکھ بخشندہ میوئے  
 بکثرت کُردِ مے گوئہ ناکارن  
 نکسرت چُھس اچھو کئی خون ہارن  
 تے کورٹھس پاؤ از بہر عبادت  
 مے تراؤم راوِرم سارے سعادت  
 کہالت کُرم اندر بندگی مے  
 جہالت کُرم چھم شرمندگی مے  
 بہ چُھس یو بد تر از ترسائے مسکین  
 نہ مے دُنیا، نہ مے عقبی، نہ مے دین  
 سبٹھاہ چُھس عابہ لد از حد گہنگار  
 تُو بخشہار چُھکھ غفار و ستار  
 اَللّٰہی آس ووں درِ عذرِ خواہی  
 گویہتھ رُسوا ز عصیاں و مُناہی  
 اَللّٰہی چُھس زلطف مغفرت خواہ  
 وَتُھ لَا تَفْنَطُوْمِنْ رَّحْمَةِ اللّٰہِ

اَللّٰہی چاؤ رحمت بے نہایت  
 مے زحمت کاستم کرتم عنایت  
 اَللّٰہی از کرم و ز لطف و استحسان  
 بآسانی کرم ہر مشکل آسان  
 اَللّٰہی چھس بہ چوئے بندہ بدکار  
 بہ چوئے چھس ژے میوئے بی تنے عار  
 اَللّٰہی بوزتم فریاد و زاری  
 کرن پوزش ہرن چھم اشک جاری  
 بتر گوشت پھر پیوست بخواری  
 مے تھر چھم چاؤ کرتم دستیاری  
 بنیر بارِ جرم از کار گوشت  
 ز حد آوارہ یو لاچار گوشت  
 اَللّٰہی کوٹ پھس بے وار گوشت  
 سبٹھاہ خوارو و نزار و زار گوشت  
 اَللّٰہی گڑھتہ یوزتہ خستہ حالس  
 گڑھی کیا کم ژے اتھ جاہ و جالس  
 اجابت یو د تھو کہ میانس سوالس  
 کر کہ یو د دستگیری پامالس  
 خداوندا ژ کرتم دستگیری  
 ز احوال پریشانم چہری

مے در طوفان عصیاں تزدونم واو  
 مے در امواج تاواں چھم چھم ناو  
 بہ پوت نم بوٹھ نم از غم کران چھس  
 ازیں غم نو بو ہردم مران چھس  
 مے بوٹھ وائن یون چھم در پٹھر دُشوار  
 بفصلِ خود ازیں طوفان دِتم تار  
 بہ تنہا چھس مُسافر از وطن دُور  
 زھپتھ چھم راہزن مے زاگ ہتھ ژور



## اسدِ میر

(ولادت : ۱۸۵۱ء - وفات : ۱۹۳۱ء)

### حمد

خدا یا بڑا چھکھ خالقِ زوالِ مہن  
خداوند کون و مکان چھکھ کئے  
بڑے مثل و مانند چھکھ بے مثال  
ز آغاز چھکھ مالک الملک بس  
بنا کردہ چوئے مکان تہ مکین  
ز در ریایے صنعت چھ قطرا جہاں  
گرتھ آشکارا مہو آفتاب  
گرتھ ہفت گنبد پیا بے ستون  
زمین مسکن اُنس جان تھو تھن  
یہ سورے زمین تابہ ہفت آسمان  
ہمہ عندلیبان ممتاز راے  
کوزتھ یام آراستہ باغِ دہر  
شگوفہ گلن تے تھربن ہر طرف  
گرتھ یام صفت پُتر آشکار  
گہے دوستدارنِ دوان رنج چھکھ

نہ چھے شکل و صورت نہ چھے جان و تن  
نگہدار خلق و جہاں چھکھ کئے  
مبرا از عیب و نقص و زوال  
بہ انجام بڑے سون فریاد رس  
کئے چھکھ خداے جہاں آفرین  
ہمہ گردشِ انجم و آسمان  
اوتھ در لولو ز یک قطرہ آب  
جرتھ تھ ستارہ گرتھ لعل گون  
فلک سیرگاہ ملک کز دوتھن  
تہ سورے تے گن پرستش کران  
بہ وصف جلالت ترنم نماے  
نشاطہ صباح و نسیم سحر  
سپرِ خدیزن یام دیت تھکھ شرف  
گہے لیل ہاوتھ گاہے نہار  
گہے دشمن کیٹ تھون گنج چھکھ



در آں رنج چھکھ چون لطف و کرم  
 گلستان نارس ثنے یارس کورتھ  
 بہ پُشہ دیتھ یام قوت تہ دست  
 چھ یم پادشاہان گردن فراز  
 جن و دیو انسان دُور و پُری  
 ز بس تابش اشتیاق حضور  
 کورتھ عشق طالب تہ مطلوب شکل  
 کڈن عشق اوئے پُن آشکار  
 دریں رنج و سختی و اندوہ و غم  
 قہر دشمنس نابکارس کورتھ  
 کڈتھ پست نمرؤد کھیأتھ شکست  
 سر عجز چھکھ بر زمین نیاز  
 کمر بستہ بہر عبادت گُری  
 کورتھ عاشقن عشقہ کی نارِ سُر  
 کورتھ شوق غالب تہ مغلوب شکل  
 ز انوار اوتھن بدیدار یار



## اسدِ میر

### مُناجات

اَللّٰہی بہ چھس بندہ عابِ ناک  
 گرفتارِ نفسِ بلا گوس بو  
 بہ غفلتِ کُرمِ زندِ گانی تباہ  
 اپُر زور و دُئم پوز کھٹتھ تھوومے  
 بہ ذِکرتِ مے دل زانہہ تہ خوش کروونہ  
 بہ لہو و لعب مے سپن دودہ تہ راتھ  
 توے مجرما بوڈ گونہگار چھس  
 ملتھ رب تہ چھس اُمتن عذر خواہ  
 سیاہ میون کرتن بہ رحمتِ سفید  
 بہ چھس پُر خطا با عطا خامہ چون  
 گونہگار یوڈ چھس بہ عصیانِ شعار  
 مگر چھم مے وومپد از رحمت  
 گونہہ نخستم چھس پیوُمت بندہ چون  
 ملے زانہہ مہ کز اوُم پریشانِ دل  
 رچھم از الم ہاو آسب مے  
 ترو تاز کز اوُم مے باغِ مُراد  
 عفو کر تہ پاسِ نبی لولاک  
 بہ حرص و حسد مُبتلا گوس بو  
 بہ ذلت : پَنزِ نوجوانی تباہ  
 کنم و شکمہ لؤکن کنکھ ہوومے  
 قدم زانہہ براہ تو سر تر وونہ  
 بہ بے ہود واراہ وُئم دُاہیاتھ  
 ضعیفا سیاہ رو تباہ کار چھس  
 بہ درگاہ تو بُجھ کُرتھ چھس سیاہ  
 بُجز درگہت چھم نہ بیہ کائہہ وومید  
 چھلن ز آبِ رحمت سیاہ نامہ میون  
 ولے ناو چوئے چھہ آمرزگار  
 کرکھ عفو تقصیر کاژاہ چھے کتھ  
 سراقندہ اما پُرسندہ چون  
 نہ از فکرِ رُوزی یے حارانِ دل  
 فراوانِ لُدم رُوزے غاب مے  
 چو مہتابِ روشن چراغِ مُراد

لیکن یہ یوزن نے دانشوران      اُن درمیان نعت و تعریف خان  
 تُمسِ سرورس یار کیا برگزین      فروزیدِ تر ثور سلطانِ دہن  
 چھ اول ابوبکر صدیقِ راے      سہ بو یارِ غارِ رسولِ خدائے  
 جنابِ عمرؓ عا دِلن ہند چھ تاج      بہ دہن محمدؐ دشن تگرِ رواج  
 سیوم شاہ عثمانؓ عالی مقام      چہارم علیؓ شیرِ صفدرِ بنام  
 یون آلِ پاکن صحابن تمام      زما صد ہزارانِ صلوة و سلام



## محمد انور شوپیانؒ

(ولادت : ۱۸۵۳ء - وفات : ۱۹۴۰ء)

## حمد

ثنا تَس ذوالجلالِ یُس چھ نائی  
 چھ تَس نَش سارِے کارنِ تمائی  
 کرن یاری چھ یاورِ تَس شہس ناو  
 نہ زامِت کاٹھہ تَمَس نہ کاٹھہ نَش زاو  
 چھ سَے حاکمِ حکمِ خود یگانہ  
 نہ باکسِ تَس شراکتِ ثویہ دانہ  
 نہ چھس ہمتاِ ذویمِ کاٹھہ در حکومت  
 چھ سَے غالبِ کرنِ پانے عدالت  
 چھ بیشکِ عالمپنِ تَمِ سُنڈے راج  
 نبی تہِ اولیاءِ تَس گن چھ محتاج  
 حکمشِ عرش و گُرسی استادہ  
 فلکِ را بے ستونِ محکمِ نہادہ  
 ستارہ یک بیکِ پیہِ ماہِ خورشید  
 دُش زہنتِ تَمَن از نورِ جاوید  
 گنڈتھ تھوونِ یوہے قانونِ قدرت  
 یوہے گردشِ چھ تا دورِ قیامت

نودنبہ ۹۹ نامہ پرتن وارہ رؤیتھ  
 صفت تکر ہندی تھی منز تھاو بوزتھ  
 چھ سے اللہ مے تکر ہنز چھم دلس آش  
 تھی دینم یمن دلہ چن اچھن گاش  
 گنبر زونم انبر شرکک مے گزو دور  
 توگم بوزن چھ کیا ظلمت چھ کیا نور



## محمد انور شوپیاٹی

### مُناجات

کرپما گنجِ فضلِ کیا گڑھی کم	منکن چُھس مالکِ الملکس بہرم
وُلی ین سارِنے ہمسایہ تھاؤم	قیامُ دودہ پُئن دیدارِ ہاؤم
دُعا ہر دم منکن تھاؤم ڑ منظور	صراطِ مستقیمس پٹھ تھوم پور
ڑ چُھکھ قَاڈرِ سبٹھاہ اُمید سے چھم	الہی کاسم تارِ کی غم
دلِ ناشاد یارب شاد کرتم	الہی باغِ دلِ آباد کرتم
برادر از کرم ایں آرزویم	بجر تو حالِ خود کس راگویم
نما از وعدہ رحمت نشانہ	شوم آزاد از رنجِ زمانہ
بفضلِ تو کنوں خود را سپارم	الہی بر درت اُمید وارم
ڑ یژھ تس بر رہِ اسلام مرتن	چھ سے لکہ متو ہدایتِ توبہ کرتن
چھ تراون بوے بد شرکک بہر جا	تہ بنے چھ سہ زود کرتن خوار و رسوا
شنیدی مژدہ فرحت رسیدہ	نظر کن انورا بنگرِ بدیدہ



## النوروار

(ولادت : ۱۸۷۳ء - وفات : ۱۹۰۵ء)

## مُناجات

ملتس چُھس تھاو تم گوش اے غنی  
 تُل نقاب از روے رو پوش اے غنی  
 نے ز دُنیا نے ز عقبا کینہہ مَنگے  
 حیر گئے موے جامِ دَم نوش اے غنی  
 خلقِ عالم جامہٴ تقویٰ یڑھان  
 دِلِ رندی زوٹ مے بردوش اے غنی  
 تن تہ منقل و ہونی چھم ششکلے  
 من دوان چھم ان گئے جوش اے غنی  
 سر خمن زرگس پیہڑ منز ماہ غمن  
 در چمن پیہ نا سیاہ پوش اے غنی  
 در عدم دیت سائلکو تہ پیٹھ قدم  
 دم بدم ہدم تمن اوش اے غنی  
 شمعہ ہے پتہ گتہ کران پروانہ دود  
 طمع ہے تھر کور فراموش اے غنی  
 موم پانس شسترچ کھرن لُجم



گوم غالب خوابِ خرگوش اے غنی  
 گم گوشت چھس در رہے شَم دنا  
 چھم تمنا یم در آغوش اے غنی  
 از بگردن انورس از زلفِ تو  
 دز شرابے شوق مدہوش اے غنی



## غلام احمد مہجور

(ولادت : ۱۸۸۸ء - وفات : ۱۹۵۲ء)

### حمد

کران چُھس ابتدا بانام باری  
چھ تینر سُد جلو در عالم ژوپاری

کوزن پیلہ آراستہ تکر باغ عالم  
کرن پادا نتھ اندر رنگ کم کم

اُکے آدم ولیکن مختلف ذات  
اکی نصلو چھ ما آسان گر کر باثر

کُنے ساقی کُنے شیشہ کُنے مے  
چھ کینون ہوش کینہہ چتھ بے خبر کُنے

تسز قدرتھ چھے بالا از تحیل  
در آنجا عقل کل حاران چھے بلکل



(مثنوی پھاہ پھاہ کئی)

غلام احمد مہجور

## مُناجات

صاحبو ستھ چھم مے چائی و تھ مے اچ ہاتم  
کوت کالاہ روز بے زان زائی ہند مس چاتم

بوزتم فریاد و زاری سوزتم دادین دوا  
روزتم ہر دم مہربان زائہم تہ پر متہ پاوتم

کابلی کم ہمتی وسواسہ نشہ تھاوتم مے دُور  
ولولا جوشا تہ ارمانا دس منز تراوتم

زائہم متہ ونہ ناوتم افسانہ ندر پاوینکو  
مورہ یئمہ ستر زند سپدن تھکر وژن ونہ ناوتم

یم سخن پا دا کرن خلقن اندر اُلفت تہ لول  
دُور یئمہ ستر گڑھ نفرت تی وُن پچھاوتم

پھولہ نوو تھس پانہ اُڑو نہ زبٹھ واوچہ گزایہ ستر  
سورہ ونہ منجور تا پکھ زور متہ چھوراوتم

شبنم کو پاٹھی آفتابس کو ت کال کر انتظار  
گوڈ نیچے انوار پوشن ستر سلہ و زناوتم

شکلہ چھس انسان مگر انسانیتہ نش بے خبر  
ہیادتم متہ امتحان یمہ شکلہ متہ مند چھاوتم

دور چھس پیو مت لگو نش چھم توے مہجور ناو  
تم اگر دورن مے نش تہ دور زانہہ متہ تراوتم



## غلام مصطفیٰ مصطفیٰ

(ولادت : ۱۸۹۰ء - وفات : ۱۹۶۶ء)

## حمد

حمد بے انتہا بسوی خدا  
 مَالِکِ الرُّوحِ مَبْدِیِ الاِشْبَاحِ  
 جلوہ ٹھنڈے چھہ ہر طرف مشہود  
 جلوسِ بھر جلوہ صد ہزار کمال  
 اَلَّذِی عَزَّ اِسْمُهُ اَبَدًا  
 خَالِقُ الْخَلْقِ فَالِقُ الْاَصْبَاحِ  
 منجلی از مظاہر موبود  
 اکھ دلہلا چھہ از جلال و جمال  
 بے توقف بدست قدرت ذات  
 چھس تصرفِ بگل مخلوقات  
 ذِرْ ذِرْ زِ کائناتِ جہان  
 ہوشہ کے گوشہ بوز باتا کپد  
 در شہادتِ وحدتِ سبحان  
 در چمن بانگِ کلمہ توحید  
 لَحْنِ دَاوُدِ بوزِ علم و سبق  
 وچہ کتابِ زبورِ وحدتِ حق  
 بہر اظہارِ یارِ لذت دار  
 شور اذکارِ نون چھہ با تکرار  
 وحدہ لا شریک لہ آواز  
 عَارُفِیْنِ چھہ کن نشیب و فراز  
 رَبِّنا اللہ گوے از ہر سوی  
 عاشقانِ جلوہ جوے در تگ و پوے  
 ڈینٹھ پو شپہ سر نے ہندک گنج  
 گنجدارو ز جلوہ حق سنج  
 تم تمی جلوہ در ترانہ عشق  
 یم چھہ مرغانِ آشیانہ عشق  
 جلوہ گر سے چھہ زیرِ تہہ بالا  
 از ثریٰ تا بقبہ مہنا  
 چھی تمی جلوہ در ہزار نوی  
 ملکِ سفلی تہ عالمِ علوی

خاکہ ہے منزہ جلوِ یامتھ ژاو  
 صورتھاتس دژن بصد تکریم  
 جلوے بارگاہِ رحمانی  
 پور گو و تس قصور علت دؤر  
 از رموزِ حضور سبحانی  
 رنگہ رنگہ جلو کی پیئس انوار  
 بہر تحصیل لذتِ اہمان  
 کر یتھ چشمِ مآر کفت پنا  
 زانہ یتھ مقصد زمان و زمین  
 وز وز در جہاں بر اہل شعور  
 خاصہ خاصہ عجایبِ جلی  
 ذاتِ تمکُند ز پردہاے صفات  
 غیبِ داں اَنّہ پراں بخواں  
 دوستو وارِ وچھو بچشمِ یقین  
 یو دژ باہوش گوشِ تھ روزکھ  
 چرخِ گردوں دایم الدایر  
 چھے یہ کینوہا و یو دژ آفاق  
 در حریمِ نگارِ اژھ یکبار  
 مہر و ماہ روز شبِ ریاح و نجوم  
 چاک دتھ پاک خصلتھاتون دژاو  
 پر بقراں ژ احسن التقویم  
 ژاو درکار گاہِ انسانی  
 پیوس یامتھ ظہور عینِ النور  
 گو و بٹتھ رازدار عرفانی  
 اد پیو و ناو تس امانتھ دار  
 خلقتِ جسم و جان چھ تس بُہان  
 سر توحید از دل دانا  
 نوں نشانا چھ قدر تک بہ یقین  
 اے بظہور کم مولید نور  
 گئے ہویدا حکمتِ ازلی  
 جلو زَن دژاو از ہمہ ذرات  
 عالمِ الغیب والشہادہ عیاں  
 منظر حق چھ آسمان و زمین  
 ربنا ربنا کنو بوزکھ  
 محو در ذکرِ اَنّہ قادر  
 تی چھ اُکینہ عاشقن یو فاق  
 درودیوار وچھ بنغمے یار  
 چھی پراں ذکرِ اَنّہ، القیوم

## صمد میر

(ولادت : ۱۸۹۲ء - وفات : ۱۹۵۹ء)

### حمد

دمہ دمہ حمدِ دپِ معبودس      پادِ مگر کورِ آدم تے  
 ذرِ ذرِ سورے تائیا تھوونس      ہونس پٹن پان  
 ژور چیزِ آدم پادا کورنے      اڈرنہ تڑونس غم تے  
 لدتھ ہر طرف تہندے دوران      سے غم چھس نہ سوران  
 تھلکن یہ آدم فلکن تھوونے      ملکن نے کن سرخم تے  
 پورِ ملکوتے سجدِ دیوونس      دُور تہ رُود شیطان  
 در پشتِ پدر پیوس شکمِ مادر      مار کتہ اُسم ژم تے  
 نابُرید نابکارس نے آیم زبان      آبہ قطرس بنیوم جان  
 نے سنگ حُسن سامانہ گروم      رنگہ رنگہ مٹتھ تھاونم تے  
 حمدِ پشمن گاش دینم تے      کنو تہ چھس بوزان  
 عقل و فکر ہوش شکل و شمائل پوش      دترِ نم زیاد یا کم تے  
 بخت نصیبِ یود بوزر تھے تھوونم      توتہ گوم شکلِ انسان  
 ژورِ چھ شہزادِ اورِ مژر للہ وُن      زورِ حضراتِ محکم تے  
 ڈورِ پننے کڑے تے ہاے آسی      صاحب چھ تھنکر پوران  
 ژونز تے دایہ چھم منزلس اُلرادان      مایہ متری چھنہ دوان تم تے



پایہ پتہ پایہ چھم جاے بدلاوان	پاے چھنہ گنہ مؤران
سارکتم و برتھ پاری زان پھیرم	ڈنٹھم آے گئے کم تے
فنا دُنیا فانی سرا زان	بیٹہ چھنہ کاٹھہ تہ روزان
گُرتھ کیونڑ کال نیوہس ڈانہ ہال	اوخن چھم کران چم تے
ترینہ وئی حرفن ستر تھاو درتن	بس چھے یئے فرقان
ژودہن علمن طے کرنووس	سارکے دیونس تن تے
آیہ آیہ سو میرتھ جمع کرنووس	جلیہ اکہ گوم نسیان
ساری علم تمہ شلیہ چھلم	ژلم فکر تہ غم تے
صد مہر س پیو عشقہ کافر	سیکہ ڈافر چھ آسان



## ناظم کریری

(ولادت : ۱۹۰۱ء - وفات : ۱۹۹۱ء)

### حمد

اِہی یہ چھس بندہ خاکسار!  
 زِ تقصیر گوشت سبٹھاہ شرمسار  
 کُرم کارِ بد نے سبٹھاہ خار گوس  
 جنت تراؤ تھن لایق نار گوس  
 بہر جائے دیت ہم دکھ اے خدا  
 پیؤمت چھس پتھر عاجزو بے نوا  
 برس تل یہ چائس پیؤمت چھس گدا  
 دوان چھس صدا ربنا ربنا  
 برحمت زِ ذلت کدتم نہر!  
 زِ بخشش نے خلعت پڑ کر تم میر  
 نے لا تقنطوا وچھمہ اندر قرآن  
 توے چھس نہ ہرگز یہ پروا کران  
 حسن چھس یہ احسن کرم اے خدا  
 برحمت نے بخشش کرم اے خدا



## چستی بیٹ غفار

(ولادت : ۱۹۰۸ء - وفات : ۱۹۷۳ء)

حمد

حمد لله بر خداوند کریم  
 عمد پاؤں کو کوزن نور قدیم  
 ساتھ ساتھ پر ثنائے ذوالجلال  
 راتھتے دوہے کریمہ زائہ تھکھ وق غنیم  
 وز وزے کو پاؤں کر کرنے شش جہات  
 سر چھ شوبان سارے تھو د چھ مہم  
 پر درودہ سوز صلوٰۃ بے شمار  
 برگزیدہ سارے والا وسیم  
 نور تھندے پور ہر سو وچھ عیان  
 دؤر تمہ نشہ پور شیطان الرحیم  
 پان پنہ لے کر فدا ژون یارہے  
 حمد ذاتس بس چھ سے روف الرحیم  
 حمد ذاتس بس چھ سے روف الرحیم  
 ارض و سما لوح و قلم دوہ تہ رات  
 حمد ذاتس بس چھ سے روف الرحیم  
 نور ہے پتہ کر تہ قربان زو تہ جان  
 حمد ذاتس بس چھ سے روف الرحیم  
 مان محشر نہ سبندے تارہے

آن مانتھ بٹ غفار اندر ندیم

حمد ذاتس بس چھ سے روف الرحیم

## نشاط کشتواڑی

(ولادت : ۱۹۰۹ء)

حمد

چھس دپان جدا بہ چوئے یا الہ العالمین  
 چھس کران چوئے ثنا چھکھنا ۾ رب العالمین  
 چھکھ کئے معبود برحق خالق و مالک کئے  
 عالمک روزی رساں چھکھ، چھکھ ۾ خیر الرزاقین  
 چھس گونہہ گارا بہ اکھ چوئے خطا کارا مگر  
 چھکھ عفو کروں ۾ بخشہار خیر الغفرین  
 رحم کروں چھکھ ۾ بیشک عاجزن تے بے کس  
 تیرے شوبی تعریف یارب چھکھ ۾ خیر الراحمین  
 کیا چھنا طوفان غالب گامتی بہتہ امتس  
 درحفاظت تھاوتکھ چھکھنا ۾ خیر الحافظین  
 کیا چھنا اسہ از نووے اکھ کر بلا بچہ آمنے  
 کیا فتحندی ۾ دکھنا چھکھ ۾ خیر الفاتحین  
 چھکھ شہنشاہا کئے اکھ حاکما ۾ لازوال  
 پرہتہ حکم محکم چھ چوئے چھکھ ۾ خیر الحاکمین

کس ہیکے تعریف کرتے کس کری حمد و ثناء  
 کائنۂ چہا جرات امیک اے مالکِ عرش و برین  
 چاہِ دسترخوانِ ساری چھی کھوان تے پیہ چوان  
 ظالم و جابر تہ کافر مومنین و مسلمین  
 یا الہی بوزکھ از میانی یم کیشہ التجا  
 کیا تہ بوزکھنا پاسِ رحمۃ للعالمین  
 سرنگوں چائس تُمس محبوبہ سُنہ اکھ امتی  
 چھے سبٹھاہ شرمندہ تے رسوا نشاطِ دل حزیں



## مرزا غلام حسن بیگ عارف

(ولادت : ۱۹۱۰ء - وفات : ۲۰۰۳ء)

حمد

وَنی غافلِ دلگِ لَوٹرِ شِکِ زُور  
 تِڑ خُسنِ موصُومِ چشِمْ بَدِ دُور  
 جِلاسِ چُھے تَوڑ تاپِکِ زُونِ پے  
 جِمالِسِ زُونِہِ ہُنْدِ گاثرِ شِہلِ نَور

☆

چانہِ کُپرِچِ حضِ خلیلِ نِجِ علم  
 اُچھِ وُٹھھِ دورِ گُریِ گرنِ حکِمنِ ہلم  
 تمِ گُرتھِ راضیِ تموِ راضیِ کُورِکھ  
 جنِ تہِ انسانِ گونِ گہوانِ لوحِ وِ قلم

☆

یا اِہیِ مینہِ کمہِ گزِشانِ چون  
 بوہِ تلِ پاتالِ پٹھہِ اسمانِ چون  
 زانیِ کارنِ عاجِزنِ ہُنْدِ اعتراف  
 زانیِ زانیِ انزانِ آسانِ زانِ چون

☆

عقل چہم محدود لا محدود چھکھ  
 ذر ذراتس اندر موجود چھکھ  
 کیا بنہم کمر تام یوت و آتھ و ونم  
 لر رستیا لر منز محدود چھکھ

☆



## مرزا غلام حسن بیگ عارف

### مُنَاجَات

زَمینِ تَریش چِیہِ سر سبز گُو گُل  
پھلے بُجِ مِلو باہم گُل تہِ بُلْبُل  
بُڑا احسان تھوئے زو س احسان کرنِ دُول  
بہ چُھس پزاران کر جُو س بنم گُل



مِیون چھا کِشِہ احسنِ تقویم چون!  
منزِ دِلنِ وَتہِ آدمِ عادت چھ پزون  
چانہ لِر کُن آس بر وَتھو تزاو نیر  
ہاو تون درشن مے بدلم کرمہ لون



## غلام رسول نازکی

(ولادت : ۱۹۱۰ء - وفات : ۱۹۹۸ء)

### حمد

تس سوات چھ وسواس لا شرپک لے  
 گواہ چھ سورہ اخلاص لا شرپک لے  
 نہ ابتداء نہ چھس تس انتہا نہ بیم زوال  
 نہ کائنہ زاو، نہ کائنہ زاس لا شرپک لے  
 نہ مول چھس تہ نہ چھس مائج کور یا فرزند  
 نہ مام چھس تہ نہ چھس ماس لا شرپک لے  
 نہ دود دگ نہ تھ کاوٹھ نہ فکر و رنج و ملال  
 نہ خوف مرگ، نہ تلواس لا شرپک لے  
 کئے چھ شوبہ کنبہ تس تہ کائنہ تہ چھس نہ شرپک  
 خیال شرک چھ بکواس لا شرپک لے  
 ہمیشہ روز زمین تہ آسمان مثر  
 سرود و نغمہ و قیاس لا شرپک لے  
 گناں چھ کل تہ وناں دل نفس نفس یا ہو  
 بناں چھ دافع وسواس لا شرپک لے  
 نہ صبح روز ازل تابہ شام روز ابد  
 چھ زیب صفحہ قرطاس لا شرپک لے

نُرس اندر نے کھٹٹھ اُسی مکتی لات و منات  
 دُنم یہ نور تہ تے گن آس لا شرپک لہ  
 یو تام چاڈی رفاقت مے رُوز شامل حال  
 دِن مے کھیو ونہ زہے تر اس لا شرپک لہ  
 مے وُچھنہ ہون دوان سجد زانہہ پیس ہونس  
 تے کیا زچھے نہ یہ احساس لا شرپک لہ  
 یو ہے وظیفہ پراں رُودِ نوح و ابراہیم  
 شعیب و یونس والیاس لا شرپک لہ  
 قیامت آسہ قیامت خدایہ پر دِ رچھم  
 پاس سورہ اخلاص لا شرپک لہ



## غلامِ رسولِ نازِگی

### مُنجات

دُنیا پر دُوم عقیقی تر دُوم	سورے رووم اتھ چھون گوس!
نفسِ امارن لوگس زالس	میائسِ حالس پٹھ کر رحم
عملا کاٹھہ چھنہ باؤنی لایق	باؤنی لایق چھنہ کاٹھہ کتھ!
بد اطوارس بد اعمالس	میائسِ حالس پٹھ کر رحم
گڈہ ہا کُوت گڈہ ژلہ ہا کُوت ژلہ	بلہ ہا کتہ دود چھم کر یٹھ
سہہ چھم پتہ پتہ دوراں شالس	میائسِ حالس پٹھ کر رحم
طاقت اوسم، قوت اوسم	سورے رووم پر ژھیون گوس!
موزور پان ہتھ کتہ کسہ بالس	میائسِ حالس پٹھ کر رحم
وندہ راژن منز بٹھ تون شخصہ	وتھہ وادس منز گو مت گیر
وردِ زبان چھس کا جس تہ کالس	میائسِ حالس پٹھ کر رحم
دُزملہ ، واد ، سمندر ، آنہ گوٹ	آوِ لئس منز پھٹو ناو!
طوفانا دلہ کس بنگالس	میائسِ حالس پٹھ کر رحم
گر دزاس بٹھ تون دُور تر کھور ہتھ	بٹھہ چھم بالس شپنہ گٹھ کار
مرہا تر ییلہ پیر پانزالس	میائسِ حالس پٹھ کر رحم
پانز آلر کاو چھم فوجو فوجو	پزاران کر مر کھم ہوس لاش!
واد طُفان چھم شیطان نالس	میائسِ حالس پٹھ کر رحم

تھل دُز گامس یپ آو شہرس  
کھل دود گمیس تڑھ پیہہ بلس  
زیو ستر کلمہ ڈیکہ ستر سجدہ  
شوہ کیا میانس قپلس تہ قالس  
دُنیا دُنیا دُنیا  
گنہ چھنہ اند بور جنجالس  
سوئس ہردس صُبحس شامس  
روح چھم لودمت تلپاتالس  
نفسن حسدن ، کبرن طمہن  
زال چھم ووئتھ والس والس  
دوہ ییلہ دہر لگہ پوہ گڑھ ہارس  
اُچھ ییلہ پھیرن زیو لگہ تالس  
لمہ لم ییلہ لگہ ٹاٹھس جانس  
ملک الموت ییلہ تھھہ ڈھنہ نالس  
تتہ کیا بنہ پیہہ سورے نون گڑھ  
چلہ کیا میانس حیلہ حوالس  
پڑٹھ گار ییلہ لگہ دانس دانس  
تھہ اڑ پانس ، تڑھ اتھ مالس  
راچھ کر میانس دین و اپہانس

ہانرس دولرس منز پھٹ ناوا!  
میانس حالس پٹھ کر رحم  
دل پوتلین ہند جاے پناہ  
میانس حالس پٹھ کر رحم  
گرگر گری رادوم سارے وائس  
میانس حالس پٹھ کر رحم  
فانی جسمس لولہ متہ لالے  
میانس حالس پٹھ کر رحم  
نخلن گرنم پرہی ناوا!  
میانس حالس پٹھ کر رحم  
بد کردارس وہرن حبس  
میانس حالس پٹھ کر رحم  
بے سامانس سورہم ستھ  
میانس حالس پٹھ کر رحم  
اون ڈچھ پانے زگ تے پزون  
میانس حالس پٹھ کر رحم  
تانس تانس ووتھ تھتھراے  
میانس حالس پٹھ کر رحم  
یارن باین اولادن

برکت دیزبکھ رزقِ حلّال میانسِ حالس پٹھ کر رحم  
 رتی پاٹھر نیز بم زحمت دیزنہ مے تہ پیہ میانبن غنخوارن  
 تیماردارن اہل و عیال میانسِ حالس پٹھ کر رحم  
 چند چھم خالی زیوٹھ سفر چھم و تھ چھم واراہ ناہموار  
 بڈ لسہ لالسل ملہ کنگال میانسِ حالس پٹھ کر رحم



## خاموش کرپری

(ولادت : ۱۹۱۲ء - وفات : ۱۹۷۳ء)

## مُناجات

چھی گوئہہ میاؤ ویدکڑے اے باری      پاسِ حضرت مے بخش تم ساری  
 روز شب کارمیون جرم و خطا      عفو کرتم ڑ کرتہ غفاری  
 عاب چھم تہڑ کینہہ تہ چھم نہ شمار      سہڑ کرتم ڑ کرتہ ستاری  
 چھکھ غنی رحم کر مے مسکینس      مبتلا چھس گوئمت بناداری  
 ہاے لوکچار مفت ضایع گوم      سفرچ کینہہ گرم نہ تیاری  
 راضی تھادھ بہ گولنس ابلپس      باڑی دژنم مے نفس اماری  
 در گوئہہ راوڑم مے عمر عزیز      شرمساری مے از گوئہہ گاری  
 رحم کڑی زبم بوقتِ نزع رواں      تھادو زبم کلمہ برزبان جاری  
 بہ پیوس خاموش چھم نہ کینہہ حبس ہوش  
 روزم راضی روزم زاری



## غلام نبی عارض

(ولادت : ۱۹۱۶ء - وفات : ۱۹۶۵ء)

### مناجات

یا الہی عفو کرتی روسیہ بدکار چھس  
مادر دفتہ ستر سپہ برقم آہ کؤت بیمار چھس

غفلتس منز دین مشرؤم بین دامن زؤم  
کاشہ گناہ تزؤم نہ زؤم کار خود ہشیار چھس

وای پنے نس قیمتی وقس قدر زانم نہ زائہ  
مار موت لوکچار موکلتھ شکل خود بزار چھس

پوز اپز وئی وئی کز ہنز دأنج گیم داوتھ پیتم  
بٹھ پھرؤم چانس قرآنس کؤت بد کردار چھس

نیمک سامانہ سؤبران آخرت رؤدوم نہ یاد  
ؤمر سؤرتھ وقت گزرتھ خار چھس لاچار چھس

ناز نین گل روخن ہند براند زؤم قبلہ چھم  
زلفہ کس زالس اندر پابند جاناوار چھس



با ندامتھ آس عارض امر حق مؤمن نہ راہمہ  
 یٹھ بہ چھس یٹھ بند چوئے رحمتک حقدار چھس



## غلام احمد فاضل کشمیری

(ولادت : ۱۹۱۶ء - وفات : ۲۰۰۳ء)

### مناجات

صاحب! سروری دتم ، بختِ سکندری دتم  
بچہ قسمتیچ یاوری دتم! بختِ سکندری دتم

کرمے دوہے ڈ کامیاب ، کرمے ذرس ڈ آفتاب  
عالمیچ برتری دتم! بختِ سکندری دتم

جریتہ ڈ بکس مے و زملمہ ، بریتہ دس مے ولولہ  
جوشہ دلاوری دتم ، بختِ سکندری دتم

پاو سنگر تہ کھکشان تھاو سوارِ آسمان  
تارکن ہمسری دتم بختِ سکندری دتم

شتر کُنڈس تہ پلڑ ہا مینتر گلس تہ پلڑ ہا  
گلشنیچ چاکری دتم بختِ سکندری دتم

فاضل نغمہ یم پرن علمہ خزانہ تم لبن  
پور دانشوری دتم ، بختِ سکندری دتم



## غلام احمد فاضل کشمیری

## مُناجات

دل کرتے وِ زلن ہُنْد گودُنِیگ نشانہ یارب  
یُتھ شولہ ہم گُلن منز لوک مکانہ یارب

شوقس تہ دِم تہ وُسعت دِم دامنس تہ زچھر  
ہر ساعتہ عمر منز وُتھر تھوتم خزانہ یارب

کینہہ باؤد تھم تہ کینہہ کینہہ پوشید راز تھو تھم  
ہچھناوتم مے ساری یم سر نہ زانہ یارب

سوخن مے سِخَر برتم قلمس دِم روائی  
کرناوتم تکلّم غونچے دہانہ یارب

بے حد سیاہ گُلن منز پُر خطرِ سَخین منز  
کرتم مے روشنی ہُنْد اکھ تھو د نشانہ یارب

فاضل مے کہکشانس لاگن چُھ زہن لاکم  
بروٹھہ بروٹھہ بہ دورِ ناوَن گُرزَن شیانہ یارب

## عبدالغفار مشکور

(ولادت : ۱۹۲۴ء - وفات : ۱۹۸۳ء)

### حمد

دَمِ دَمِ آدَمِ تِسْ گُنِ نَمِ تے  
بِیَمِ دِیئے جِسْمِ وِ جَانِ

ہر دَمِ تِسْ گُنِ کُرو سِرْخَمِ تے  
لِیْسِ دِپَانِ حَقِ سُبْحَانِ

سُدْرَسِ وِسْہِ وُنِ رِثِ نَاوِ نَمِ تے  
ڈَالِیِ ثَنَے پِنِہِ شَیْطَانِ

جِسِ ہَوِشِ پَادِ کُرواے کھُوْرِہَمِ تے  
مُنْزِلَسِ گُنِ تھَاوِ دِہِیَانِ

شولِہِ کِیا چُھِ مَارَانِ نَارِ جِہَنَمِ تے  
ظَالِمِ چِھَسِ ڈِیڈِکِ وَاِنِ

تَتِہِ ہُوِ مَوکَلَاوِ اِسْمِ عَظْمِ تے  
کِرِ بِنْدِ تَتِہِ سِتْرِ زَانِ

تتہ جماہ سپدان سرہم تے  
قائضی آسہ پانہ رحمان

جائے خود سارنے آسہ ماتم تے  
عملن میلہ ہو لگہ میزان



## امین کا میل

(ولادت : ۱۹۲۴ء)

### حمد

قُمری گہواں چھ کمن لا اِلَہَ اِلَّا اللہ  
بے پڑھ ، بے پڑھ چھ چمن لا اِلَہَ اِلَّا اللہ

دپاں دژھاو سہ ، داربن برن تھو کھ ٹھری دتھ  
بُتھے نہ کائے سمن لا اِلَہَ اِلَّا اللہ

تے چھ یار شہلرون ، تے چھ ماوسہ شب  
سو کتھ نہ ہرنہ رمن لا اِلَہَ اِلَّا اللہ

چھینے پنجر دار اُندری سورمہ چشمہ لول ژھٹان  
دلے نہ کائے بزمن لا اِلَہَ اِلَّا اللہ

زمین پھیر گلبن ، بُزبام پچہ پچہ گئے  
یہ کیٹھ ہوا چھ کھمن لا اِلَہَ اِلَّا اللہ

عشق تمام بغاوت ، حسن تمام پیے رنگ  
نمیو کھ مائو نممن لا اِلَہَ اِلَّا اللہ

پاؤں کنی نہ پرستان ، نہ کاٹھہ بشر نہ ملک  
 تڑ کور کن یہ لمن لا اِلهَ اِلاَّ اللہ

عجیب زار دچھ کاہل ، پیے مایہ کتر پھلین  
 کنناں چھ لالِ یمن لا اِلهَ اِلاَّ اللہ



امین کامل

مُناجات

صاحبہ ! کینہا آتش دِتم  
اچھ ہے دِڑتھم گاش دِتم

چانہ و جو دِکر وعظ پُرم  
پنہ و جو دِک باش دِتم

فِکرن تھوڑ تھم ٹھری دی دی  
ذِکرن معنے فاش دِتم

وڈوس نے پڑھم ، مرضی  
توتہ ہنا کچھ واش دِتم

زُور زُور پراناں پراناں گوس  
کینہہا نورچ راش دِتم

مشرنہ موت چھس ، لاج رچھم  
یاداشک یاداش دِتم



لاچاری منز چھس نیتھ نوں  
کینڈھا داش نداش دتم

یوتا ہے زو ژوڑمت چھم  
کینڈھا اتھ شاباش دتم

بہ تہ وچھن کائیل، وچھن  
تیوتاہ دل آکاش دتم



## امین کامل

## مُناجات

یارِ بَ و چھس اندر مے وِلاہ با خبر دِتم  
مَس ڈپشہ، نشہ باد، تمیگ تڑھ نظر دِتم

وچھ دراس کرنہ حرمہ کبن جاناورن شکار  
یُس تہر کائسہ لوے نہ سے کار گر دِتم

سہلاب چھس مے بند مہ کر آہ جوہ منز  
مادان پاتھلبن تہ کوہن تاں مگر دِتم

پزلاو خاک میانی ژ دودر نغمہ ستر  
ذرن خدایہ نار بریہن ہندک مے پر دِتم

سؤتھ یہ پاز میون سہن پتھر پائوس  
ہمت بلند نم تہ ہتا تیز تر دِتم  
(علامہ اقبال سُنْد اُردو عاہک ترجمہ)



## پروفیسر رحمان راہی

(ولادت : ۱۹۲۵ء)

### مُناجات

دَیہ میاں! مے چھ برائتھ فقط چائی ذات  
آیتِ ژے بجر چھے تہ ژے ہیو کس اوقات  
یَمہ یو سہ پرونی ناو گڑھم پیہ غرقاب  
دَیہ میاں! یئی آنہ مے فریادس وات

تیتھ کر تہ خدایہ! یتھنہ پریشاں گڑھ زائہہ  
پنہن ہند دس یتھنہ پشیاں گڑھ زائہہ  
پروہن ہند احسانہ ورآے دیزم رُوزی  
ہو چانہ ڈلتھ یتھنہ بہ واراں گڑھ زائہہ

یا رب ! اوئے وِسپاہِ رسولِ عربی  
پیہ تہندک ٹاٹھر یار تہ اولادِ علی  
محشرکہ مہم ولہ پیس پیہ مند چھن  
یَمہ ساتھ بہ رہ ژد ژے پُن حال وئی



(حضرت خواجہ بہاوالدین نقشبندیؒ سترن ترین فارسی رباعین ہند ترجمہ)

## تاج النساء

(ولادت : ۱۹۲۵ء - وفات : ۲۰۱۱ء)

### مُناجات

خدایا خدایا عفو بس خدایا  
 تُو عفوچ نظر کر تہ میے گُن خدایا  
 کران چھس بہ عرضا ڈیے گُن خدایا  
 تُو عفوچ نظر کر تہ میے گُن خدایا  
 ہلم دُار دُاری بہ عرضی کران چھس  
 بخشتم خطا و دُور بہ ہردم مران چھس  
 نہ چھم کاٹھہ سہارا تہ نئے کاٹھہ چارا  
 تُو عفوچ نظر کر تہ میے گُن خدایا  
 خزان تُو پنہ نمن مَور و لُک و لی بر  
 بہ پنہ نمن تہ پردن اندر پور ابتر  
 کر پما تُو کر پنہ نہ کر منک میے سایا  
 تُو عفوچ نظر کر تہ میے گُن خدایا  
 تُو چھکھ کار سازا تُو بندہ نوازا  
 تُو باغن دوان رنگ اے رنگ سازا  
 رنگو منز بے رنگ تھو تھس خدایا  
 تُو عفوچ نظر کر تہ میے گُن خدایا

بہ بیکس نہ بے بس نہ لاچار گامزن  
 بہ مجبور محتاج بیمار گامزن  
 سکون دلچ چھم نہ حاصل مے جایا  
 تہ عفوچ نظر کر نہ میںے گن خدایا



## نشاط انصاری

(ولادت : ۱۹۳۰ء - وفات : ۲۰۰۰ء)

حمد

تڑے مہربان سون چھکھ رؤزی رسان بویہ نے حمد  
چھکھ دوان تڑے زندگی پھیرتھ نوان بویہ نے حمد

بے کسن ہند چارگر تڑے بے اتھن اتھ دول تڑے  
چھکھ بلاشک بے زبان ہنز زبان بویہ نے حمد

آپہ قطن دُر بناوان چھکھ کنبن ، لعل و گہر!  
چائی قدرت بود نابودس کران بویہ نے حمد

کارسازا! کار سازی چائی حیرت زا تڑ چھکھ  
جامہ سبز سبز اشجارن ولان بویہ نے حمد

سوزو ساز و زیروم چوئے عطا دچھ پوپرن  
رؤس کچہ نے مشکِ نافہ تڑے دوان بویہ نے حمد

رنگ دتھ پوشن گلابن ، نغسی تڑے بلبلن  
حمد بے حد صبح دم چوئے پران بویہ نے حمد

آسمانِ بَیہِ زمین ، کھکشان ، تارکن  
چُھکھ مَچھِٹِ کایناتس بے گمان بویہ نے حمد

سونھ رنکا برنگی پھلیہ پتہ مسو اُنھ رُوڑھ  
ہوکھ متو شاخو لنجو منز چُھکھ کڈان بویہ نے حمد

گلستان ہند گمان چھلہ پونہن وچھ وچھ گڑھان  
مکتر رنگ تہندن پرن چُھکھ تڑے بران بویہ نے حمد

آب زم زم تریے دتھ از سنگ خارا ییلہ یوڑھتھ  
قدرتک ہووتھ پُن ادنی نشان بویہ نے حمد

بار صاحبو! چائی احسان گنزر کس؟ تہتاہ اُنیکھ  
چھنہ بتر مضطر نشاطس کر بیان بویہ نے حمد



## نشاط انصاری

### مناجات

الہی کرُن مینوں دِل منجلی      بپاسِ محمدؐ ، بپاسِ علیؑ  
 تُو حلالِ مُشکل منگے کس تے زوڑھ      مے درپیشِ مُشکل کرُکھ حل دلی  
 خدایا! خدائی چھے چائی عظیم      گزھان ردِ سہن ہنز چھ اتہ زکلی  
 تُو چُھکھ کارسازا ، تتھے کارساز      دوان زو تمنیم چھ آسان کُلی  
 مے لوحِ مُقدّر چھ وُنہ لاحرف      یہ تھاؤن سجاوتھ بخطہ جلی  
 ندامتھ مے چھم تُو تھسکُن کُٹنہ کینہہ      دِژم لتھ مے مختس کُرمِ اہلی  
 سیاہ مینوں فردِ عمل ہلو کیا      بروزِ قیامت بہ پیشِ نبیؐ  
 شفاعت تُو کر دِزم مے تکرُند نصیب      چھ حاصِلِ رسولن اندر لیس یہی  
 منگن اوس وارا منگے بس پیئے      تُو تھاؤم تمو دُور وتہ یم دلی

پززل وُن بنیم دین و دُنیا نشاط  
 کرم سیود ڈیکچ رکھ یہ چھم مُنخی





## رشید نازکی

(ولادت : ۱۹۳۱ء)

### حمد

بحال زندہ جواں لا اِلهَ اللہ  
 گہوان روحِ قرآن لا اِلهَ اللہ  
 یہ نعمِ سونپہ ہر فصلِ نو بہار گزراں  
 ازل ابد چھ پھولاں لا اِلهَ اللہ  
 یہ واہ سو دُر بیکراں تہ سٹھ سمندر ہم  
 ملر ملر چھ نثراں لا اِلهَ اللہ  
 یہ وق چھ تیغِ بدس تہ زندگی چھ کرتبِ شرم  
 اُتی چھ پناہ پر پتھان لا اِلهَ اللہ  
 تھزر چھ عالم قدسک محمد الرسول اللہ  
 محمدس چھ روحِ رواں لا اِلهَ اللہ  
 نظر اگر بخشی رہے ذرہ تابہ فلک  
 وچھکھ چھ وردِ زباں لا اِلهَ اللہ  
 یہ روزِ یانہ روزِ یہ زندگی چھ تاپہ شہل  
 ازل ابد چھ جواں لا اِلهَ اللہ



## شہیدِ سلمانی

(ولادت : ۱۹۳۱ء)

## مُناجات

اکھ نگاہِ کرم اکھ نگاہِ کرم  
 یا الہی تُو کر اکھ نگاہِ کرم  
 تھرتہ چائی مے چھم ستھرتہ چائی مے چھم  
 یا الہی تُو کر اکھ نگاہِ کرم  
 عائبہ لد چھس خطا کار چھس روسیاء  
 بندگی چائی کرے نہ دلہ جانہ زائہمہ  
 نفسہ امار نے دیت مے ہر ساتہ برہم  
 یا الہی تُو کر اکھ نگاہِ کرم  
 میانی اعمال ڈپشتھ چھ شیطان خجل  
 میون سرمایہ بس اکھ گنہگار دل  
 از یہ دل چھم پشیمان چھم چشمہ نم  
 یا الہی تُو کر اکھ نگاہِ کرم  
 رات گیارہ زپٹھ طوفانے منز لوگس  
 آوے نیسے اندر یوڈ گناہ گار چھس  
 ناو سو درس اندر چھم تُو بوٹھ لاگتم  
 یا الہی تُو کر اکھ نگاہِ کرم

آوروؤں پہ ہر ساعتِ شیطانی  
 راہِ روؤں دوہے نفسِ امار نے  
 تس پتے تل مے ہر ساعتِ پرہتہ کاٹھہ قدم  
 یا الہی ژ کر اکھ نگاہِ کرم  
 پرہتہ شہس منز کرم ساسہ وادے گناہ  
 عالس منز مے ہیؤ کاٹھہ گناہ گار چھا؟  
 نا وومیدی اندر چاڈ وومید چھم  
 یا الہی ژ کر اکھ نگاہِ کرم  
 چھے عفو ٹوٹھ گوئہن مے کرتھ عفو  
 پانہ فرمومت چھے ژے ”لا تقطو“!  
 رمتس چائے ہے ماگوھی کینہہ تہ کم  
 یا الہی ژ کر اکھ نگاہِ کرم  
 وقتِ آخر نیزم پور ایمان ہتھ  
 دستگیری ژ گرزیم سو چھم بد متھ  
 رمتچہ پھلیہ متبن ژ بزریم ہلم  
 یا الہی ژ کر اکھ نگاہِ کرم  
 اند مزارس مے میلہ قبر منز ساونم  
 دنیہکھ لکھ مے گنہ ہے ژنس تراونم  
 نور ایمان دزیم چھے ژے کنزک قسم  
 یا الہی ژ کر اکھ نگاہِ کرم

چھون تہ نون آسم نہ سرمایہ کاٹھہ  
 تہ گئس منز دزبم جلوئے مصطفیٰ  
 تہ تھنہ پامن لگے رچھڑ میونے بھرم  
 یا الہی تہ کر اکھ نگاہ کرم  
 میانہ حاجت تہ جھ پانہ سارے خبر  
 روسیہ چھس خطا کار چھس سربر  
 بوڈ کرپما تہ چھکھ پڑھ تیج پور چھم  
 یا الہی تہ کر اکھ نگاہ کرم  
 بوڈ رچما تہ چھکھ پڑھ تیج پور چھم  
 یا الہی تہ کر اکھ نگاہ کرم  
 بوڈ غفارا تہ چھکھ پڑھ تیج پور چھم  
 یا الہی تہ کر اکھ نگاہ کرم  
 بوڈ ستارا تہ چھکھ پڑھ تیج پور چھم  
 یا الہی تہ کر اکھ نگاہ کرم  
 بوڈ رزاقا تہ چھکھ پڑھ تیج پور چھم  
 یا الہی تہ کر اکھ نگاہ کرم  
 میون یادور تہ چھکھ پڑھ تیج پور چھم  
 یا الہی تہ کر اکھ نگاہ کرم  
 میون مولا تہ چھکھ پڑھ تیج پور چھم  
 یا الہی تہ کر اکھ نگاہ کرم

کار سازا ز چھکھ پڑھ تیج پور چھم  
 یا الہی ز کر اکھ نگاہِ کرم  
 چار سازا ز چھکھ پڑھ تیج پور چھم  
 یا الہی ز کر اکھ نگاہِ کرم



## عبدالرحمن آزاد

(ولادت : ۱۹۳۲ء - وفات : ۱۹۹۶ء)

## مُناجات

دپہ کھئے تہ سادِ پاٹھو پُن سیدِ مُدا وئے  
کیا کیا وئے بہ کؤت وئے ، کیا نہ کیا وئے

ہے ہے بہ لولہ ناری وُلس کس بہ کیاہ وئے  
وِچ کھائے وِنتہ کُمسِ ٹیے سوا وئے

جلون ہنزن شرابہ کولن ووند مے اکھ جہاں  
بیہ چھنہ مے کیشہہ بکارِ ژے زوس لاِلا وئے

گندِ باشہ آشہ چاہِ کریم دِبری گرتھ  
مستانہ مڑ نظر تہ کرکھ دِربا وئے

بے وایہ پانہ تِج مے تہر شاخ گُل ژٹم  
دامنِ دوں چاکھ چاکھ مے پٹے خطا وئے

ہا دِلہ کہ تاجدارِ ژے نئے دِل تہ شِل وندے  
اڈلیوک یہ جسم و جاں مے گوہم بے مُدا وئے

مشرکہ فسانہ میانی پرکھ موت بُری شباب  
کیا ابتدا ونے تہ بہ کیا انتہا ونے

دو لگے بٹھس یہ ناو محبت مے کھور ہم  
ہمراہ خود مے بوٹھہ نمس مُصطفیٰ ونے

آزاد چانہ نالہ ثنائ ہے بک چکر  
اشہ وانہ چانہ کور مے وضو با خدا ونے





# حامدی کشمیری

(ولادت : ۱۹۳۲ء)

## حمد

خداوند اچھ تھد تھوڈ شان چوئے  
گلن اندر وچھم نورانہ چوئے  
مے چائس رحمتس پٹھ یثہ تہ پڑھ چھم  
تڑن اندر زوٹم دامنہ چوئے  
چھ گلو کڑ، پل تہ انسان چاڈ کل ہتھ  
کران جن و ملک شکرانہ چوئے  
بجز حارتھ مے کیا چھم باگہ آمت  
ازیک پگہ ہک یہ حارتھ خانہ چوئے  
ژن نش کر آوریرو دؤر روڈس  
پہوان چھم ظون دس ہر آنہ چوئے  
ژن روڈس کس یثہ گلس اندر بہ ژھاران  
دزاں چھکھ شمع چھس پردانہ چوئے



## خضر محمد عارف

(ولادت : ۱۹۳۲ء)

### حمد

اے قادرِ کل کائنات اے خالقِ یکتا  
 وسعت نے چھا کر بہ چاندین صفینے رقا  
 پُر پڑ پاٹھ خدا ژے ژینے اتھ لوح و قلم چھے  
 اتھ مندر پٹھ بیاکھ کانہہ ماچھے ژے شریکا  
 گامن تہ شہرن بُستین پٹھ سایہ چوئے پور  
 نیکن تہ بدن چون رزق چون طریقا  
 اکہ طرفہ قہار آسنگ چھم خوفِ دس منز  
 بیہ طرفہ جبار آسنگ تسکین سلیقا  
 اکھ اوس خدا اکھ قرآن اکھ اوس پیغمبر  
 گئے فرقہ بندی ملتس کس چون فریقا  
 اڈر زلفہ زالس منز گمتو بند مثل جاناوار  
 عارفن تہ پنڑ پاٹھ قلمس ہاوی طریقا



## موہن لال آتش

(ولادت : ۱۹۳۴ء - وفات : ۲۰۱۱ء)

خدایہ وونی رحم ذکر

اتھر کیمبو گولاب کھیو

ٹینکے پٹری تہ ژا پڑی مہر

باغہ پیر پھوجا یہ کر

نار تیونگل چھ وچھ پھہان

گہلو وئس ہیونٹن الاو

تیونگل برکھ کززن اندر

چھ لاشہ وونی ننگے نژان

بیل گڑھان چھ لا الا

پوشہ پدن تہ چاکھ گئے

جوپہ پھرکان چھ نار ہا

زؤنہ ڈبن تناب گئیہ

خبر یہ راتھ زیٹھ رکو

قہر چھ جاپہ ژینڈی کڈان

سرکھ ڈوند ڈلتھ تھوؤکھ

کولَن چھ تَریشہ ہُند پیاس  
 نپیرِ چھ یُپ بٹھنِ ثَنان  
 اُندرِ چھ نارِ گگھ بران  
 گولاب پھلِ تہ سُرِ گے  
 مینہ زولن ٹھکانہ روو  
 خبر کپارِ سو شینہ زھٹھ  
 بالہ پترِ گمڑ وِلاسر  
 ہتا گجم تہ سُر پھول  
 شُنیہ موغل چھ دُولرِ ہتھ  
 وچھن خبر چھ کیا شمس  
 دُنگان چھ ہوئی از توپارِ  
 دپان کولن سہ تار روو  
 خدایہ ودی رحم تہ کر



## غلام نبی گوہر

(ولادت : ۱۹۳۳ء)

## مُناجات

وَتُن اوسم، وَتے، وَتَم وَتے کیا  
 وَتھن پٹھ چھم وَتس حرفِ تمنا  
 کھلس فھس نے دم مڑھجار آلیک  
 ولس تل یٹھ ہمن ہتھ ساس صحرا  
 جُنش نبضِ وَچچ وَتے راے نالان  
 یہ دم پھڑ راز ما سپدیوم افشاء  
 رُن ہانول ، ژن بیگار لاگن  
 کرم ژے ناو سپچہ گود بدریا  
 نے تے گوژھ اندر پھس کانہہ نریارا  
 یہ گوپچہ بل میون تے واناک تنہا  
 پدن دم گاش جھس ظلماتِ زُتیاہ  
 پھڑ کانن وَتن چھم خضراعے  
 کھٹھ تھوٹھس پھٹھ کڈھس جبک ہؤ  
 برس ارزتھ رچھم تی چھم تمنا  
 یمن مٹھ عطر ارکھو پھکھ ژ گالکھ

یے زنگہ نے چھم یاور تہ اعدا  
 خیالو ستر کانس بڑیے نے اذہم  
 تھن آمن پن پومبر بہ وونا  
 کسکھ کھر تہ کھارکھ دور پنہ نے  
 مزمل ووزیکھ از سیر اسری  
 اس میانس د اسرافیلہ سند سر  
 وٹھن پٹھ واتہ کر محشر تہ برپا  
 رسل تیٹھ موے بزم یتھ آبکینس  
 گوٹھن یتھ یمرؤلوس کھاسر شیدا  
 بنم شارخ نباتک سزنیہ یہ حظل  
 لسان الغیب گوٹھ سوخن مے فلوا  
 پدن میانن منزل آویز رؤین  
 قدم میوئے بن گوٹھ دشت پیا  
 یہ گوہر چھیکرس گوہر بناون  
 لکن عناق تھون پننن مہیا



غلام نبی گوہر

## مُنَاجَات

گوئیں ہندے گوب بار چھم استغفر اللہ العظیم  
اوند پوک مے نائے نار چھم استغفر اللہ العظیم  
یو لم تہ بد یو زم تہ بد و تم تہ بد سو زم تہ بد  
بدی سین ہندے کردار چھم استغفر اللہ العظیم  
کاٹھہ چھم نہ در دل داد خواہ کاٹھہ چھم نہ یاد رتے سوا  
کس پٹیناہ کس یار چھم استغفر اللہ العظیم  
کرتوت پیچھ اعمال بد کرک پاپ کاٹیاہ بے عدد  
پتہ لم تہ تھہ چھم چھار چھم استغفر اللہ العظیم  
بندس چھ بدی سین ہند ہر آغس چھ احسانک بحر  
احسان بس درکار چھم استغفر اللہ العظیم  
تل آس پٹھہ چھم کوہ غم دم گوم چھم رنج و الم  
یو چھہ ون ننگ شہار چھم استغفر اللہ العظیم  
امید چھم امید تو فرمان چون لا قنطو  
سرکار بخشہار چھم استغفر اللہ العظیم  
ژیے حص مے دیت تھم زوتہ جان ژے دم امان ژے دم امان  
برہم گو مت گر بار چھم استغفر اللہ العظیم

ہیون دین فقط عصیان بو قالو بلی نسیان گو  
 آپڑے فقط باپار چھم استغفر اللہ العظیم  
 کر مغفرت سوے چھم وومید لرزان چھس زن مثل بید  
 ووزی ورد استغفار چھم استغفر اللہ العظیم  
 گوہر ہزر لد چھس پشان افسوس در پیری کھوان  
 شافع بنی مختار چھم استغفر اللہ العظیم





## مُشتاق کشمیری

(ولادت : ۱۹۳۲ء)

حمد

جہانک را چھو در، اللہ اکبر  
 چھ تیر شواہاں بجر، اللہ اکبر  
 عیس راتس چھ تارک زون تابان  
 دوہس تاپک حور، اللہ اکبر  
 دماغن منز وقوفچ تراے بیون بیون  
 دن بیون بیون اثر، اللہ اکبر  
 دواں خاکس اندر زو بیاکر دانس  
 پھولان گل کیا زبر، اللہ اکبر  
 کمالِ حُسن بخشن آبخارن  
 سرن ، آرن مژر ، اللہ اکبر  
 چھ بیون بیون حظتہ بیون تاثیر میون  
 ژوکبر ، میچھر ، چچھر، اللہ اکبر  
 دن اندر تہ آہس منز تہ مخلوق  
 وسیع تمک سہز نظر ، اللہ اکبر  
 نین مرگن حسین، خاموش دُنیا  
 چھ سرین شور و شر، اللہ اکبر

چھ یم سر، داد، گلشن، بونہ شہجار  
 بہارِ کرِ معتبر، اللہ اکبر  
 کوٹھش، سردی، پھلے شیخ تہ ہو ہو  
 زُمتائیکو گبر، اللہ اکبر  
 اچھن منز گاش، گاش پاری زاناہ  
 وچھس بخشن تھر، اللہ اکبر  
 چھ کینہہ اپر، تمن مچھر کلامس  
 اڈن پُر پُر پچھر، اللہ اکبر  
 ہموئی زوچھ فرعون بوسہ گریس  
 یہ عیسیٰ بے پدر، اللہ اکبر  
 دِلن ہنر رایہ زانِ دول مولا  
 چھ نر اتھ خیر و شر، اللہ اکبر  
 شفیقاہ، پش پناہ، مہربانا  
 تمس چھنہ کاتھہ دوپر، اللہ اکبر  
 ارادس منز چھ اکھ مینارِ کعبہ  
 پیس الہ مؤر تھر، اللہ اکبر  
 اُکس بخشن دلاہ لوگ سمندر  
 چھ بیہ سند دِل قبر، اللہ اکبر  
 چھ اکر ہنر اچھ خلوصک حوض کوثر  
 پیس نظرن کھوچر، اللہ اکبر

حکومت شوبہ تیری قانون تیرے سُنَد  
 تُوں دے شوبہ دے، اللہ اکبر  
 سہل پائٹھن چھ تاراں فکرِ مشتاق  
 یہ کس نتہ چھنہ خبر، اللہ اکبر



## مشاق کشمیری

### حمد

فرمان	بر	چھ	چوئے	شام	و	سحر	خدایا
شمس	و	قمر	خدایا	بینہ	و	خشک	خدایا
سُز	نار	کوه	بیابان	سر	سبز	مرگہ	مآدان
یم	اسہ	چھ	فکر	تاران	چوئے	بجر	خدایا
لند	دند	کمال	چوئے	حسن	و	جمال	چوئے
کاسان	خیال	چوئے	خوف	و	خطر	خدایا	
آبس	دڑتھ	روانی	چانی	چھ	میہربانی		
اتھ	پٹھ	چھ	زندگانی	سائی	بسر	خدایا	
شہرس	تہ	بینہ	دیہاتس	مولا	ژ	کائناتس	
موتس	تہ	بینہ	حیاتس	پٹھ	چھ	نظر	خدایا
ژن	تأبیاہ	چھ	انسان	جن	و	ملک	تہ حیوان
ہتھ	آو	چون	قرآن	پیغامبر		خدایا	
وچھ	وچھ	گڑھاں	بہ	حاران	کآڑ	یا	چھ چاڑی احسان
آلفت	ئے	برتہ	سپنس	نور	یقین	جبپنس	
کپ	ہا	نثار	دپنس	جان	و	جگر	خدایا

## مُشتاقِ کشمیری

### مُنجات

چشمِ عطا نے کرتی لطفِ نظرِ خدایا  
 شوقِ بخشہ میاںسِ عرشِک تھوڑ خدایا  
 عرفانِ پندِ ستینِ پزلاتنِ جبینِ میوں  
 سپدا تم نے رشکِ ماہ و مہرِ خدایا  
 میانو اتھو جہاں گوڑھ خارِکِ خزانہ پڑاؤن  
 میانو کتھو ژ کرتنِ نابودِ شرِ خدایا  
 متہ تھوتہ تائیا زانہ مولا نے خاہشنِ ہند  
 ہچھ ناو تم ژ روژنِ فرمانبرِ خدایا  
 علمک تہ پاک ادبک سپدا تم ژ خوگر  
 تل میانہ فکر و فہمِک و ولسِ مکرِ خدایا  
 شارن اندر چھ مشتاقِ یم آرزو گزاراں  
 ژے پادِ کرتہ اہندنِ شارن اثرِ خدایا  
 پنہ غنِ عظیمِ بدنِ ہند لول برے سپنس  
 تمہ لولہ یرھتہ برہنِ خشک و ترِ خدایا



## منظور ہاشمی

(ولادت : ۱۹۳۵ء - وفات : ۱۹۹۷ء)

### حمد

کہہ ناؤ ناد لایے ہر ناؤ ژے خُدا چُھکھ  
 صاحب ، شفیق ، یاور ، محسن ژ ناخدا چُھکھ  
 ہنگامہ کایناتکو ژیے نش بنان توانا  
 یودوے خموش سائکت ، بے سَٹھ تہ بے صدا چُھکھ  
 پرہتھ آش ییلہ چھ سوران روزاں چھ آس چائی  
 مہمس اندر فقط ژے ، ژے یوت آسرا چُھکھ  
 اجسام و اجزہن منز تہیم چھ تیچ و تابی  
 ذرن تلاش چوئے پرہتھ کائہ ہند مدا چُھکھ  
 گگرایہ منز ژ آواز، جوینی اندر ژ چُھکھ ساز  
 رازس اندر ژ چُھکھ راز امہ نشہ تہ ماورا چُھکھ  
 ظاہر اگر خطا میانی سپدن کرن نے سنگار  
 ہے پرد پوشہ! تراوتھ میے پٹھ پنژ ردا چُھکھ  
 بہ اے چھس بشر تہ میے نش سرزد خطا تہ سپدن  
 ژ اے چُھکھ تمام رحمت ، مہر و وفا دُعا چُھکھ



## منظور ہائمی

## مُنَاجَات

زمین تنگ تر سپر مڑ ، آسمان نا مہرباں گوشت  
 دولابن منز چھہ ہینہ آمتڑ، کڈر کارِ جہاں گوشت  
 گو بے مڑ سائی قدے، دودھ کڈن کوہ گراں گوشت  
 پُن احسان، پُن فضل و کرم ارزاں کر یارب  
 بوجہ سرورِ کونین لطفِ اکھ نظر یارب

چھہ پھیران در بدر، آوارِ گائتڑ اُس پریشاں حال  
 چھہ پھڑمڑ کار پنی، مارِ گائتڑ اُس پریشاں حال  
 وقارے راہِ روو، لاچارِ گائتڑ اُس پریشاں حال  
 پریشانی تہ بد حالی اسی نش دور کر یارب  
 بوجہ سرورِ کونین لطفِ اکھ نظر یارب

عجب در ماندگی بے چارگی و دولت چھہ عام و خاص  
 چھہ صف بُو ڈل، ڈلتھ مرکز چھہ نظرو، اُس نیمتڑ داس  
 اُتھر لُچمڑ چھہ تارن جامہ وارن ، روومڑ اُتھواس  
 عطا کر روومٹ سوزِ جگر ، ذوقِ نظر یارب  
 بوجہ سرورِ کونین لطفِ اکھ نظر یارب

متاعِ فخرِ راوان، زندگی ہنرِ دل کشی راوان  
 گمانِ پیروی گری گری یقینِ روشنی راوان  
 گلسِ لوگمتِ سو سُرِ مؤلن، چھنے انساں دوستی راوان  
 عنایت کر متاعِ آگہی، شوقِ نظرِ یارب  
 بوجہ سرورِ کونینِ لطفِ اکھ نظرِ یارب

گلستانِ زندگانی ہند دزاں ابرِ کرم بن ساء  
 گولابن، مسولن ہو چھمڑ زباں ابرِ کرم بن ساء  
 بیابانِ چھ پیہم پھور پھڑکاں ابرِ کرم بن ساء  
 ژپاسے نارے تاوا، دزاں شہر و بحرِ یارب  
 بوجہ سرورِ کونینِ لطفِ اکھ نظرِ یارب





## مشعل سلطانپوری

(ولادت : ۱۹۳۶ء)

حمد

مے بڑھتے پڑھ چھ یہ ایمان لا شَرِیکَ لَہُ  
 بڑھا پڑھتے یہ کتھ مان لا شَرِیکَ لَہُ  
 گئے چھ، اوس گئے، آسہ گن تہ روز گئے  
 گنبر فقط چھ تہنر شان لا شَرِیکَ لَہُ  
 بُہان تَسْرُ چھ عبادت تہ بندگی تَسْرُ یوت  
 یہ کتھ چھ حاصل قرآن لا شَرِیکَ لَہُ  
 تھیں کان رُوز دتن علم الکلام ، فلسفہ کاٹھہ  
 یہ کتھ چھ قاطع بُرہان لا شَرِیکَ لَہُ  
 دِلِیلِہ کم تہ دین لکھ ، ثبوت مکتور اُزین  
 پوئس چھ تم تہ یہ مانان لا شَرِیکَ لَہُ  
 نہ مشورس چھ تَمَس کاٹھہ نہ داے دِنے کاٹھہ  
 بڑھان بی چھ تی سپدان لا شَرِیکَ لَہُ  
 نہ قو در تھے چھ بپیس کاٹسہ ہاو زور پَنڑ  
 نہ دس رہے زمانہ آن، لا شَرِیکَ لَہُ  
 نہمان اُس گلبین کیشہ ، کنہن تہ ناگن کیشہ  
 نبی گران اعلان لا شَرِیکَ لَہُ

منکن چھوے تہ منکوتس چھ اُس تہ تَس محتاج  
 چھ اولیاء تہ یہ باوان لا شَرِیکَ لَہ  
 چھ آہ جو یہ وسان اِدِ وِسَن کپارک وِسَن  
 چھ آہ آگر انان لا شَرِیکَ لَہ  
 کرم اگر نہ تہند آہ پر تہ عمل بیکار  
 منکوس فضل تہ احسان لا شَرِیکَ لَہ  
 سبٹھاہ کرتہ عبادت گمانہ یتھ نہ گڑھی  
 گڑھان خوار چھ شیطان لا شَرِیکَ لَہ  
 گناہ کیٹھ تہ کرکھ یو دِل اے پھٹی تہ عفو  
 شَرک مگر نہ سہ زردوان لا شَرِیکَ لَہ  
 دوان سے چھ عطا سے کران ، سے سوزان  
 پناژے زائہ تہ ڈلی دیان لا شَرِیکَ لَہ



## مشعل سلطانپوری

## مُناجات

وَتَہِ وَتَہِ چھکرتھ شور تہ نار

بار خدایا پاپ نوار

اکھ اکھ پود ترانوں دُشوار

بار خدایا پاپ نوار

ہندُر تاپہ پڑو دیکھ لان

سُشپتر تان تہونگلو نرمان

پوز مے تہے پاتھر ترکہ جار

بار خدایا پاپ نوار

دکھ زد گڑھی گڑھی روڈم آپھ

مندنی گاشن کُرنم ژھاپٹھ

منش پانزو بہہ ترچ کھار

بار خدایا پاپ نوار

واو گلو وولہ ہس پنہ تُل

واو کران چھم سپدم بُل

ہرڈک ژھوکھ زونم سبزار

بار خدایا پاپ نوار

ڪهڙو ڪهڙو ڪرآن وٽس ”نا گام“  
وڃي اٿت و اٿتھ آڻڻ آڻم  
بروئيه پڪڻس ٿڌوڙ ڏوڙي ڪلار!

•  
بار خدايا پاپ نڀار  
بُڙهي بُڙهي پڳو پڳو آڏن روو  
وڃي ملڪو ٿيڻ بهما هوو  
وڙي ڪم دوه گنه ليه ناتار

بار خدايا پاپ نڀار  
ڪڙهي ڪڙهي پھيڙس سواد تہ دُون  
گنه ڪوٺس منز چھمنہ سکُون

رنگہ مندور تہ دودريو دار  
بار خدايا پاپ نڀار  
جُڙي جُڙي چوڻ تہ ڪري ڪري گچھ  
هتھ اٿھ آم نہ ڪاٿھ لچھ

چچھ پتھ چچھ چھ وسان ديوار  
بار خدايا پاپ نڀار  
ڙھنڙي ڙھنڙي تروم اکھ اکھ گوپھ  
سونہ سُوروم پننہ روپھ

ٺوپھ ٺوپھ روڏي دوان شھمار  
بار خدايا پاپ نڀار

بی نے کھوٹم تی بازر پیوم  
 بساؤر بساؤر رؤدوم اوم  
 ثابت سپدس مالگہ ہار  
 بار خدایا پاپ نوار  
 ژھوکہ وینہ شہہ آمت مشعل  
 کھوکھشہ کران یتھ براندس تل  
 بخشس ، گاہے تلن بسیار  
 بار خدایا پاپ نوار



## مشعل سلطانیوری

### مُناجات

پکھو ز دس گوس جاناوار بخشم  
 وڈن گوشت مے چھم دُشوار بخشم  
 پنڑ اعمال دُپشتھ مندچھان چھس  
 مے گونہ ہن چھم گمتر اثبار بخشم  
 پھلے باغس لے ، پیو و شین بالن  
 وں چھنہ مو نیرکو آثار بخشم  
 لو لے منز للہ و ہتھ تھو ہتھ دس منز  
 مثر یس انہ تیٹھ انہار بخشم  
 ”بہار و روز و قربانی و ج“  
 بنووم سار دے باپار بخشم  
 پھوڑس پانس سونس واوتھ مے تراؤم  
 بہ نے لوونکس کھنڈ ہار بخشم  
 یہ سمبران گوس تھ گو ژور ساران  
 اُتھ زپتھ تہ چھس نادار بخشم  
 سوکھک مومک سفر، قانون قدرت  
 سوکھس ساری چھ، مومس یار بخشم

زھوٹس منز آس ہینہ، گوٹ گوم سمسار  
 نئے بُتھ چھم چھمب تہ پتہ چھم لار بخشم  
 یہ چھس دم پھڑ گوٹ وڈومت گوناہو  
 کر اے رکتھ پاٹھو کر انکار بخشم  
 یہ کورمت چھم تہ چھم سورے اچھن تل  
 گر تھ ما چھس ہینکان اظہار بخشم  
 می و تہ چھس پکتھ ، نزدیک واتان  
 دوان شیطان تھو دیوار بخشم  
 تھئے اچھو ٹنڈ گیم ، لوکچار رووم  
 بڈیومت چھس وں یی نے عار بخشم  
 گر تھ بٹھو کھنڈ لکھان مشعل مناجات  
 شفیع اوئے نبیٰ مouxار بخشم



## مکھن لال کنول

(ولادت : ۱۹۳۶ء)

### مُناجات

ٹاٹھ! ہے مہربانہ ! معافی دے  
زانہ وُن چھکھ تہ پانہ ، معافی دے

کیناز تھوڑ تھم وُن تیونگل وُہرتھ  
چھس دزان دانہ دانہ ، معافی دے

شاہہ لد چھس بہ راشہ پھل یوگان  
ہرے پاپن تڑ پانہ ، معافی دے

چھس گلن منز ودان ز شامل شُر  
تاہ ٹیوک گنڈ شبانہ ، معافی دے

چھس بہ پانس گندان ژھپل ژھانجن  
چھم نے گیلان : زمانہ ، معافی دے

جایہ ڈلرتھے نے سایہ سورے ڈول  
پانہ کاسم وکانہ ، معافی دے



چھکھ دیاؤ مے یڑھ تہ پڑھ چائی  
چھم نہ ووزی کاٹھہ گمانہ ، معافی دم

چون دور بر تہ دگ دس جگرس  
کاٹھہ تہ سمکھن بہانہ ، معافی دم

اکھ لوٹ دل تہ لچھ صدم وپڑی  
ووزی ونے کم فسانہ ، معافی دم

چانہ بر اندج یہ لڑھ مے کہیا چھم  
چھم ویکس مے نشانہ معافی دم

زر چھ کنوس وں شر دس کاسم  
چھس پیومت آسمانہ ، معافی دم



## غلام نبی خیال

(ولادت : ۱۹۳۶ء)

### مُناجات

سُرو سبز دَم بونہ بجر دَم یا اللہ  
کوستورَن ہند بولہ سحر دَم یا اللہ

سریہ پور تہ عرشہ گڑھتہ وچھ حق تہ حُسن  
بس اکہ برزواہ تڑھے نظر دَم یا اللہ

رُڈ رَاژَن مَنز زِتنن پتہ پتہ لاران چُھس  
تاپہ ٹیکین ہند روپل سحر دَم یا اللہ

کوچھ مَنز اوسم مند نیگ ووشلن سے زَن ژھیو  
موچھ مَنز ژولمت گاشہ پھر دَم یا اللہ

بدنس بدنس دُزملہ دُور تہ نادر الاو  
نبض نبض خُونہ مکر دَم یا اللہ

ڈٹھ چھم پھیشان تڑیشہ پھیر بن چُھم وائن دُور  
تھو کُمت چُھس پیہ عزم سفر دَم یا اللہ

پنہ کائس مولہ ناؤن مولہ وتھ اچھن متھن  
سے یوسف تہ سے بازر دم یا اللہ

باکہ زھٹان یہ شہر وچھان وٹم وقاہ  
بیہ سے اسہ ون سری نگر دم یا اللہ

نور ہکم دوڑھ دوڑھ مولہ ناؤ کلام خیال  
شار بہ ونہ شعرن ژ اثر دم یا اللہ



## مرغوب بانہالی

(ولادت : ۱۹۳۷ء)

### حمد

ربنا پر تجھ رنگہ چھکھ ڈبے لایق حمد و ثنا  
ربنا پر تجھ بجز کئی چھکھ ڈے کبیر و کبریا

ربنا پر تجھ کار سازی چاڈی پڑتے خوش نما  
ربنا پر تجھ کانہہ نظاما چون دور تے دلبر با

ربنا ڈے ممکنا تس ابتدا ڈے انتہا  
ربنا ڈے شش جہاتس ازل و ابدس آشنا

ربنا خالق تہ مألک پر تجھ اُکس کس ڈے سوا  
ربنا معبود برحق چھنہ ڈے روس پیہہ کانہہ اکھا

ربنا ڈے علم و حکمت کبو مند و نیشہ ماورا  
ربنا ڈے معرفتہ کمن رہرون ہند رہنما

ربنا ڈیئے بعد مہلت ظالمین دیسن تگہ سزا  
ربنا ڈیئے نش پچھ مظلومن پھنڈس داؤس دوا

رَبَّنَا چَآئِی عَنایتِ مُؤْمِنِ حَاجَتِ رُوا  
رَبَّنَا چَآئِی رِفَاقَتِ عَاجِزِی مُشْکَلِکَشَا

رَبَّنَا تَرِے دُورِ کَرِ شَرِ پُچِ وُٹلِ سَائِبِ اُچھِن  
رَبَّنَا تَرِے نُورِ کُزُرِ کَرِ دِلِی سَائِبِ عَطَا

رَبَّنَا مَرْغُوبِی مَنگَلِی اِجَابَتِ کَرِ نَصِیْبِ!  
رَبَّنَا پَرِ تَہِ یُوچھِ تُوں رُوحِ دِ تَوْحِیْدِ کَرِ غَذا!



## مرغوب بانہالی

### مُناجات

خُلّیلی نظرِ دیکھو زِ زلِ ٹھری دُور کرتم!  
 کلّیپی عقلیہ روشن کلامک طُور کرتم!  
 دنانِ سِتھ دہنِ فطرت ، تیج و تھ راہِ وحدت  
 مے تھ بے لوث خدمت کرنی منظور کرتم!  
 دوکھن منزگیر چھم فن ، تنخس تل چھم یہ ہی وَن  
 وِلتھ اُتھ پھلیہ ہن ہن زِ دِل مسرور کرتم!  
 گوہان چھم شادمانِ دِل ، مے از تردید باطل  
 حقس کرتم مے واصل ، تمنا پور کرتم!  
 چھہ نہیں تھو دژے منصب ، تمودیت لالچس دَب  
 مے تھندے پاسہ یارب ، زِ نارس نور کرتم!  
 مے چھم زبیرِ زندِ سؤرس ، یہ چھم پزاران ظہور  
 عطا سرمدک شعورس ، لبِ منصور کرتم!  
 بہ گزرن چونس مَس ، دُلی گلو تی و چھتھ ژَس  
 زِ اُتھ مرغوب چھورس مدد بھر پور کرتم!



## غلام محمد شاد

(ولادت : ۱۹۳۸ء)

### مُناجات

بل بٹھن ڑ زو دکھنا      زو تہ گفتگو دکھنا  
 رند پاٹھر جے پڑھ سپن      زندہ آرزو دکھنا  
 تھامہ گامتن قدم      یڑھ تہ جستجو دکھنا  
 زز ہنگن سوہری داسن      بل تہ آبرو دکھنا  
 تھار لد جوان قمر بن      حق تہ برہو دکھنا  
 غم دین ڑ عشقہ کئے      یار میون ہیو دکھنا  
 نیہہ گلن گہل چھینہ ہیہ      گاش سو بہ سو دکھنا  
 اکھ ترے سرافیلو      سانہ کو بہ کو دکھنا  
 ساقیا مے آگرے      مے سو سو دکھنا

جائی یار زاہ شادس

جلو رو بہ رو دکھنا



## ایوب صابر

(ولادت : ۱۹۳۸ء)

### حمد

دیتھ ڈیے تھزر آسمانس خدایا  
ژ چھکھ پاسبانا جہانس خدایا

سجاواں یہ دوه چھکھ اُتی رات باقی  
انان گردش مثر زمانس خدایا

پکُن اجتماعی چھ فرمان چوئے  
تھوان شان وحدت ژ پانس خدایا

صداقت ، بلاغت ، نفاست برابر  
فصاحت چھ چانس بیانس خدایا

ژئے سوز تھتہ چشمن اندر جائے گرمس  
فدا ئے کوڑم زو قرآنس خدایا

پران روز صابر چھ الحمد اللہ  
بجر کوٹ چانس چھ شانس خدایا



## ایوب صابر

## مُناجات

بشر بوچھس مے اِس ہُشیار تھاؤم  
خدایا روح سدا بیدار تھاؤم

نڑ چھکھ مولا نڑ چھکھ شانی تہ کائی  
پُنن سایا پُنن شہجار تھاؤم

میتر رات دودہ بس شاد مائی  
سبٹھاہ ویہ وُن اُتی سمسار تھاؤم

کرہنی یتھ زندگی مثر نیک عملا  
کلامس پزیر گئے اظہار تھاؤم

سدا اوڑ زو رزق وافر ہمیشہ  
مے خوشحالی اندر گربار تھاؤم

مزاجن صابر س روشن ضمیری  
ادب حاصل علم بسیار تھاؤم

## علی محمد شہباز

(ولادت : ۱۹۳۹ء - وفات : ۱۹۹۷ء)

## مُناجات

آچھ کور تھس خدایہ معافی دِم  
دِم سا معافی خدایہ معافی دِم

واو دولان چھ آویز زوٹ نس  
تار دیتہ میانہ نایہ معافی دِم

اویہ کینڑھا دیم حلاپے دِم  
کرتہ بزرکت کماپہ معافی دِم

چاڈی رحمت چھ آستھ زوس دریاو  
مونختہ پھوٹس بنایہ معافی دِم

چھکھ ڈ ستار ستر کر عابن  
بس چھ چوٹے نئے سایہ معافی دِم

دزاس سرکش حدود پھڑاؤم  
ثچہ نئے سنگین قلاپہ معافی دِم

زانہم تہ متہ ہاؤتم اچھو یارب  
 پنہ تنہ ہنر بلایہ معافی دم

شہبازس چھ چاؤ سستھ کافی  
 زہالیہ لگہ ہے بلایہ معافی دم



## قاضی ہلال دینوی

(ولادت : ۱۹۳۹ء)

حمد

نورِ سحرِ ژے خوشون خوشون اللہ ہو  
سایہِ ژ شامکِ ویرِ وُن ویرِ وُن اللہ ہو

دوبہرِکِ اختلیہِ زِژا اکھ چائی بس  
زُون ژودا ہم ژے ویرِ تھاوُن اللہ ہو

زرگسِ پُشمنِ منز ویرِ چوئے اکھ انہار  
پیچانکو رِنگرِ مَنِ اِساوُن اللہ ہو

نارچہِ رینہِ منز لیکھتھِ اَسُنِ یا قہار  
”یا رحمانک“ شبنمِ تراوُن اللہ ہو

تایا ژے چھی ساری گُکڑِ دہِ دریٹھاک  
آدمِ تمِ نے بر سرِ تھاوُن اللہ ہو

نارچہِ رینہِ گلزارِ بناوُن کمرِ سِشزکام  
نکھِ دُرِکِ یادسِ پھسمہِ گرناوُن اللہ ہو

وَتِه ماڈلہ ہا تنہ ما گڑھم تکر سہنر باش  
فرتا نک زگ پزون تون باؤن اللہ ہو

روشتہ ژیلے نش کوٹ ژلہ کتہ چہم جاے پناہ  
مٹہ چہ مارن تارن تهاؤن اللہ ہو

ہردنہ زردی سوئک نجر بخشن دول  
شامس بخشان صبحک یاؤن اللہ ہو

کل ہتھ وایاں آرچہ کس ہتھ جلیہ ونم  
یناکہ ننگلاوتھ زند تهاؤن اللہ ہو

قطرس بخشن زو اکھ موسیٰ اکھ فرعون  
ہتہ پرکھاؤن پتہ پرکھاؤن اللہ ہو

گلر پیٹہ عارف، عاجز عاقل زاہد راؤر  
کیا سا ہلاس تگہ و بھناؤن اللہ ہو



## پریم ناتھ شاد

(ولادت : ۱۹۳۹ء)

## مُناجات

خدا وندا بدن ہند چھکھ نگہبان  
ژئے بخشہ زندگی چوئے چھ احسان

چھ چانے نوڑ ستر زر زر مٹور  
نپان اکھتہ تارک زون زوتان

بہ اوس کیا بہ چھس کیا چھمنہ معلوم  
بے داری دم ژ چھکھ یادور مہربان

کرم چوئے چھ آیت گل کائناتس  
بے جان جاندارن فاض واتان

عطا کر زندگی ہنز زون زان  
وے سے ظون چون آدم سپد انسان

بدن پز لولہ ستین دل برکھنا  
یو ہے چھم اور زوے ہاوس تہ ارمان

کرم چوئے ، کرکھ شاد آئی و بنتھ پور  
 زمانو کھری ژلن دنجہ روز ایمان



## سید رسول پونیر

(ولادت : ۱۹۴۰ء - وفات : ۲۰۱۱ء)

### حمد

سیدِ بڑے جھکھ تہ ناوِ بڑے تروون  
آوُن بڑے تہ بادباں وُچھوون

بزمِ چائی تہ جائے کتہ نس میانی  
ژا نگرِ سینہ بڑے تہ دہ تہ بڑے ووتھوون

نذر کرنس چھ کیا سا میون یئی  
ڈبکہ لڑھ چائی آستان تے چون

نیر کوگن وچھتہ بہ نقشِ قدم  
خاکِ راہ چون کارواں تے چون

کشکش ، بس تہ بے نہ بے بے بس  
اجر چوئے بڑ ابتلا کپروون

بہمہ تھکھ دتھ بہ یا قدم تلہ بروئہ  
بڑے فنا جھکھ تہ بڑے بقا تھوون



وَأَنْسِ رَاوِرَ بَنِي بَسْ كُنَاهُ كُرَى كُرَى  
رَوِيهِ اَوْتَهْمُ نِي تَوِيهِ چُتْهَسْ كِرِ وُون

زِنْدِ رُوْزُنِ پِوَانِ تِنِ تَنِي  
تُرے نِي بَسِ تُرے مے پُوشِ سَنگِ پِکِ وُون

تُرے اَزَلِ چُھکھِ اَبَدِ تُرے اَنَدْنِ اُنْه  
رَاہِ مُسَافِرِ بِي وَاوِ چُتْهَسْ وُڈِ وُون

کِیَا وِنِ چُتْهَمِ زَدَلِ بِلَمِ تَھِکِ وُون  
مَعْرِفَتِ مَوکْھَتِ شَوْبِہِ مے سَوْمِرِ وُون!



## سید رسول پوئر

### مُناجات

مُونگ مے نہ کینہہ خدایہ دِکھے کارِ تھنر دِم  
یئے روزِ دل آباد سہ وَا راگہ شہر دِم

پود تراوِ دُزن ناگ نظر تراوِ پھولن کوہ  
قدمن مے مدد دِم تہ اُچھن لوڑ سحر دِم

دون مے نہ دِم دیار کرکھ لوڑ دین تہ راتھ  
دِمہ شش جہات پتھ مے تیٹھے ووند وِزھر دِم

پتھ تراوِ لامکان تہ رگن روزنہ کینہہ لور  
وُڑراوِ گنبر ازلہ ابد تیز نظر دِم

اُش رُود والہ شہلہ زمین نیرِ پھولن پوش  
اتھہ ڈالہ تھرن داوِ شہل سونتہ لوڑر دِم

کتھ میانہ ہرن پوش ثلن مالہ کرن لُوکھ  
زو دِم تہ جود ، رُژھ نہ ہجرور تہ کجر دِم

تاشوقہ پدو گاشہ لئو نیر گئو منز  
تھکھ دمہ نہ ون پھیر مے سوکھ لانہ تھور دم

دم معرفتک مے تہ وزنی آب حیات  
وچھ دؤرِ حضر وآنسہ حضر بار تھور دم

دنیا چھ چمن میون ، وطن میون تہ سرحد  
دیوار منزے کھتر مے پئن شانہ بحر دم

بیم کھر تہ کُر ، یہ زؤن تہ کوہ سری یہ نیل نب  
تہجھ اُنہ ڈل دوار تہ پئن سایہ زبر دم

رُت چھے مے لیکھتھ لانہ لُونی اچھ تہ سُونی وٹھ  
دکھ تے تہ دم معنہ ژھوپنی نورِ بصر دم

دِتہ میانہ بیتھ کشیر گلن گاش وتن زو  
چھم سپنہ سپر بال مرھن بل تہ زبر دم

ہنہ آس وئلہ منزسہ دُشیوت گووتہ کھور ڈول  
پانژالہ ترن تھھ مے سُون کر تہ بور دم

اوتھس کشیر باگہ جنت یوس چھے بر زمین  
دم پاز وڈو کر مے وونے پنجر شہر دم

## فاروق نازکی

(ولادت : ۱۹۴۰ء)

حمد

گوڈ پرو حمد رب لا محدود  
کیناز بس سئے چھ جابجا موجود

سئے چھ بس سئے چھ جاودانی زان  
تس سوا گل من علیہا فان

تس نہ ہم شانہ کانہہ ندیم نہ کانہہ  
ساری حادث چھ بس قدیم نہ کانہہ



(مثنوی مہ جبین)

## شہباز را جوری

(ولادت : ۱۹۴۰ء)

### حمد

پھلے چھ پوشنِ جمالہ چانے  
 چھ کوہ لرزاں جلالہ چانے  
 سیاہ ون منظرِ مسافرس بس  
 لباب چھ وتہ پُدرِ کمالہ چانے  
 نظر گرتھہ ییلہ دو عالمس گاہ!  
 نزاں قیامتہ قبالہ چانے  
 ژھوکاں چھ ییلہ ییلہ مے ژونگ دلہ گے  
 بہ گاشراواں حوالہ چانے  
 سکتھ کتبہ چھم ثنا کرے زن  
 نجاتھ لیکھاہ سوالہ چانے  
 تمام عالم ژینے انتظارس  
 پڑتھاں چھ پڑتھ شے یہ سالہ چانے  
 ازل ابد چھا مے سوچ شہباز  
 ژ لا یزالا! کمالہ چانے

## غلام احمد گاش

(ولادت : ۱۹۳۰ء)

## حمد

چاؤ رحمت کرم خدائی چاؤ  
 میانہ اتریک برم خدائی چاؤ  
 عرش فرشس ورد چھ چوئے ناو  
 حق تہ پوز دم بہ دم خدائی چاؤ  
 ڈے ازل ڈے ابد تہ چوئے حال  
 بگوئے لوسم قدم خدائی چائی  
 مون آدم سرس مگر لاچار  
 چون لوح و قلم خدائی چاؤ  
 میون آسن چھ سجد ریزی آتر  
 چون آسن کرم خدائی چاؤ  
 راضر روزکھ چھ بندگی معراج  
 گاش داتھہ بلم خدائی چاؤ



غلام احمد گاش

لَا إِلَهَ إِلَّا اللَّهُ

کنس چھامنے کئے

وَنُوا حِدْسِ اکھ

دل نے مؤذِر پُچھتے اُنہ و پُچھتس نا

بلیوک ہسا

کتابہ پھیر پھیر دتھ

یم ہے چھی مانہ لچھاہ

توتہ کے

ہیو! بے ناؤ

تھو کا تیاہ ناؤ؟

رنکس رنکس تھار تھ

انکس انکس سار تھ

برندس برندس گار تھ

گئے یہ لفظ

مگر احاطہ کر تھ

ابتداء تا انتہا

قالو بلی!.....!

مے چہوتہ چہوتہ کہنی  
مے ڈچھتہ ڈچھتہ کہنی  
مے پورتہ پورنہ کہنی  
مے سورتہ سورنہ کہنی

چہتہ چہ کو تہ  
ڈچھتہ نیوئم ہوش  
ونے تہ ٹنم زہ  
سنے تہ راویم ذات  
کُنے تہ مگر ارسات!

عرش

کُرسی

فرش تہ لوح و قلم  
رَمَس رَمَس چھ لیکھتھ

لا إِلَهَ إِلَّا اللَّهُ!!!





## محمد امین شکیب

(ولادت : ۱۹۳۰ء)

### مُناجات

کرپما، کار سازا ، لا یزالا  
ژے ہیو چھنہ کانہہ توے چھکھ بے مثالا

چھ مُشکُز دار رُحس مُشکُم ناواں  
یتھے پھیران ژے کن میوئے خیالا

جوابس منز چھ واناں چاؤ رحمت  
یتھے منگہ وُن ژے گُن لایاں سوالا

چھ اکھ اکھ ذرہ شہد کائناتک  
عقل حاراں ژ کوتاہ باکمالا

زوالس پٹھ چھ پرہہ کانہہ چیز یو دے  
ژ چھکھ قائم تہ دایم لازوالا

بہ چھس امکانہ حد تھاران روزان  
ژ چھکھ امہ ہیو ر سبٹھاہ تھو ذات والا

دوہس افتاب رونق ، زون راتس  
تہ پر ہتھ ساتس چھ نون چوئے جمالا

پڑس چائس سراں پڑوزیارو چائی  
حقس یہندس مدد کر حق تعالیٰ

شکپس بہتھ ژ سرے یاریاہ کر  
خدایا! شوب دارا! ذوالجلالا



## غلام محی الدین گوہر

(ولادت : ۱۹۴۱ء - وفات : ۱۹۹۴ء)

### حمد

ہر شایہ چُھ نَوَن زیباہِ احد  
اللہ الصمد اللہ الصمد  
پڑتھ کلیہ چُھ آسان ژھلیہ احد  
اللہ الصمد اللہ الصمد

ہمسر نہ تُمس ، ہدم نہ تُمس!  
کاٹہہ شر نہ تُمس کاٹہہ غم نہ تُمس  
یکر زُون مے چھم ہمایہ احد  
اللہ الصمد اللہ الصمد

نہ سہ زاو نہ تکر ہے زاوے کاٹہہ  
نے تس ہیؤ اسہ ونہ آوے کاٹہہ  
سہ چُھ ہر رنگہ پننے تراہ احد  
اللہ الصمد اللہ الصمد

سہ اے مؤد نہ مرچھے تے درے  
تس بے پروا لیس بہم نہ بے!

توڑ زتِ منز ماراں گراہِ احد  
 اللہ الصمد اللہ الصمد

ہر شاہ شاکرِ تس لم یزلس!  
 وچھ داتھ ہانگڑ چھسِ فضلِ  
 کوچھ گوہر چھسِ کمہ آہِ احد  
 اللہ الصمد اللہ الصمد



## شیر علی مشغول

(ولادت : ۱۹۴۱ء)

حمد

جنگل چائی، چائی صحرا  
 جو یہ یہ چانے، چائی دُریا  
 از تہ چھ چوئے چوئے فردا  
 سُبحان اللہ سُبحان اللہ

گل گلنارس بخشہ سُرخ  
 جعفری پوش از لے زردی  
 تے پھولہ رو تھن زرگس شہلا  
 سُبحان اللہ سُبحان اللہ

نبہ منزِ تے والاں پانژادر  
 میو منز چھکھ توخس کھالاں تر  
 رزقو اثر تھاواں مہیا  
 سُبحان اللہ سُبحان اللہ

سورمنک ہیو رنگ شاملو سانس  
 زنبہ گاشک رو پھ چھکرتھ رانس

جاری صُبَّائے نَوْرِ کَر دُریا  
سُبْحانَ اللہ سُبْحانَ اللہ

قُدْرَتِ وُجْهِ وُجْهِ نَظَرِے لُوسان  
طَبَقِو طَبَقِو تَہاؤں تَہکھِ اسمان  
تَہزِرس تَہو تَہن عَرشِ مَعْلٰی  
سُبْحانَ اللہ سُبْحانَ اللہ

شَپِشِ بَیخِشِہ سَہِیہ صَفائی  
پَرِہ چِرس مَنز چَانِی خَدائی  
کَنہ مَنز کُودِ تَہن لَعَلِ مُصَقِّی  
سُبْحانَ اللہ سُبْحانَ اللہ

واوِ ثَے تَہو تَہن سَاری جَاری  
مُخَلِّقِ یُحِہ زَن شَہِ ہِمَن سَاری  
ما کُورِ تَہن مَحْرُومِ ثَے کَا نِزْہا  
سُبْحانَ اللہ سُبْحانَ اللہ

ہَمَسرِ ما چَہیِ ثَے چُھکھِ وَا حِد  
نَظَرِ نِ تَلِ چَہیِ غَایِبِ شَاہِد  
ثَہالِہِ ثَے ما چَہیِ کَا نِہِ اَکھِ چِزِا  
سُبْحانَ اللہ سُبْحانَ اللہ

غمزدِ ساری تیرے اُتھ داراں  
 فہلس کرمس چائیس پزاراں  
 تیرے چھکھ مالک تیرے چھکھ مولیٰ  
 سبحان اللہ سبحان اللہ



## شیر علی مشغول

### مُناجات

گدا چُھے برس تل دوان چُھے صدا  
کرس مہربانی پنز اے خدا

تھوئس اتھ تہ پزارن یُکال گوس  
کراں آہ و زاری عجب حال گوس

سبٹھاہ کال وئس دوان ناد ناد  
خوشی کُرتھ چُھکھ کراں چُھکھ نہ داو

عزت چھی کنان ژیے ژہے چُھکھ عزیز  
چُھ بیچھ ہوت تہ سوئس عدائے لذیز

بہ عریان گوئٹ ژ ستار چُھکھ  
پتھر ہیمن ہند طرفدار چُھکھ

عرش چون ، چوئے چُھ لوح و قلم  
چُھ دامنہ دأرتھ و برتس ہلم



اچھن گاش سورياس گوو ناتوان  
پھٹس کوٹھ گئے ، گن پکتھ چھنہ ہبکان

اتھن رعشہ کورنس تہ لاچار گوو  
غمو پیہ ہمو عتر بیمار گوو



## فدرا جوروئی (ولادت : ۱۹۴۱ء)

### حمد

چُھکھ تہِ ٲڑے اوسکھ تہِ ٲڑے آسکھ تہِ ٲڑے اے کبریا  
 ٲسینہ ون چائی دیوان دمہ دمہ چھ یم ارض وسما  
 آب نومراوتھ پکان کلہ ، کایناتس سگ دیوان  
 تریش ہومراوتھ جہانس چھے سدا وردا پران  
 واد و زنادان پکو پکو عالمس چوئے بحر  
 ذکر چوئے گاہ ٹھٹھان گل عالمس شام و سحر  
 آبشارن زیر لب چائی سدا صفت و ثنا  
 پرزلہ ون تھ کایناتس رنگ چھے چوئے سدا  
 بال تھوڈ وٹھ وٹھ پران ہردم چھ ذکر لا اِلا  
 شولہ ون نب ، زون بینہ افتاب در حمد و ثنا  
 پوشہ وٹھرن ، رنگہ ٹوربن مثر چھ رچھ رچھ نور چون  
 جلوہ صد رنگ زو داژن چھنا بھر پور چون  
 اول و آخر تہ عرش و فرش چائی اے خدا  
 ٲڑے تہ بینہ ٲڑے، ٲڑے تہ ٲڑے چھکھ عالمین کبریا  
 چاڈے حمدس تہ تقدیس چھے لُجھو کاینات  
 ذات چائی حق تہ پڑ عالم چھ بینہ گل بے ثباتھ

سَہ سندر مہل بُو تن ، جنکُن بُو تن قلم  
 توتہ چھنہ ممکن خدایا ، بنہ ثنا چائی رقم  
 لا مکان بیہ مکان گاش چوئے اے خدا  
 چائی سَہ اُسَہ چھ پکے وئی کاینا تھا بے پناہ  
 لفظ و معنی ہن پناہ کتہ، باوہن تم چائی شان  
 کاینا تھا چائی ژے چھکھ کاینا تس مہربان  
 چائی چھنہ حمد و ثنا ممکن خدائے ذوالجلال  
 ذات چائی واحد و بے مثل صفت و بے مثال



## فداراجوری

## مُنجات

مِتہ کر تہ قَادِ کَرہنبن شبن مَنزِ خدایہ مے  
 رژھ رژھ پوان چھ کِنازِ خیالن ہا یہ مے  
 شبن گروہن چھ شاپھ تہ نظرن ولان چھ دیور  
 دتہ کانہہ ہوا نوا تیتھ ، دِس دُنجہ تھایہ مے  
 چھنہ مومن تہ کانژھا ہسر سونتہ ہرد کُے  
 بس پوشہ دُن ژ تھاد عطا اے خدایہ مے  
 شٹھ نیتن تہ قَادِ خیالن مہ آپراو  
 گاہ پنہ جلو کُے دِم دتن گاش ہا یہ مے  
 رچھ تن یہ ہرد واو بے پڑھ ڈاکھ گوو گرتھ  
 لوک دِس دِ نور ، نظر پوشرایہ مے  
 ژے چھکھ ریم ژے چھکھ خیر وعلیم ژے  
 کرم تیتھے کرم ز دِس گاشرایہ مے



## غلام محمد غمگین

(ولادت: ۱۹۴۳ء)

### حمد

الحمد للہ ربّ الاعلیٰ چھنے چائی ذات  
 تخلیق چائی جن تہ بشر ارض و سماوات  
 بڑے اول و اُخر تہ بڑے چھکھ ظاہر و باطن  
 ہادی تہ بڑے چھکھ نور بڑے چھکھ رافع الدرجات  
 کن چھکھ بڑے منزہ تہ محمدؐ چھ نبی چون  
 معبود برحق سون بڑے چھکھ بے شک و شبہات  
 بڑے لازماں بڑے لامکاں ہر شایہ بستہ چھکھ  
 پلزاں چھ زمان و مکانس چائی عنایات  
 رُحس تہ بدنس میل چھ باہم حکمہ چانے ستر  
 زو دتھ دتم توفیق سہ بنہ میون مناجات  
 چوئے چھ گلن رنگ بو چوئے چھ تارکہ نب  
 چوئے چھ پھولہ و ن صُبح تے چائی چھے ڈلہ و ن رات  
 چوئے چھ ہوا آب تہ صحرا تہ سمندر  
 آکاش تہ پاتال خلا چائی چھ طرفاتھ  
 جنگل تہ بیابان چائی چائی چھے بُستی

انسان جمادات نباتات یہ ذرکیاتھ  
 مُشَفِّق تہ بخشہار مہربان خداوند  
 بڑے قادرِ مُطلق تہ بڑے چھکھ قاضی الحاجات  
 اکھ بندے نا چیز چھ غمگین گونہگار  
 کیا زلہ گرتھ حمدو ثنا کیا تہند اوقات



## غلام محمد عمگین

### مُناجات

بہ چھس عاجز تہ بے دسگاہ تہ چھکھ مختار یا اللہ  
 تہ خالق کل جہانن ہند تہ پالنہار یا اللہ  
 تہ چھکھ اول تہ تہ اُخر تہ چھکھ ظاہر تہ تہ بطن  
 چھ چوئے حکم جاری شش جہت یکبار یا اللہ  
 تنگان آبس اندر زائز تہ چھ فرعون ستر لشکر  
 خلیس چھکھ کران نارس تہ گلزار یا اللہ  
 نمان چھی ژن تہ تہ یاری منگان ساری دوس راتس  
 ہدایت کرتہ کرؤن چھکھ تہ چانس منگہ نس خالی  
 بکم آسیا برم از لطف چھس نادار یا اللہ  
 قسم چھے پنہ ذاتک تراویم پنہ زانہہ تہ پردن پٹھ  
 ژن زوس حاجت روا کانہہ چھ نہ درپندار یا اللہ  
 بہ گلو گندتھ منگان چھس کرتہ میانن مشکلن آسان  
 ودان چانس برس تل چھس بہ وومیدوار یا اللہ  
 بہ کورنس نفس امارن پریشان گہر زالس منز  
 تہ آزادی دتم وونی کاستم آزار یا اللہ  
 خطا زد چھس تہ کرتہ درگزر چھس درپناہ آمت

وُسَیْلِهِمْ جُحْمُ شَفِیْعِ الْمَذْنِبِیْنَ جُحْسُ اُمَّتِیْ تَحْسُدُ  
 نَخْسْتُمْ جَرْمَ وِ عَصِیَانِ جُحْکُھِ ۛ نَخْسْتَهَارِ یَا اللّٰہُ  
 کَرَمِ کَرْتَمِ بِہِ پَاسِ آلِ وِ اصْحَابِ نَبِیِّ اَکْرَمِ  
 بِہِ فِیضَانِ خَدَاوَنْدِیْ کَرَمِ سَرِشَارِ یَا اللّٰہُ  
 مَے دَر دُنْیَا وِ عَقْلِ رُتِ کَرَمِ، تَہَاؤْمِ ۛ نِیْکِنِ سَیْرِ  
 بِہِ مَحْشَرِ ہَاوِ عَمَلِکِنِ پُتْنِ دِیْدَارِ یَا اللّٰہُ





## الیس راضی

(ولادت : ۱۹۴۳ء)

## حمْد

سانہ ربّا! تُو چُھکھ سہ شاہنشاہ  
 یس بلندی شُبّان ، یُس بالا  
 چُھے تے عالی مقام اُس ادا  
 چُھکھ تُو اِلہ تَکِیازِ تے اللہ  
 چانہ ستین زواں چھ اُس حالا  
 پوشہ وُن چُھکھ ہمیشہ تے یکتا  
 چاڑی مُنکر دوہے گرہن گمراہ  
 چُھکھ تہ پنہن موکل تھوڑتھ آگاہ  
 کیا وُن گھر تہ کیا وُچھن اِما  
 سلطنت چاڑی کیا چُھے واہ! واہ! واہ!  
 چاڑی قدرت وسیع تُو بادشاہ  
 نوو زمینا بناوڑتن کاٹھا  
 عرشہ والیا! تے کیا نہ چُھے تائیا  
 اُسہ تہ اے تھوڑتھ رزھا وونی کیا  
 پیہ تہ دمہ ہوئے تے سچہ اے مولا  
 پیہ ہدایت دے پیہ دے اے مولا

بروٹھ دُنیا تھوڑو تھ تہ پتھ عقبا  
 تھاو پیتہ کیا وُتتہ تہ پاپرجا  
 دِگِیری تہ کرتہ یا اللہ  
 یاد پاواں چھہم لَہُ الاسماء  
 منتظر چھی وُچھان وُچھان یکھنا  
 راضیس کُن تہ اکھ نظر دِکھنا



## ایس راضی

### مُناجات

گولاب پزیرِ دُن تیار کرتم      لگے بہ قدمنِ نثار کرتم  
مے نابکارسِ دِومید چائی      بکار اتم ، بکار کرتم  
چھ میونِ رُم رُم تہ خوفتہ گوشت      ہزار تہ کیاہ چھم ہشار کرتم  
ژوپارکِ نمرود چھمِ خلیس      ژوپارکِ گلزارِ نار کرتم  
تکلیازِ قطرسِ سُدُر چھ حاجت      زہے تہ ادِ متہ نکار کرتم  
بُجر تہ یتھ زَن نہ زاہ تہ پوشم      نصیبِ تھری ہوی امار کرتم  
طماعِ جگرن بہ کریشہ نوؤس      قرہبِ یتھ بخ بیدار کرتم  
گوناہ تہ سپدنِ غریقِ رحمت      حقیر بندے شمار کرتم  
جلالہِ یتھنِ جمالہِ یتھن      عطا گلاسِ وبقار کرتم  
مے راضیسِ وچھتہ حال کیا چھم      مسافرسِ شہہ سوار کرتم



۱۔ اصل لفظ چھ طع جگر

## اعجاز غلام محمد لالو

(ولادت : ۱۹۴۴ء)

حمد

چاہے ناوے چھس کران بو ابتدا  
یا الٰہی تیرے شعی حمدو ثنا  
انتھ رسی احسان چھم اے کردگار  
نعمتون چاہنیں گرتھ ہیوک کمر شمار  
آدمس صورتھ بناوتھ جان کیا  
اشرف مخلوق رت انسان کیا  
کائیناتک چھکھ تڑ واحد کارساز  
بند اکر چائی تڑ سؤٹے چارساز  
ذکر رسی چھنہ کاٹھہ تہ مخلوقات چائی  
بے نیازا پوشہ ورنی بس ذات چائی  
جن تہ انسان پاد کرنگ مدعا  
بس کرن چائی عبادت یا اللہ  
وتھ تمو لب کور یمو چوٹے تلاش  
یم سپدی گمراہ تمو زانہہ لوب نہ گاش  
چاہے وتہ یم پکو سپدی گائری منار  
زابد و عابد شہید و دہندار

حمد پُرک پُرک دل مے چھم روشن گڑھان  
 جھکھ رُتے بخشان چھسے رُت رُت منگان  
 صاحباً چانی چھ ستھ و تھ ہا و تم  
 پیش پیغمبر مے متہ مند چھا و تم  
 مغفرت کرتم و تم راہ نجات  
 خوف دوزخ چھم مے ژ و مران دوہ تہ رات  
 والدین کیٹ منگان چھس مغفرت  
 میاؤ عرضی پیش چھے کر دستخط



## اعجاز غلام محمد لالو

### مُناجات

مے اوسکھ ٲرے مے چھکھ ٲرے بس خدایا  
ٲرے رُسے دادر باوے کس خدایا

بہ منز صحرا ٲٲومت چھس نوتوانا  
نجر آمت مے چھم چھس نیم جانا  
مے لوگمت دب تہ ٲھٹھوس خدایا  
ٲرے رُسے دادر باوے کس خدایا

بہ ترووس ساروے دکہ زد گوتم چھس  
مے تھر تھر چھم تہ سر راہ زن موتم چھس  
مے کس چھم حال باوے یس خدایا  
ٲرے رُسے دادر باوے کس خدایا

گناہ کر دتو مے چھم تمہ کئے سزا چھم  
حق الناسک بُرتھ جسمس غذا چھم  
منگان معاصی دوہس راتس خدایا  
ٲرے رُسے دادر باوے کس خدایا

پگاہِ ییلہ نامہ اعمال وچھہم  
 گناہِ غالب تہ نیکی خال وچھہم  
 جہنم پوز، مے رچھہم نس خدایا  
 ژے رستے دادر باوے کس خدایا

یہ چھس پرزھوون تہ اُلس ناش سپدم  
 مے سر بازار سپرس فاش سپدم  
 کرم گلزار وارس خدایا  
 ژے رستے دادر باوے کس خدایا

یہ چھس اعجاز آمت بردر تو  
 سیاہ چھم روے چھوت گوشت مے چھم مو  
 یہ چھس بیکس تہ رٹھم دس خدایا  
 ژے رستے دادر باوے کس خدایا



## عبدالغنی ہوشن پوری

(ولادت : ۱۹۴۴ء - وفات : ۲۰۱۲ء)

### حمد

خداوندا ۾ خالق کائناتس  
 حکم چوئے چلان ذرّس ذراتس  
 حمد ساری شُوبان چھی کردگارا  
 بحر چوئے چھ ویندھناؤن محالا  
 چھ قدرت چائی سامن عالمین  
 وِلّھ رحمت چھ اسمان زمین  
 شُوبان تعریف چھ ربّ الجلیل  
 عجائب کائنات چائی دلّیل  
 چھ رُویتھ بے ستون معلق یہ آسمان  
 چھنا تارکھ تہ افتاب ، زون تابان  
 بناوتھ بحر و بر پیئہ بال کوہسار  
 چھ ماران شولہ دُریا ، چشمہ آبشار  
 گزھان گاہے چھ گراہیہ گاہ پھوان شپین  
 پھوان چھ رُو د سپدان تر چھ زمین





## عبدالغنی ہوشن پوری

### مناجات

یا الہی چون دربارِ آس سائیل چھس گدا  
 ہاؤتم مے اچھی وتھ چھم دس بس تی مدا  
 چھکھ تڑ مولا میون برحق پیہ تڑ خالق عالمس  
 زیر فرمان سارو عالم سارے ہند بادشاہ  
 کر عطا لطف و کرم تاثیر کلامس میاڈ ہے  
 سوزتے ساز جان مچھر جذب یے اہل صفا  
 دم کمالا دؤر یمہ ستی کر یہ نفرت عالمس  
 سارے منز وار حسدک نار یو شہلاؤ ہا  
 مے محبت لول شفقت، باگرن چھم آدمس  
 دین سبق پڑک مے ہر کس چھم بن پوزر ہما  
 چھم مدا علم و ہنر عقل و عمل ہچھناؤتم!  
 منز جہانس تار کن منز آفتابا شوبہ ہا  
 چھے دوان عبدالغنی آلو تڑ مولا بوزتم  
 چاڈ رحمت عام جاڑی دُعا میون تھاو مستجا



## نور الدين هوش

(ولادت : ۱۹۴۴ء)

### حمد

پران پران چھ دل پھولان يہ لا اِلٰہَ اِلَّا اللہ  
 ستم تہ غم سُرِي نہاں يہ لا اِلٰہَ اِلَّا اللہ  
 چھ نور سُرِي تہ پززلہ وُن عظيم رَوگس اندر  
 سياه دِلن چھ گاشراں يہ لا اِلٰہَ اِلَّا اللہ  
 يمين نہ کائہہ و وِجود يا يمين نہ کائہہ تہ پزرنہ  
 تمنن چھ مہربان گوشان يہ لا اِلٰہَ اِلَّا اللہ  
 گلبن کئبن کنبن پلن کوہن وُنن تہ سرحدن  
 چھ کوترن دوان زبان يہ لا اِلٰہَ اِلَّا اللہ  
 يوان چھ دولسنس زمين لُکي تہ گل ہر د سُر تہ  
 چھ بحر و بر توے پران يہ لا اِلٰہَ اِلَّا اللہ  
 چھ تار کن تہ شبنمس وِر د پيے متاعِ دل  
 ہوا تہ بر زبان انان يہ لا اِلٰہَ اِلَّا اللہ  
 غضب تہ غيظ آيتن اندر قرآنہ کين تہ چھي  
 رفاقتک صدا دوان يہ لا اِلٰہَ اِلَّا اللہ



## نورالدین ہوش

## مُناجات

اے خدائے لم پزل بوزم صدا اُفتاد چھس  
نامہ یے اعمال چھم سرہم سیاہ اُفتاد چھس  
کس گناہ ترووم تہ کتھ حرص و حرامس لٹھ دِژم  
حق تہ ناحق ما وچھم گوسے تباہ اُفتاد چھس  
آیہ فرقا نکو پُرم معنے تہ وچھمکھ ژاُر ژاُر  
کور نہ زائہم بدخواہ مزاجن اتباع اُفتاد چھس  
ہر دسور موسم بہارک سور تہ وچھ موت و حیات  
یو پ نہ زائہم میانس مرس راز فنا اُفتاد چھس  
گہہ پھڑ اُنیہ میزائک تہ دل بے کس لکن  
دیٹ مے پانس ہر قدم پانے دعا اُفتاد چھس  
بوزنس وچھنس دِن تحقیق ما کور زائہم سُنٹھ  
لوگ سائر تھ موت تہ پیہ زن ناپنا اُفتاد چھس  
چشمہ تر سپزم نہ زائہم آوارگی اُسم دس  
کاٹہم رکوع کاٹہم سجد اوسا بے ریا اُفتاد چھس  
آسمان پیہ تالہ پٹھ بڑا تھ عنگلادیم اگر  
بوزہم نے رحمتک رب التجا اُفتاد چھس

کاش کانہہ نیکی ثوابا در نظر یہ ہم پنڈ  
 چھم گو مت شری پیٹھی مے سہلایا سبٹھا اُفتاد چھس  
 چھس بہ حالن بے کسن اندر سرس پیو مت بدون  
 روسیاء چھس ناتواں بے آسرا اُفتاد چھس  
 چھکھ ز بخش ہارے مولیٰ وں کر آخری قبول  
 میون معافی نامہ پاس مصطفیٰ اُفتاد چھس  
 شاہ پرل پنہ عن تم ٹکھ قوت پرواز گوم  
 ہوش استھ کور مے پانس یٹھ دعا اُفتاد چھس



## تنہا نظامی

(ولادت : ۱۹۳۵ء)

یہ خشک ساجل  
 ہو تر سمندر  
 دچھن تہ کھوور  
 کھسُن تہ وسہ وُن  
 احاطہ کروُن چھ دستِ قدرت

زمین ز مانس  
 فضہ تہ تھرس اندریہ کینڑھا،  
 چھے ملکیتھ تس

چھ ٹھول، مول بل  
 تسنز عنائڈ سراں بقائی  
 چھتس تہ مشر کس  
 تسنز چھے رحمت  
 تکھن تہ جانن پٹھ مہربان  
 چھ بس سہ رحمان

ثنا تُمس، یُس چھ رپ اعلیٰ  
 زتنہ کیمچے تہ فیلِ مستن  
 زمینہ سیکہ پھلو  
 بآ کھر تارکھ  
 چھ گاسہ تبخن تہ بونہ و تھرن  
 رواں زبائن یسندک مناجات  
 ثنا تُمس گن  
 حمد ہزاراں ہزار اُس  
 یس  
 چھ ناو لچھ بُدک  
 مگر چھ کیول



## تنہا نظامی

پاک تہ پوشن والہِ خدایا

اندِ وند

اِر وِر

میانہ گمانہ چھ گڑھنہ تہ گڑھی تھے

چوئے آسن

اور زوین ہند شپنہ صحراو سہ

پترو پوشوگس زن جرہم

منگہ نے کرنے پیڑ عنایڈ

پینہ گس کرہم

کندرنجہ وٹھیم میاؤ

یمن پٹھ

پھلورنہ زٹھے شکرانہ گولاب

کلہ تھوڈ تلہ ہا

مندچہ تھس تھ پنے نس کر کیا

منہ اوسم دون چشمن تھاوتھ

پوز بے شرم نظر چھنہ سمہ نے

پو پو چشمو

رو پو ناو

وونڈ وژھ در دھن میانی بوز

بار خدا یا رُد دِ درایا

تلہ دُک تلہ پُدر

پٹھ دُ ز تال

سید بٹھ چھمنہ سمانی وچھنس

رب غفور اپر ژھین گوسے

واو دلس منز ناو بھم

منگہ ہے تار دُ بخشن ہار خدا یا

ہُسی ہو سہ دروسہ لُج کعبہ و تن پٹھ

علمہ تلکونہ چھ نلمس ہاے

مطلب صابن فرمایو

”تس گر چھ پٹن خود را چھ کز لس“

ما لکل ملکا

بہ تر زن ونہ ہا

نا فرمان چھس بے تسکین

پرژھ آگر



پیڑ دامن بر تم  
کتنے چھو کھاہ پیہ سوز کھنا

ہے دیہ  
میان بن اُریز وین ہند آسیر  
پیہ چھم در دل اکھا رماں  
فاطمہ صائبہ پاسہ تہ بوڑم  
زنمک در دل کھڑ دو کڈم  
یار یواں چھم واری اسم  
ماذا علی من ثم تربہ احمد



## تنہا نظامی

حمد

ابتدا سے تہ انتہا تم کو سُند  
 سے چھ اُسے ابد تہ لا تم کو سُند  
 زون تارکھ چھ کسب نور کران  
 گہہ چھ سرریس پیؤمت رڑھا تم کو سُند  
 ذر ذراتش مشن پشن او راد  
 ہر زماں بر زباں ثنا تم کو سُند  
 ون تہ سوڑے جہاں نیستاں رگو  
 ذکر ہو ہو علی صبا تم کو سُند  
 یس وں سے آچھ ہتھ تیسز کامن  
 یس وں سے طالب رضا تم کو سُند  
 گل چھ صد سپنہ چاکھ یوڑتھ لے  
 حرف شیرہں چھ راش آس تیسز  
 نور ظلماتہ دستگاہ تم کو سُند  
 بے غرض، بے مثل تیسز یاری  
 بے منت بے بہا عطا تم کو سُند

## اقبال نازگی

(ولادت: ۱۹۴۶ء)

## مُناجات

خدایہ ہاؤم مے دُور روزن  
 تہ پنہ پانگ یہ بار ویترن  
 مے گوژھ نہ وونی کائہہ تہ ستر آسن  
 پن ووندے گوژھ سہار باسن  
 بہ نیپر اڑہا ، تہ اندر نہا  
 ووندے ووندس گوژھ ووں ڈالہ مارن  
 پہن وونی لوت پٹھر تہ سوچ جھن  
 مشن مے سورے ، خدایہ بوڑم  
 مے گوژھ نہ راتگ خیال روزن  
 دوہن مے گوژھ وونی حساب راؤن  
 خدایہ کرتم عنایتاہ وونی!  
 تہ زونہ ڈبہ ہند بہ سأل کرہا  
 مے گوژھ نہ وونی کائہہ ستر آسن  
 کرنی عیادت وونی پانی پانس  
 کرنی عبادت تہ پانی پانس  
 نہ لولہ نغے نہ سوزو سازے  
 بہ روزہا بس ووں ستر پانس



## نظام الدین سحر

(ولادت : ۱۹۳۶ء)

حمد

حمد چھ چائی میائی زو، ثناء چھ چائی میائی ذات  
چانہ عنایتچ زڑا، میائی سارے یہ کائنات،

اشارہ چون تاپہ دود، نظارہ میون آفتاب  
چانہ تیجی دلہل، میائی نظر چھ زوئے رات

بنیل، طوفان تہ یپ، ہوکے بے پے مرگ تہ انقلاب  
چھ چانہ حکمتکو نشان، تہ میائی کئی چھ حادثات

زرتو شیچ، مغل دوہک یہ ہوس ونک لوکٹ یہ ریدر  
یہ کول ہن ناگ کوہ تہ ون، ژھٹاں نشانہ ذر ذرات

وہاڑ ژھانٹھ وایہ ون، ژوپاے یڈ کھکھر دُون  
پھراں سُرّی چھ روزشب، ژچھکھ تہ رب کائنات

یواں گڑھاں شیا شیا، زواں مراں زوا زوا  
بقا بقا تہ چائی ذات، چھرا چھرا فقط حیات

پیارے پُارے ہپارے پُارے ، چھ کیا فقط ڈوپارے پُارے  
پینین ہُتین ، کتین کتین ، جلال چون شش جہات

ژے ہیو نہ کاٹہ نہ کاٹہ ہیو ، نہ زاہ کاٹہ نہ زائے کاٹہ  
پڑے پُڑے لا شریک چھکھ گواہ گواہ وکھتر صفات

ژدک یمس نیس نہ کاٹہ ، پُڑکھ یمس دیس نہ کاٹہ  
لیکھتہ گزھکھ پھر بس نہ کاٹہ ، بدست سُرے ژے معاملات

ڈٹھ نے اُتھ زوس ڈٹھ ، پے کیشہ ڈٹھ تہ رت ڈٹھ  
تجم نہ بندگی کرنی نہ تج سرنی نے چاڑی ذات

کتاب چھس پھراں پنڑ ، رمن رمن ووتھاں چھ تھر  
گناہ گناہ چھ سر بسر گو مت چھ ضایہ ساعت ساعت

گوؤے نہ کاٹہ تہ حق ادا گیم یہ زندگی تباہ  
مے براٹھ توتہ چھم رہا ، عفو کرکھ بنم نجات

ژے چھ خبر نہ کیا ونے ، گڑھم نے کیا تہ کیا مگے  
سحر پھولن تہ گاش ہتھ بین وں میاڑی زہٹھ رات



## نظام الدین سحر

### مُناجات

اکھ دم مے دلگ سوکھ ربّا پیہ فکرو نظر دم  
پیہ کر تہ عنایت ز دُعاہس تہ اثر دم

یتھ منزہ بے تھ آسہ ژئے زوس کاٹھہ سہ ولاگوڑھ  
یُس نیگزہ ژئے زوس کاٹھہ خدایا سہ سر دم

دم عشق نبیؐ، شوقِ تلاوت تہ عبادت  
احساسِ گناہ، خوفِ خدا، دیدہ تر دم

اکھ حلم و حیا، علم تہ عرفان عطا کر  
پیہ فقر و غنا، شوقِ نظر ذوقِ ہنر دم

دم دستِ سفا، خوے وفا، بوے شرافت  
پیہ دم مے قناعت تہ رضا زورِ صبر دم

دم ضبطِ نفس، حُسنِ عمل، خوے اطاعت  
خوشبوے ندامت مے سدا پاک نظر دم

بیباک دل، حق گوے زو، رُت جان تحیل

گفتار مؤدّر میوٹھ تہ رفتار زبر دم

اخلاصِ عمل، قوتِ ایمان عطا کر  
حاصلِ مے گڑھسم چون رضا تیوت رزّ دم

بأسِ مے پُن پان دوہے نیگ تہ ہقیرے  
ساری کراں اَسِ مے قدر تیوت تھور دم

پنہ کاتھہ بہ دُش راون تہ کھسم گردِ ملامت  
از کپنہ و حسد، بغض و عداوت مے مفر دم

پنہ کبر و غرورچ مے وُل نال و لم زانہہ  
یُمہ مَتر لکن دل پھولن یارب سہ سہز دم

پنہ پھر مے ہوس مال و زرک، جاہ و جلاک  
سرمایہ امارک بہ منگے دردِ جگر دم

صافی مے اچھن کر عطا دم ذوقِ ملاقات  
بے تابی دل دم تہ جنون دم تہ مثر دم

یُمہ وِز مے بکاوکھ تہ ژھوڑے آسہ بکم مینون  
رچّ نظر گریزیم، ینگ سامان سفر دم

پڑھ گا کرنی چھے مگر کُری زم نہ تمَن تھی  
پناہ! از آزر دُگے ، خیر بشر دِم

دولمت چھ آنگن میون سیاہ رَاژ ژوولپاری  
دَارتھ بہ بلم آس دِم نور سحر دِم





عبدالاحد فرہاد

(ولادت : ۱۹۴۶ء)

## مُناجات

یا اِہی رَحْم و کَرِمْ اَکھ نظر  
ہوشِ یہ ہے حالِ ڈولمت پر ہتھ بشر

آؤں تے واؤں سپن فنا  
بے نیازا کاس تقدیر کو ہجر

نفرتن لگے ٹکھ پھولن لو لگو گلاب  
آؤس انسائی تہچی زان کر

چاہے دربارے مُدا ہتھ سجد ریز  
یاوری نے ژے کرکھ تیلہ پیہ پتھر

مائلک گل خالق ہردو جہاں  
شورِ شہرن شبنمک تاثیر کر

پیہ چھ سے فرہاد ہتھ شرمندگی  
پاپھ ژری گاؤتری خُدا یا معاف کر



## نعیم کشمیری

(ولادت : ۱۹۴۶ء)

### مُناجات

از عفو کر تم گوناہن اے کریم  
دستگیریِ دونِ جہانن اے کریم

بوز تم فریاد بے کس چھس گو مُت  
بے مروت سائلاہ سر راہ پیو مُت  
کھول بر غائبیِ خزانن اے کریم

چھس پشمان ضایہ کُرمِ زندگی  
کُرنہ شوقے چاڑیِ زائہہ مے بندگی  
رؤز غفلت صُبح و شامن اے کریم

تنگ دُستی نال و دُلمت چھم تروپاؤر  
بے کسی منز گیر گو مُت پیپاؤر  
شہر از خالی مے بانن اے کریم

کیا گوی کم یو دے ذلت کاسہ ہم  
غیب کہن گنجن قفل از کھولہ ہم  
یا قوتن مہرجانن اے کریم

دل پہ سیاہ کر مَورِ زنِ قمر  
علمِ کین گنجن تہِ لَیْلَہ کھول بر  
پُر اُوک تو منز مہربانِ اے کریم

کرتہ دادن اُندر مین اُندری دوا  
چھم مرض بکراو پانے دِکھ شفاہ  
دادر دگ ژلراو تانن اے کریم

دِم علم عزت تہ شوہر تھ پور پور  
عقل و فہم گاش چشمنِ دلِ صبور  
ستی میانین لالہ خانن اے کریم

شرمہ پورن دُشمن ہندے مے زائہہ  
دُشمنی تراون کرکھ ہداس تھاہ  
یود اصل فراکھ زانن اے کریم

دوست دُشمن میانی از رنژناوتکھ  
معرفنگ تم سہ داماہ چاوتکھ  
یود بغض تے کپنہ تراون اے کریم

سانی اولاد بند تہ باندھو شاد تھاو  
علم و ہنر چ تھز و تھاہ ییمہ نے ژ ہاو

سارے مجنون خان اے کریم

آسہ گرا ہی ٹمس تس کر سو دور  
دون جہان ہند علم دس پور پور  
منز شمارن مہربان اے کریم

عرض کورنے حض نعیم بوز تس  
مہربانی پٹھ ہمیشے روز تس  
کم گڑھیا چابن خزان اے کریم



## رنجور تلگامی

(ولادت : ۱۹۴۷ء)

## مناجات

گوئہہ گاڑی اندر راؤم جوئی  
 بُجر در پیش چھم ، چھم ناتوانی  
 گیم بُرباد سارے زندگانی  
 ژے چھے معلوم سرتاپا کہانی  
 مے بخشن والہ گوئہن مغفرت کر  
 ژ چھکھ پروردگارا بندہ پرور

سُری حمدو ثنا ژیے گن مُسلم  
 کران ژیے گن سری سردار سرخم  
 ژیے گن محتاج بیشک جملہ عالم  
 سری ملکوت سرہم جن تہ آدم  
 ژ پالن ہار چھکھ سرہے برابر  
 ژ چھکھ پروردگارا بندہ پرور

کران ناؤدہے چھکھ یؤد یارب  
 ژ چھکھ پرہتہ شہ اندر موجود یارب

ژے زوے چھنے کاٹھہ اکھاہ معبود یارب  
 دِن مطلوب ژے مقصود یارب  
 دِم عرفان و تھو تھاؤم دِلکو بر  
 ژ چھکھ پروردگارا بند پرور

زمانا چھکھ نہ چھے کاٹھہ گوڈ نہ چھے اند  
 صفا تک جلو ذات چھ پیوند  
 نہ کائے زاہد نے کاٹھہ چھے ژے فرزند  
 ژ سرے عالمن ہند چھکھ خداوند  
 جمالک تے جلالک نوں چھ دفتر  
 ژ چھکھ پروردگارا بند پرور

بہ متری گوس دُنہس یتھ ہاو ہاوس  
 اَنم بابل دِلکو ارمان تہ ہاوس  
 موٹھم غقی تہ لوگم پان داوس  
 دوس کیا ٹھر تھاؤ محشر کس الاوس  
 اچھن چھم زؤن لچمژ دامنے تر  
 ژ چھکھ پروردگارا بند پرور



## حمیدہ اختر

(ولادت : ۱۹۴۷ء)

## مُناجات

خداوندائے بوزمِ حالِ اِشب  
 غمِ کرمِ بہ چھس پامالِ اِشب

گلن میانن بہار پُر فضا گُوڑھ  
 غمک ہردن کورم بدحالِ اِشب

مے شبنم شہلاؤم سپہِ دودمٹ  
 مے و تمِ رحمۃ کئے شالِ اِشب

کریؤم سیراب از دُریائے رحمت  
 مے کا سو غم تہ پیہ جنجالِ اِشب

خطا کارس مے ژلہ ہم روسیائے  
 نظر تہنہزے کرم خوشحالِ اِشب

ہر لہنے ہر ژلہ از عنایت  
 گوہن پُزی پاٹھو مالا مالِ اِشب

قلم تکر تو لیکھو میانی رہائی  
چھ گنہو دولمتے نے نال امشب

ژے چھے خوش عفو مولا! عفو کرتم  
نے لائس لیکھتے رتی اعمال امشب

چھ اختر آتش ہتھ دامنہ داتھ  
نے پروڈی ناو لگہ ہے بال امشب





## غلام رسول میر درد پوری

(ولادت : ۱۹۴۷ء)

حمد

چوئے چھ تہہ تہ بالا پیہ بحر و بر خدایا  
 آسمان، زون، تارکھ چوئے ہنر خدایا  
 چوئے چھ دنیاہس خار زانان سہ وژھ ہمس دأر  
 مسخر چھ سانہ باپتہ شمس و قمر خدایا  
 دوہہ راتھ چاڈی قدرت باواں چھ عقلہ والہن  
 دوہہ پتہ چھ شام شبہ پتہ پھولہ ون سحر خدایا  
 ییلہ چھس سان بہ پانس نتہ وڈی دواں جہانس  
 کیا چھس بنو تھس کیا چوئے بحر خدایا  
 آرام سانہ باپتہ پر تھہ کینہہ تھوؤتھہ میسر  
 تھوؤتھہ ژے ماجہ سپنس شیرچ نہر خدایا  
 گنر تھہ ہبکان چھا زو احسان یم چھ چاڈی  
 باغن پھلے وچھتھہ کیا شہلان جگر خدایا  
 مالک تہ ژے زمانک خالق تہ ژے جہانک  
 پھرں چھ چون قلمس لیکھنگ اثر خدایا



غلام رسول میر در دپڑری

## مُناجات

برسِ قل پہ آسے کرم کر خدایا  
 نے چھم آتش چائی ہلم بر خدایا  
 نے کس پینہ پہ منگہ کس منکن کر چھ جائز  
 شوبان چھم نے روزن ژے بر در خدایا  
 مہ دُچھ کار میانی ژ کر چار میوئے  
 نے ہے وائسہ کر دِ مژ چھ ار سر خدایا  
 خزان کئی چھے نہ وافر دوان چھکھ  
 سبر عقلہ دِ مِستھ سمندر خدایا  
 حراما کھویمت چھم وں چھم پچھ پھیراں  
 نے حالت گہو سَخ چھے ابتر خدایا  
 نشان چھم نے رُم رُم گناہ یاد پتھ پتھ  
 سیاہ عملہ ہند سٹھ نے دفتر خدایا  
 چھ میرس یہ ہے دُر نبی گوژھ نہ مند چھن  
 گناہ نژ گوہتھ روزِ محشر خدایا



## غلام حسن عَمگین

(ولادت : ۱۹۳۸ء)

## مُناجات

غمِ زدنِ دل پھولنِ خدا یو زین  
 شاد مولا گرنِ خُدا یو زین  
 آہ ہو زاری کرو سُمیتھ ساری  
 عرضین پھیر لکینِ خُدا یو زین  
 بے کس عا جزن تہ مسکین  
 داغ چگر کر بُلنِ خدا یو زین  
 حضِ نبیؐ نیلہ تلن شفاقتس دس  
 امتس دے گوھنِ خدا یو زین  
 اسیہ چھ زائتھ گوناہ سبٹھاہ گری متری  
 مغفرتھ از بُلنِ خدا یو زین  
 العطش یو د کرو روزِ محشر  
 آبِ کوثر دینِ خُدا یو زین  
 سائی ددر متری چمن گوھنِ شاداب  
 عرشِ رحمت دسنِ خُدا یو زین  
 دُور سپدنِ مصائب و آلام

راجتکو گل پھولن خدا یوزن  
 واتناون سہ آغہ بیٹ اللہ  
 اسہ مدپنس عین خدا یوزن  
 ساعت آسن وکلین تہ ساعت حسن  
 لی منگو تی بئن خدا یوزن  
 ذاتہ سُد معشوق غمکنس  
 ستر پانس ہین خدا یوزن



## منشورِ بانہالی (ولادت : ۱۹۴۸ء)

### حمد

جہانک زَرِ زَرِ یارب کرانِ عظمت بیان چوئے  
صُحِ دمِ جانورِ باغس اندرِ نغمہ گہوان چوئے

پزلوئی زُون تے آفتاب ، تارکھ لوسوئی ساری  
فقط بس پوشہ وُن تے توشہ وُن ناوونشان چوئے

چھ چائس دستِ قدرتے اندر پرہتھ کاٹھہ زماپچائے  
زمین و آسمان چوئے ، مکان و لامکان چوئے

بدلوئی رنگ ، موسم ، عالم امکان ، ہست و بود  
زمستان ، وندتے شراؤن بہار بوستان چوئے

ازل پڑے تے ابد پڑے ، ابتدا تے انتہا پڑے چھکھ  
چھ پرہتھ لفظس اندر سمیس اندر فرماں رواں چوئے

صحیفہ نوڑکے ، انجیل تے زبور تے تورات  
سمندر علم و عرفانک چھ قرآن ترجمان چوئے

رنگا رنگ پوش، چھڑی پونیر تہ لوہتری ٹوڑی، تھمکو زار  
چھ پرہتھ ذاتس تہ اثباتس اندر جلو عیاں چوئے

قبوئے کج چھ میانس پرہتھ وطیرس تہ طریقس منز  
عفو تہ درگذر کرنگ سمندر بے کران چوئے

یہ چھس منشور ہینہ آمت زماچ لاوبالی منز  
یہ اسم پاک ہر وِ گواژھ نے آسن بر زبان چوئے



## منشور بانہالی

## مُناجات

یا الہی! چھکھ تہِ ٲڑے اوسکھ تہِ ٲڑے! آسکھ تہِ ٲڑے  
اُس چھ چائی بند! سائی دوکھ تہِ غم کاسکھ تہِ ٲڑے

بے پتاہ پاٹھ اُس چھ نا معلوم سفرس کن پکان  
چھکھ ٲڑو تہِ ہاؤکھ! تہِ ہادان وتھ ٲڑ چھکھ! ہاؤکھ تہِ ٲڑے

سانہ سارے سُرتہ یم منصوبہ چھی ٲیے تائبیا!  
ٲڑے یشھکھ خابن اگر تائبہ پر بولاؤکھ تہِ ٲڑے

کوت متوا زین چھ چانے عدل و انصافک ، نظام!  
ٲڑے دین چھکھ حاکمن تراوان رحم! تراؤکھ تہِ ٲڑے

تازگی حض بہارچ چھکھ دوان ٲڑے گلشنس!  
چھکھ حیاتکو مس ملر چاوان تہِ ٲڑے چاؤکھ تہِ ٲڑے

یوڈ یشھکھ تے آبِ قطرس دکھ ٲڑ دُریاؤک جلال  
واو ٲھٹہ منز ناو بوٹھ لاگان ٲڑ چھکھ! لاگھ تہِ ٲڑے

بے نوا پاٹھی بہ چھس نالہ دوان از درد و غم!  
میانِ بگو کلو لفظ شرفاوتھ ژے شرفاوتھ تہ ژے

یود یڑھکھ تے نیچہ وڈی ہے دکھ ژ تاج سیم و زر  
یود نہ یڑھکھے تا جور نے تاج منساوکھ تہ ژے

چھے عیاں سورے ژے کوتاہ غرض مند منشور چھس  
عرضی ین میانبن ژے گن تھووتھ دوہے تھاوکھ تہ ژے





## منشور بانہالی

## مُناجات

تھزر دِم تیتھ خیالن منز، مژر دِم تیتھ امارن منز  
الہی چرچہ میوئے اُسرتن ہردم ستارن منز

بہ چھس اڈ پھول گلا کاٹھہ پارک زانے چھم نہ چمنچے  
مے چھاؤن شوق یاؤن اُسرتن چائین بہارن منز

حیا، ملزار، شفقت، لول اَسن دین و دُنیا میون  
یوہے جشنا، وظیفہ میون اَسن جانوارن منز

پڑ بزلوئی آفتا کیو پاٹھر اَسن حُسن سیرت میون  
شہل شبنم بُتھ اوش میون اَسن لالہ زارن منز

اُن گودھ میون پرتو دُدن تاتھ سو شادابی  
گولابا ہیو پھولان منز باگ بیتھ گنر خار زارن منز

خدا منشور بخش نے آے چائین شوژ ارمان  
پڑ بزلوئی خاب چائین ولون رمزن اشارن منز



## شوکت انصاری

(ولادت : ۱۹۴۸ء)

حمد

حمد شوبہ تس پادِ تینو کور جہاں  
گلستان بیاباں زمین آسمان

یہ بُراتھ قائم تہ فرشک وجود  
عرش تہند حکمے گرتھ سایبان

ژے کینہہ نس دُٹھ آسنگ کینہہ کمال  
ژے نایود مژ یود کور تھن عیاں

ژے شوبی حمد اے خدائے جلیل  
وصف چائی پھر نس تہ کتہ انہ زباں

چھے رُو ذاتھ سارے ثنا خوان چائی  
لباں پے چھ ہر کانہہ یہ چونے چھ شان

بشر لیس ژے بخشہ حسیج آگہی  
بصارت بصیرت تہ عرفاں زباں

تُر ہر سُو علی کُلِّ شَیْءٍ قَدِیْر  
مَکِیْن چھکھ تہ اُسْتھ تہ تِرے لَامَکَان

پھراں گروہتہ شوکتِ تِرے تَبِیْع تَسْنَن  
یَسْنَن حَکْمِ اُنِی زَمَان و مَکَان



## شوکت انصاری

### مُناجات

عفو یارب کرکھنا خاص و عامن  
 ووتھ لاتقنطوا من رحمۃ اللہ  
 سیاہ اعمال چھم وونی زائد کاسم  
 بہارک جلو ہووتھ پوشہ ثورین  
 سنگستان اندر چھا کانہہ بساتھاہ  
 پرں پرواز کرک دم مے طاقت  
 پذیرایی سو آسم دونس منز  
 خدا بندن چھ بخش ہار اُہر  
 بہ طالب چانہ کرک کوت چھ وائن  
 مے وچھمکھ ڈے پوہننس وچھس منز  
 یہ شوکت ہاو کیا در روز محشر!

دُعا چھی ڈیئے منگان صُبحن تہ شامن  
 اونس بر جوش اُم چائی کلامن  
 خطا کارس عطا کر پاک دامن  
 تمن تاشوقہ چانے چاکھ جامن  
 کرکھ نار اُچھ سائین شیشہ خان  
 مے پھولہ ہن زنتہ ہر دے سونتہ بامن  
 اگر اے تزلزل کاسکھ تشنہ کامن  
 یہ کتھ ویڈھنا و مژ چائی قرآن!  
 ذوپتھ نا بر چھ و تھ میا نین خزان  
 یہ پھیو رس چانہ پڑھ شہرن تہ گامن  
 رُتھ محکم مگر کرک چھ دامن!



## سعد الدین سعدی

(ولادت : ۱۹۴۸ء)

### حمد

چُھکھ ٲُڑ موبُود پربتھ حسابس منز  
ٲُڑے سواس تہ ٲُڑے جوابس منز

کائنات چاٲُڑ آسمان زمین  
چون پرتو چُھ آفتابس منز

رنگ چُھ چوٲُڑے تہ ٲُڑے بہارِ حیات  
ٲُڑے گلستاں تہ ٲُڑے گلابس منز

چُھکھ مقدر ، ٲُڑ کن فکاں موصوف  
ٲُڑے ثوابس تہ ٲُڑے عذابس منز

بُود اُستھ ٲُڑ سر بسر ناپُود  
سود موجود ٲُڑے نقابس منز

نارِ نمرُود ٲُڑیے کوزتھ گلزار!  
غرقِ فرعون گردِ آبس منز

اکھ بچارا چھ دلہ گئے محتاج  
 بیاکھ مَس رِزق بے حسابس منز

بے ہنر سعدیس تہِ ڈے چھکھ آش  
 دنگیری کران دولابس منز



سعد الدین سعدی

## مُناجات

دیکس منز لؤبہ وُن انہار دِکھنا

اُچھن منز پوشہ وُن انوار دِکھنا

ژوپاسے وَلنہ آمژ چھم کزینہز راتھ

اٹن چشمن سحر دیدار دِکھنا

دوبک آرام نے چُھم خاب راتگ

سکُون و اَمَنہ کُے سمسار دِکھنا

کتھن میا مین اثر آبِ حیاتگ

بیانس پوشہ وُن اظہار دِکھنا

سہل بنہ ہم یہ طوفان زندگی ہُنڈ

سُہ دِل دِکھنا، دِل دلدار دِکھنا

فنائی ہُنڈر یوان چھم لبہ منظر

بقائی ہُنڈر پڑھل آثار دِکھنا

بندِ پُنجس چون پوزِ چُھم چند چھون مے  
مندِ پُنجس بازرس رکھ ہار دکھنا!

کورس لاچار تیغی بُتھر پھر زماں  
خلوص و محبت و ایثار دکھنا





## قمر حمید اللہ

(ولادت : ۱۹۴۸ء)

### حمد

منکنہ زوستے تہ سے خدا سوزان  
ثوبہ یس تس چھ تی خدا رزان

نعمون حد نہ برگون چھا ژھمن  
سے چھ رہبر تہ رہنما سوزان

ماجہ شفقت تہ مامے دود بخشہ  
شپر خوارن چھ نعمتھاہ سوزان

بیاکھ کس کر تہ ہمسری تکر ہنر  
منکرن تاں چھ بے پناہ سوزان

کانائک چھ خالق و مالک  
صورتن سے چھ سپر تھاہ سوزان

”دکن فیکون“ بس یوھن تکر سُنڈ  
بی یڑھان تی چھ بے صلاح سوزان

عالمن سے قمر چھ پالن ہار  
 خشک ترے چھ کیا نہ کیا سوزان



## قمر حمید اللہ

### مُناجات

صاحبو چُھے ٹوٹھ پانس در گُزر  
در گزر کر در گزر کر در گزر

نظر تل کیتیاہ خطا اَنہ یَن تہ مَکڑ  
بس عفو چوئے یوان چھم در نظر

تو گنہ نئے دارن ہلم ، ژھاؤن ، لُبَن  
ژیئے تہ چُھے بوؤن تگان دردِ جگر

باؤ کس بوڑتھ تہ دردِ دل کیا کرن  
چارِ گر ژے چُھکھ تہ پانے چارِ گر

دُونس میانس تہ یہ ہے نوو بہار  
یا تہ وُلر رحمت اَنکھ جوشس اندر

بارِ چھم بارے گناہ کرتَم عفو  
کارِ خم ژامت نئے کاسم لائور

از گناہ متہ تھاوتم کاٹہہ بخشے  
کاکر متہ کرتہ خجل روزِ حشر

آش چائی چھم تہ ڈے کرتہ عفو  
خاکر متہ کرتہ سوآلیا چھس قمر



## عبدالعزیز ہلال (ولادت : ۱۹۴۸ء)

### مُناجات

لاچار گوشت چھس سیی نا عار خدایا  
یتھ میانہ پروہ ناوِ وکھنا تار خدایا

اُسپر در زنجیر گوشت گیر غمن منز  
کرتم مے از ژ نارے گلزار خدایا

راؤم مے دودہ تے راؤ گر کر باؤ تراؤتھ گام  
بس ژے سوا کاٹھہ چھم نہ مدگار خدایا

روؤم نہ ژلہ نس وار گوہ گوم بار گونہن ہند  
از ژے گونہگار دتم دیدار خدایا

قرض ادا مرضس دوا حاجت روا ژے چھکھ  
کرتم شفا دادین غمن مے لار خدایا

متہ لاگتم لؤکن ہنزون ٹھونچن تہ دکن مے  
وبقار میوئے کرتہ بلند بار خدایا

کوتاہ منگے بہ رنگہ رنگے تنگ دستی چھم  
رزقس ہر بر کرتم ہر بر کرتم آھس وسجار خدایا

آئے بہ روبے چھس پرانی توبہ استغفار  
پیٹہ یور متہ کرناوتم بدکار خدایا

ہاؤم صراط المستقیم تھاؤم نے حقس پٹھ  
سیرس تہ پزرس متہ اتم پار خدایا

رژ کاٹھہ تہ عملا چھم نہ کرہو زائھہ تہ ونستام  
کرتم کرم نے چھس بہ شرمسار خدایا

اکثر ہلاکس زیر نظر چھی پنڑی اعمال  
بس رحمتس چائس چھ وومیدوار خدایا



## غلام نبی آتش

(ولادت : ۱۹۳۹ء)

حمد

لم یزل عزوجل اللہ تعالیٰ      بے مثل بے مثال گن مولا  
 لاشریکس بدست چھ ہست و بود      بود و ناولد سے چھ گن معبود  
 روزوں پوشہ وُن چھ لامحدود      سوز زر زر تہ روز سے مؤبود  
 نہہ تہ نیندر نہ دود دگ زانی      احسن الحاقین چھ لافانی  
 تس نہ حاجت پہوان مشیرن ہند      تس ضرورت نہ زانہہ وزیرن ہند  
 تس قیوس نبا چھ زیون تہ مرُن      تس نہ کھیون چیون وُن سون کپُن  
 سے چھ روژتھ زرس زراتس منز      سے چھ عدس تہ کایناتس منز  
 بے نیازا مگر چھ بخشن ہار      راز دارس صفت چھ التار  
 سے چھ ینہ وول سے چھ سوزن وول      سے چھ ینہ وول سے چھ بخشن وول  
 مرسلین انبیاء گرن معبوث      ازلہ مقبول بے ریا بے لوث  
 خاتم الانبیاء عظیم کورُن      محمد مصطفیٰ کریم کورُن  
 خلقون پٹھ کورُن کورُن احسان      کورُن نازل پیبرس قرآن  
 رب چھ روز قیامتک مالک      رحم و کرمک شفاعتک مالک  
 لاشریکس شریک تیو گنزرو      پان پنہ نے جہنمس تھر ترو  
 غیر اللہ وچھتھ بزمکھ یٹھ نو      کائسہ و دپرس کٹھ نہکھ یٹھ نو

تہند دربارِ یس اکھا ژھو دردراو    براند پتہ براند پھو رتس پیو واو  
 روسیاء موسفید چھس ہارتھ    ڈیڈ تل آمتن ہلم دارتھ  
 آتش نابکار    نانہجار    مغفرت چھس منگان یا غفار





## غلام نبی آتش

حمد

ٹڑے چھکھ خدائے لم یزل پروردگار چھکھ  
قوی ، قیوم ، عزوجل ٹڑے کردگار چھکھ

سوئس تہ چاڑی رنگ تہ زمستان تہ چانہ ستر  
رہتہ کول ، گریشم چانہ ستر پوش بہار چھکھ

شاہنشاہ! شاہنشی چانی چھ پوشہ وڑی  
ہر کینہہ ٹڑ پانہ زانہ وُن اسرار وکار چھکھ

پرہتہ ذر پرہتہ ذریاتھ تخلیقات سوہ وڑی  
قائم ٹڑ بے زوال چھکھ عالی وبقار چھکھ

یامتھ یوژھتھ تہ پاد کوژتھ ارض و سماوات  
یامتھ وبدوھکھ لہروہکھ باختیار چھکھ

بارس لدتھ گونہہ نے چھم کارس نہ شوب کینہہ  
یارن کران خدا یہ ٹڑے گلزار نار چھکھ

تُکھ یو د گردھکھ تہ غصہ پنہ رُچھ ز ماکاہ  
اے واحد القہار تہے باسط جبار چُھکھ

مولا رحم کرس چُھ یہ آتش سیاہ عمل  
رحمان چُھکھ رحیم ، روف و غفار چُھکھ



## غلام نبی آتش

## مُناجات

اُس جھی منگان ساری	پر تھ ساعتہ گری زیاری
رحمت چھے چاڈی جاری	پروردگارِ سانی
اَسہ شوق نو بہارک	علمک تہ گاہہ جارک
لوگ تہ پانہ نیا رک	پروردگارِ سانی
بر اَسہ دِلن اندر لول	سے عارفو تہ یس پول
تینگر نفرتک پنا گول	پروردگارِ سانی
گیندنا کرو گلن ستر	قمر بن تہ بلبکن ستر
جنگو تہ مشکلن ستر	پروردگارِ سانی
اَسہ کڑو چھے خاص ارزتھ	مائس تہ ماجہ خدمتھ
اَسہ ہاو اصلہ جی وتھ	پروردگارِ سانی



## غلام رسول جوش

(ولادت : ۱۹۴۹ء)

حمد

یہ چھس زند بس چاہے ستین خدایا  
حمد بس حمد میاؤں ہن ہن خدایا

بڑ چھکھکھ واوٹھ اکھ بنان میون احساس  
یہ تعریف چائی گھل ، وں خدایا

کنہن منزے ڈوٹھم کھٹھ چون ہو ہو  
وزان گاش چھم آہ شڑانہن خدایا

یہ ہے یی یہ اوند پوک ہوا آب گلو گڑ  
یہ ہے یی یہ ہے چھس یہ کیٹھ فن خدایا



## غلامِ رسولِ جوش

### مُناجات

دُھن پٹھ سمان آرزو بہتھ دُعا چھم  
 یہ معصوم شوقِ دلگِ التجا چھم  
 بہ یہ ہا بہ سر ہا بہ کیا چھس نے کیا چھم  
 یہ معصوم شوقِ دلگِ التجا چھم  
 ژ چھکھ سپر اسرارِ تی زانی راوم  
 یہ بے ووشت سدرک سبر ساہ ناوم  
 نے تعلیم پرنگ یو ہے بوڈ مدا چھم  
 یہ معصوم شوقِ دلگِ التجا چھم  
 یرادن وڈو، ستر نے دم دُور تھرن  
 یہ سر ساور قدرتھ پنڑ پاٹھر وچھن  
 سرن چھم یہ دُنیا کرنِ حق ادا چھم  
 یہ معصوم شوقِ دلگِ التجا چھم  
 نے بوکھس پھبکین پٹھ چھ اخلاصِ محبت  
 ستارن، سیارن بہ گنڈ ہاؤں تی بہتھ  
 یو ہے اکھ خلا باز بنگ طمع چھم  
 یہ معصوم شوقِ دلگِ التجا چھم

مے منز کرتہ روشن خدایا پرچ زور

بہ پر تھ جلیہ نیپہ ناو ہا چون دستور  
مے وتہ ڈکر ہمتن ہند بن رہنما چھم

یہ معصوم شوق دلک التجا چھم  
بروز بن منز مے ٹیہہ ٹیہہ چھ تڑپان خدایا

اچھر میانی آلو چھ للہ وان خدایا  
دس منز یہ دُب دُب مے لو لک صدا چھم

یہ معصوم شوق دلک التجا چھم  
ڈر دم نور انہ گڑ مے چھم گاشہ راوڑی

ڈر دم مے مے سوے چھم لگن باگراوڑی  
ڈرے دم جوش ہند ریمتین مے دوا چھم

یہ معصوم شوق دلک التجا چھم



## نادر احسن

(ولادت : ۱۹۵۰ء)

پرو الحمد للہ دوہس راتس  
 شبن تعریف ساری پاک ذاتس  
 چھ سے خالق تہ مائلک زر زراتس  
 شبن تعریف ساری پاک ذاتس  
 خدایس شوق گوو آدم بنوون  
 ذوپن ملکن امس کن سجد چھو دین  
 کوڑے انکار اکر تس کیشہ نہ موئن  
 تشد تقدیر یکدم نہناون  
 کوڑن شرمند تے رسوا کئے زون  
 لکن مژ ناو تس اہلپس تھوون  
 چھ ماتی کائسہ اتھ یی تس چھ دردس  
 شبن تعریف ساری پاک ذاتس  
 فقط تابیا چھ تکر ہے دودہ کئو رات  
 چھ تکر سہز ذکر در عرض و سادات  
 زمپنس پٹھ بساؤن رکو ذریات  
 بناؤن زون آفتاب بینہ نباتات  
 سمندر کوہ بیابان تے جمادات

بشکرانہِ تُمس کُن پر مناجات  
کُنے چھے قل ہواللہ ذات چھے تَس  
شُبْن تعریف ساری پاک ذات

چھہ نُبْن منز سبھاہ عالی پیمر  
اما عالمک پیہ ختم مُرسل  
چھہ ما کانہہ رُتبہ وولات برابر  
خداین کور عطا تِس حوض کوثر  
یوان کیا سہرتس چھہ مُشکِ امبر  
پورن "اقراء" کورن آغاز سفر  
پورن توحید ہے گوڈ سگ حیاتس  
شُبْن تعریف ساری پاک ذات  
کتابا پر یہ چھہ بے شک ہدایت  
"ہدأ لِّلْمُتَّقِينَ" آیت گواہ اتھ  
پرکھ یود باخدا تھاوی سلامت  
سرکھ یود عالمج بخشی امامت  
طبع اللہ رسول واحد شرط اتھ  
صراط المستقیم چھہ یے وتھ  
چھہ وعدا آغہ سُند تاری صراتس  
شُبْن تعریف ساری پاک ذات



برؤن چھے گوڈ دوہے دین مہنس  
 توے تھوؤکھ رہن ژے پٹھ ژہنس  
 رؤن چھے شجر تقویٰ مژہنس  
 ادے دو مل ژلی اتھ اہنس  
 تھوڑی نظراہ یتہنس مسکنس  
 دینی رُب جال تل عرش برہنس  
 پیما گیمہ بُڈ کتھاہ کانہہ نشہ آفس  
 شبن تعریف ساری پاک ذات

ربس یتھ پاٹھو بدن ہند محبت  
 پرئی اسہ ماجہ مائلس مائے محبت  
 چھ ژالہئی زندگانی ہنژ تمازت  
 کرنی درراہ مولیٰ سخ محبت  
 غریبن بے کسن کرسا رفاقت  
 یہ چھے راہے نجاتچ اکھ علامت  
 درکھ بیلیہ اد واتکھ تھ مرادس  
 شبن تعریف ساری پاک ذات

خدائیں ہر طرف بیلیہ کرکھ سرخم  
 کرنی چھے شرک و بدتس لار یکدم

اَدے روزی سہ ربِ ثیے مَترِ ہدم  
تھوی سے دُورِ ثیے از نارِ جہنم  
بنی اہمان وَن کیا چُھے ژے تی کم  
وَلَا خوفِ عَلَیْہِم گَوُو مقدم  
بنی اِدِ سرخرویٰ منزِش جہاتس  
شُبنِ تعریفِ ساری پاک ذاتس

خدایا بڈ چھ بس چاڈی رحمت  
کرن چھس توہِ پیہ از درِ ندامت  
بخش اہمان کاُمِل چھے ژے قدرت  
یُمس گوکہ راضیِش بخشہ ژے نصرت  
کرم وونی مغفرت تھاوُم عجاہت  
برونی جزا تھاوُم سلامت  
منگان ناڈر چھ ہردم لاشرِپکس  
شُبنِ تعریفِ ساری پاک ذاتس



## نادر احسن

## مناجات

چھ ناد لایان اکھ گدا      از بوز صدا از بوز صدا  
پیؤمت پتر چھ سرراہ      از بوز صدا از بوز صدا

دُنیا بنوؤم ٹوٹھ یار      روؤم توے صبر و قرار  
تزوؤم مے عقبا چھم خطا      از بوز صدا از بوز صدا

گوئین ہنڈے انبار چھم      کوتاہ پھیکین پٹھ بار چھم  
فضلا کرؤم چھس مبتلا      از بوز صدا از بوز صدا

چھس حستہ گوؤمت خار کوٹ      بہارتے لاچار کوٹ  
بخشم مے وڈی سوؤم شفاء      از بوز صدا از بوز صدا

آسمانہ پیؤمت چھس پتر      زندے مے گاؤم چھم قبر  
بیہ تھوؤتلم از دست و پا      از بوز صدا از بوز صدا

اوؤمت ہنڈے مڑ آہ ہے      چھم ناو مڑ گرداب ہے

یوٹھ لاگتم نے چھم مُدا      از بوز صدا از بوز صدا

یو دوعے نے گری متو جھم خطا      چھس توتہ چوئے اے شہا  
مند چھاوتن متہ روسیہ      از بوز صدا از بوز صدا

چھس چند چھون بینہ بے ہنر      پنہ بن خزان بر مُدر  
کیا کم گڑھی چھکھ بادشاہ      از بوز صدا از بوز صدا

نادن نے کن از تھاوتم      آغا نے متہ مُشراوتم  
لا تقطو وصف خدا      از بوز صدا از بوز صدا

اُنی مے شفیع یم ژور یار      اولاعظم صحابہ کبار  
بینہ تاجدارے انبیاء      از بوز صدا از بوز صدا

نادر کران چھے زار و پار      اے داد رس بوز میانی زار  
حاضر ژئے چھے بڈ بارگاہ      از بوز صدا از بوز صدا



## رفیق راز

(ولادت : ۱۹۵۰ء)

## حمد

قرار دوہس نے چھ آرام راتس  
پہ عاشق گوشت چھس تُمس پاک ذاتس

لطیف و خبیرو عزیزو مہمین  
چھ کاتیا صفت کیا ونے پاک ذاتس

سُہ حاکم ، سُہ باری ، مقور حکیمما  
یوژھن لی تہ سپد یوژھن کائسہ ماتس

سُہ وُلی ، سُہ وُارث ، سُہ باقی ، سُہ خالق  
سُہ قادر دوان شہہ زمپنس ذراتس

سُہ اول ، سُہ اُخر ، سُہ باطن ، سُہ ظاہر  
ونے کیا پوان بند رِزول چھس نہ ساتس

چھ تارکھ تہ افتاب محتاج تُسُر گُن  
مُتور کراں سُسے چھ دل راتس

ندا لایہ ہر دس بہ ”یانور“ ہر گہہ  
پھولن نور کی پوش باغِ نشاطس

نہ تریشی بجز زائہ نہ کھوڑے تجھن زائہ  
کوزن آب جاری چنابس فراتس

بدیع العجائب تہ سے مقتدر سے  
عطا رنگ کاتیاہ گرن کایناتس

تو گم نہ تھ حمیدا حمد چون کورے  
دیم زیر قلمس دوس دس تہ نعتس

نبی راضی تھوتن از بہر رحمت  
دوس قابل بناؤم نے تہندس شفاتس



## فیاضِ تِلْہِ گامی

(ولادت : ۱۹۵۰ء)

### حمد

ذرس ذرس چھ بر زبان حمد اے خالقِ جہاں  
ژیے گن چھ گل جہاں پراں حمد اے خالقِ جہاں

زماں ، مکاں ، سورے جہاں ، زمین کیاؤ آسمان  
چھ چاہے قودرتِ یہ شان حمد اے خالقِ جہاں

چھ انبیاءِ ژے گن نماں تہ قبلہ مُرسلن تہ ژے  
ژہ چھکھ ژہ پتہ تہ ژے عیاں حمد اے خالقِ جہاں

صُبح تہ آفتاب پڈن ، چھ شب تہ زونہ تاب چون  
نہس چھ کہکشاں لیکھاں حمد اے خالقِ جہاں

خدایہ لایزال چھکھ ، کئے ژ بے مثال چھکھ  
مکاں چھ چون لامکاں ، حمد اے خالقِ جہاں

چھ پوشہ وَن مُشک ژھٹاں ، مُشک چھ لا اللہ پراں  
اوے چھ جانور گہوان ، حمد اے خالقِ جہاں

ژنئے اور زوے پُئن زو چھتھ تہ بود بے بہا کوڑتھ  
ژنئے آسنس دِژتھ زباں، حمد اے خالقِ جہاں

ژنئے عالمس کوڑتھ عطا، اماہِ نؤرِ مصطفیٰ  
ژنئے ڈالہ یس دِیتھ قرآن، حمد اے خالقِ جہاں

فیاض کیا کری بیاں، لفظ لفظ چھ تَس کلاں  
قلم تہ چھس گُلتھ گڑھاں، حمد اے خالقِ جہاں





## فیاضِ تلہ گامی

## مُناجات

یہ چھس عاچو ٲ بوزم زار یارب  
 ٲے روس بیہ چھم نہ کاٹہہ غم خوار یارب

چن چھم ہرد بڑی گوٲت بخشتم  
 گلن ہند مارد مؤند انہار یارب

بے ٲڑھ وادس اندر چھم ناو لُچو  
 ٲڑیتھ سدرس دتم۔ وونی تار یارب

زمان ٲڑو وٲت ٲڑڑھوٲن کر تھ چھس  
 غمو کوٲرٲت یہ چھس لاچار یارب

یہ اکھ بے بس بشر آلو دواں چھس  
 ٲڑچھکھ دون عالمن موختار یارب

ٲڑ کر نظر کرم روشن مے سپدن  
 حیاتکو بے بہا اسرار یارب!

قدم چھم لوسر مٹر مُشکل سفر چھم  
 بڑ واؤک ہیو دتم رفتار یارب  
 وچھس منز اور زوے دم پھٹو گمتر چھم  
 شفا بخشم یہ چھس بیمار یارب  
 دوس راتس نے بخشاں چاڈی پڑھ چھم  
 رَحس فرحت دِلس شہجار یارب  
 پھلے قلمس دتم بے کس فیاض  
 پھولن سوخن نے مُشکُز دار یارب



## غلام محمد رفیق

(ولادت : ۱۹۵۰ء)

### حمد

حمد ساری شبن تس پاک ذاتس  
 چھ یس ماک تہ خالق کائناتس  
 نہ زامت کائنہ نے تس کائنہ چھ زامت  
 چھ یس زانان یہ دُنیا کتھہ بنیومت  
 چھ یس روب کائناتک ماوراہک  
 چھ یس ماک لگاہ یوم جزاہک  
 تیس ہیو پیہ نہ کائنہ یس یڈ تہ اعلیٰ  
 گئے شوبان چھ یس سے حق تعالیٰ  
 چھ یس مشفق مہربان رحم کرؤن  
 چھ یس مختار مطلق چار کرؤن  
 گرن گردش مقرر تیمی سیارن  
 تھزر پیہ نور بخشن یکر ستارن  
 گرن نابود منز تیمی بود ذریات  
 بناون تیمی بہ حکمت دہ تہ پیہ رات  
 تھوون تیمی رو پرزلون گرم قائم  
 بیل تھاون ملایم فرش دایم

ہوا یتیمی تھو وہ بہ گردش بہر خدمت  
 زِ مخلوق آدس یتیمی کُرن بخش عظمت  
 زانہن یتیمی گردش مقرر  
 سہ یس زانان چھ دلہ چے رلیہ ذر ذر  
 چھ لائِم حمد پتہ نعتِ محمد  
 چھ اقدس بعد رب ذاتِ محمد  
 ونان حامیم یا سپن لیس چھ باری  
 شفا چہ یہند ستر امید و آری  
 رفقا تہل قلم لیکھ نعتِ سرور  
 وومیدن ہند ہلم بیتہ روز بردر  
 دُعا منگ خالقس منظور تھاوی  
 مرادس مطلبس پیٹھ واتناوی



(مثنوی عرفان وجود منہر)

## سُلطان محمد سُلطان

(ولادت : ۱۹۵۱ء)

### چانی رحمت

یہ پرہتھ گنہ منز پنڈو کنز طاق اوُس  
لگن اندر سبٹھاہ چالاک اوُس

دوہس راتس یہ اوُس پپس تاران  
یہ لاگان وونی گاہے گزاکھ اوُس

نیرے معصوم بٹھ، لاکھ مڈر نہ  
پپس اندر رٹھ پوز شزاکھ اوُس

بران پرہتھ ساتھ گوڈ قنن فسادن  
اُکس نش اکھ پپس نش بیاکھ اوُس

جوآنی اُتھر اندر چھم ضایہ گرہڑ  
عمر سارے مے وروہ ناو گرہڑ

رپا بخشم بڑ بخشن ہار چھکھنا  
تیمس نے کانہہ تمس بڑے یار چھکھنا

گرم ما زائہ تہ چائی آن مائی  
 یہ تروؤں سا روئے چھم آس چائی

نہ چھم وونی بس اے سَتھ بس اے سَتھ  
 سو گئیہ بس چائی رحمت چائی رحمت



## بشیر چراغ

(ولادت : ۱۹۵۲ء)

## مُناجات

چھس گونہہ گارا غفو کرتم خدائے لم یزل  
خالو چھم یم بانہ تم برتم خدائے لم یزل

ستھ نے چائی پرہتھ مقاس پٹھ کران چھم تازِ دل  
اعتمادس راچھ ژے کرتم خدائے لم یزل

چھس سبٹھاہ تارپک راژن منزوتن ہند چھم نہ پے  
چھی ژے یم تارکھ ژ تم جرتم خدائے لم یزل

ییمہ خزانک مال دولت بس چھ عرفانِ حیات  
تمہ خزانک کیشہہ ژ باگرتم خدائے لم یزل

مہہ گئس منز روز ہا روشن چراغکو پاٹھو یٹھ  
دوونی تمی انہار از گرتم خدائے لم یزل



## بشیر زائر

(ولادت : ۱۹۵۲ء)

## مُناجات

اے خدا چائیں بس تل تھاؤمڑ اَسہ کَارِ خم  
رحمتک کر سایہ اَسہ پٹھ کر پُن فضل و کرم

اُس یتیم مفلسن حاجتمندن گڑھی بِنی بکار  
نو تو ان گڑھی کر نی اتھ زوٹ خدایا دم بدم

مشکلاتن مژتہ اَسن خوش تہ اَسہ و نی سائی موکھ  
دور اَسہ نش تھاؤز بکھ پر تھ و ز زما نکو غم ستم

زندگی ہند کیا چھ مقصد اَسہ تہ گوڑھ حاصل گڑھن  
پزیر چن ناچھن و تن پٹھ تھاؤ اَسہ ثابت قدم

باے چارک گڑھی دو ہے اُس کائیناتس دن درس  
وائسہ گڑھ انسانیت اَسہ رکھ بِنی دین و دھرم

آسمانکو راز کر ہوکھ فاش دتہ تیتھ جذبہ تھود  
ساز کر تیتھ ہیو عطا یس دی دِلن نوو زیرو بم



علمہ کس سُدرس ڈ کس تل واتہ نکو اُسہ ہا و ول  
عرشہ کس تھزرس کھنڈی گڑھی اُسہ تہ جڑھ شوچی علم

نغمہ گڑھی بلبل پچھنڈی اُسہ نش مڈرک پیہ مایہ ہتر  
پوش باغن ہندک دوہے اُسہ نش عین مشکلی ہلم

پاد کر مچھر کتھن سانبن اندر یی چھے دُعا  
نوکتہ لیکھناؤن حیاتکو زایرن اوئل قلم



علی شیدا

(ولادت : ۱۹۵۳ء)

## مُناجات

دل چھ رادوں قرارِ دمِ مولیٰ  
اُثرِ پھیریں وونی شمارِ دمِ مولیٰ

ناوِ پیرِ دُئی نے چھم طُفانسِ منز  
نا خدا چھکھ تڑ تارِ دمِ مولیٰ

عظمتن ہنرِ قداواری بخشم  
حیرنوں رُت بہارِ دمِ مولیٰ

وصلیٰ ژاؤنگو نے کرمِ روشن  
وشتو نشہ فرارِ دمِ مولیٰ

شبنمِ کو پاٹھرِ اوش ہرانِ روزا  
تاپہ بُرگن جہارِ دمِ مولیٰ

لؤکہ مٹر ہے بہ مایہ چھس و دلمت  
پنہ لولگ شہارِ دمِ مولیٰ

تاپہ و ہراو دم شعورس از  
 زونہ گاشک خمار دم مولی

روز شیدا کران قدم بوسی  
 کوچہ تہندے مزار دم مولی



## غ۔ن۔ظاہر

(ولادت : ۱۹۵۳ء)

### مُناجات

خدا صابا ۾ خوشين ۽ ٻڌڻي مُرد ۾!  
 گوناگارن خطا کارن عفو ڪر!  
 غمن، ڪڏهن ته ڪر ٿيڻ مشڪل مٿي  
 ۾ بهر مُصطفىٰ آسِ روز ياور  
 گهٽ ڇڏس آسمان ڪو خاب سونچاڻ  
 اندر سُدرن گهٽ ڇڏس ٿهانڻه واپان  
 صحي ڌرتي ۽ ٻڌڻي ۾ پانِ رهبري ڪر  
 گوناگارن خطار کارن عفو ڪر  
 دلڪ دور برچھ ڇڏي پنه نين ته وڃن  
 بُرتھ ويهه سارنِ اندر چھ جگرن  
 ڪر ڪه نا دور غم ۾ گهٽ وڃي ته ڪر ٿي  
 گونا گارن خطا کارن عفو ڪر



## شہناز رشید

(ولادت : ۱۹۵۴ء)

### حمد

ہر موکھس شہینہ سوڈر ، دانہ کھین چھکھ سوزان  
 تکر چھکھ پوشہ چمن ، مانچھ گنن چھکھ سوزان  
 فکر ہندو اُنہ چھ پربران فقط چانی ستر  
 ذکر باپتہ ڈ مدر ، میٹھر دہن چھکھ سوزان  
 لیس تہ پندر ، سہ بہر حال کتاں کینہہ نتہ کینہہ  
 لیس تہ اسن چھ ، تمس ڈہنچہ ڈ پین چھکھ سوزان  
 زندگانی چھے زون پائے لبان ، رنگ ژھٹاں  
 خاب سوزاں ڈ اچھن ، مائتر اتھن چھکھ سوزان  
 ڈے سمن بل تہ شمع دان سلامتہ تھاوان  
 چھکھ وٹھن پٹھ ڈ اس ، آب اچھن چھکھ سوزان  
 او برے ڈے تہ عہز تھ سون رچھاں ڈے یارب  
 پوڑ سوزان ، ڈ دستار کلن چھکھ سوزان



## شہناز رشید

ڑے چھکھ، ڑے چھکھ، ڑے چھکھ، ڑے چھکھ،  
 ڑے چھکھ، ڑے چھکھ، یا اللہ  
 اول ڑے چھکھ، آخر ڑے چھکھ، لولتہ ڑے چھکھ،  
 شوقتہ ڑے چھکھ، کاسان دے چھکھ یا اللہ

عریکۂ نخلستانِ کبریا سر پہ پہنچ جھیل و لرتاں  
 نپلین سو دُرن اندر دو تھوڑن لہر مثرتاں  
 گلرنگ شہجاریچہ یاد، پر تھوڑی یادک گاتھ متور  
 طوڑس نو برج زاد بر سر - چانی ستر

زمزمی آب تہہ گلہم داد بن ہند مہلاو  
 ہر موکھ بالک واد تہہ ڈریاوس مثر ناو  
 شہینہ کوہن ہند نہ و ن عالم  
 پوشہ تھرن پہنچ صُجک شبنم  
 باغن مثر انجیر تہہ بادم، چانی ستر

صُجک تارکھ آش حیات تھکے روس قدم  
 مھو لوئی، مھو لوئی سگر دہشتہ دوسان انگن  
 اُنہ گنہ اندرے گاش کرامت

پاک وٹھن پٹھ شوژ تلاوت  
جاناوارن آپن برکت چانی ستر

زؤن ژودا ہم، لچھ بڈی تارکھ آسمائیکو  
شبنم ورشن، منظر کھہہ ونہ اختا یکو  
خسج سارے زان گلکس منز  
گستوارس گشتارو چھس منز  
ہارچھے ونہ واں یارونس منز چانی ستر

داربن دروازن پٹھ زؤل یہ خابن ہند  
سمن بلن پٹھ شامن چری گیش یارن ہند  
عز نکو تھدی دستارکلن پٹھ  
ماجن میچہ پوژ کلن پٹھ

دود موصومن باشہ وٹھن پٹھ چانی ستر  
ہلمن اندر سیکھ پوزونہ تہ چھ چشمن آب  
چشمن اندر آسہ سزارن ہندی ونہ تہ چھ خاب  
سپن منز ارمان چھ قائم، لوک کیشہہ دالان چھ قائم  
شہنازی گلدان چھ قائم چانی ستر



## شبیر احمد شبیر

(ولادت : ۱۹۵۴ء)

### حمد

قدرت چھ چائی کاہل تھڑ چائی شان یارب  
جاگیر ملکیت چھے سوڑے جہاں یارب

چھکھ رحمتک ژ آگر تارہف شوہ نے ژے  
پرہتھ طرفہ نور چانے عالم گہان یارب

وہڑھنے کرنی صفاتن چائمن سہل کتھاہ چھا  
کتہ انہ تیوت طاقت عاجز زبان یارب

بہتر انداز رکھہ گئی انسان پاد کورھن!  
لی زانہ ہے نہ تمنہ چی کرھس ژے زان یارب

برتل چھ چانہ ساری شاہ و گدا برابر  
پرہتھ کانہہ پٹھ ہوئے کیٹھ چھکھ مہربان یارب

گروہی ناکرنی خدایا شکرانہ چون بلبل  
تھاوتھ تمن سجاوتھ کم گلستان یارب



کودہ بال، نیہ سمندر، اختلہ زون تارکھ  
بے شک چھ چانہ بجر کریم بڈر نشان یارب

تخلیق آدمس منز ٹاکار چائی عظمت!  
قدرت چھ چائی باوان آب روان یارب

ناراض یس تہ سپدکھ خارو ذلیل کرہن  
بخشاش چھکھ یزتھ ژے یس چھکھ یزتھان یارب

نظرن اندر چھ چائین تم گوشہ کاینا تو  
وأتھ نہ یوت ہبکے زائہہ وہم وگمان یارب

ژامت ژھپن چھ آمت شبیر چھپنہ باپتھ  
تزہر یامتن ژ بخشاش چھکھ نا امان یارب



## ولی محمد اسیر کشتواڑی

(ولادت : ۱۹۵۳ء)

### حمد

ثویپاسے گو صدا اللہ اکبر      پران پانے فضا اللہ اکبر  
 یہ شانِ بے نیازی چاٹو مولا      نشان شاہ و گدا اللہ اکبر  
 زمپنس آسمانس منز خلایق      کران ذکرِ خدا اللہ اکبر  
 سہ چٹھے پرہتہ جابہ استھ لامکاں پوز      دین ہند و لر باللہ اکبر  
 شریکھا کاٹھہ مہ زائن وحدتس      سہ ذاتِ کبریا اللہ اکبر  
 بقا حاصل چھ بس تس لایزالس      چھنا باقی فنا ، اللہ اکبر  
 کتابن تے صحیفن مورسلن ہند      گواہ قرآن گواہ اللہ اکبر  
 وسان رحمت چھ تکر ہنز عالمس پٹھ      اول تا انتہا اللہ اکبر  
 درودِ بچ ڈالو سوزان پانہ مولا      بہ محبوبِ خدا اللہ اکبر  
 کران چھس نامِ پاکس ورد ہردم      بنان دادین دوا اللہ اکبر

اُسپر آس آس چانی یا الہی

دل و جانم فدا اللہ اکبر



## ولی محمد اسیر کشتواڑی

### مُناجات

زیو پٹھ یوان ہردم پروردگارِ عالم  
بس چھم سدا مے ہمد پروردگارِ عالم

تھڑ شانِ وول مولا خالق چھ کائناتک  
ساری اتہن چھ سرخم پروردگارِ عالم

دُنیا تہ بس چھ تہندے عقی تہند بلا شک  
چھم بی یقین محکم پروردگارِ عالم

لوح قلم چھ چوئے عرش و فرش چھ چوئے  
ڈے صاحبِ مکرم پروردگارِ عالم

قوربان دستِ نازس تیکر پادِ کور یہ آدم  
بیہ سانی نبی اکرم پروردگارِ عالم

باغن اندر مے وچھمکھ پوشن اندر مے وچھمکھ  
عاشق یہ گوس یکدم پروردگارِ عالم

پانس و تھن مے تھر چھم دمہ کیا جواب اُخر  
 بُتھ آسہ عرشہ اعظم پروردگارِ عالم

عاجز اسپر آمت با صد و امید دزانت  
 رُحج نظر مے کرتم پروردگارِ عالم



## نثارلدار

(ولادت : ۱۹۵۴ء)

حمد

خداوندا! سبٹھاہ تھوڈ شان چوئے  
جن و آدم زمیں آسمان چوئے

چھے چائی حکمرانی دون جہان  
سبٹھاہ و اوسع چھ دسترخان چوئے

تمامن مرسن نیپن ڈ سرتاج  
چھ عدلک بار یوڈ ایوان چوئے

تمام رؤحانی یتہ کبن گنبدن مثر!  
وسع لولک سبٹھاہ عرفان چوئے

حسین، نازنین، ماہ جبین!  
گلابک رنگ روخن ارزاں چوئے

تمامن دہن و مذہب چین کتابن  
چھ رہبر، رہنما فرمان چوئے

کوہنِ بالین، بیابانِ تہِ مرگن!  
چھ نورِ اُسر ڈیشان چوئے

چھ چوئے بندِ اکھ دلدازِ رازک  
دس منز بہتھ فقط ارمان چوئے



## رخسانہ جمین

(ولادت : ۱۹۵۵ء)

## حمد

سُجْدِ شَوْبَن تَسْ خدایس تینکی عطا کور اُسہ یہ جان  
پاؤ تینکی گُرر زُون تارکھ پیہ زمین و آسمان

آفتابس منز چھے پر بزلان تکر سُنڈے نورِ جِ زُڑا  
ذِر ذراتس کائناتس پٹھ و چھم سے حکمران

ظالمین غاصب بے آرن جابرین جبار سے  
بے کسن مظلوم نادارن بے چارن مہربان

تکر سُنڈے لوح و قلم خلدِ بریں، عرشِ عظیم  
سلطنت تکر سُنڈے زمین و آسمان تا لامکاں



## شمشاد کراہی واری

(ولادت : ۱۹۵۵ء)

## حمد

حمد و ثنا تے شربی سورے جہاں چھ چوئے  
بُراتھ مارے منز تے تھوڈ آسمان چھ چوئے

تارکھ تہ زون چائی، آفتاب گاشہ امیر  
کیا سانہ سایہ باپتہ رت سائبان چھ چوئے

یتھ وار گل چھ چائی داوس عطر چھ چائی  
دولیاو رنگہ بلبل کیا نغمہ خوان چھ چوئے

بہ تہ کیا تھبکے زپے چھس میڈ مور گر تھ تے تھوڈ تھ  
انگ انگ دوان گواہی زو بیہ جان چھ چوئے

سرخم ملکہ تہ موکل آدم تہ جن چھ روزان  
تعظمہ سان پر تھ کاٹھہ ناوا ہوان چھ چوئے





## بشر اسرار

(ولادت : ۱۹۵۵ء)

## مُناجات

آپے حض اُسی تہند برتل بوزی تو عرض و سلام  
اُسی پتھر تہمتی چھ لہ کاسی تو وونی غم تمام

لگو سبٹھاہ دکیہ دالری نے اُسی رو دو گھاٹھکی نے گر کر  
نال وول کفرن تہ شرکن اُسی سپدی وٹھکی غلام

کھوٹ پزروول جامہ اپزیک اپزکے اُسہ کو رپڑ چار  
دین کن ایمان کن مشروو اسلامک نظام

نفسہ شیطان اُچھن ہند آب اُسہ نایاب کور  
سانی کتھ مسقراز ہش اہریز ہیو سونے کلام

ہتہ متہ مشروو اُسہ فرض تہ سنت پیہ قرآن  
نے چھ اُسہ خوف خدا نے مرنے کور احترام

چھس پیومت وونی تشہ چھم درامڑ پھٹتھ زیو باوکس  
باوکس وونی سپہ دودمت چاو کس وصلک نے جام

چھٹس سبٹھاہ شرمندہ بیمہ کس بُتھ گرتھ روزے جزا  
ہاؤ کیا اعمال پنی ہاؤ کیا پنے پیام

وونڈی اللہ گروتو بشیر اسرار ہنڈر عرضی قبول  
چھٹس طمع یوت واتنگ گروتو عطائس سے مقام



## زاہد مختار

(ولادت : ۱۹۵۶ء)

حمد

علم چوئے، دِلن الہام چوئے  
وندان پر ہتھ شاہِ ثئے چٹھے قبلہ کز وئے

انان چھکھ گاش میانس اَنِہ گٹسِ ثِے  
لیکھتھ برحقِ ثِے تھووتھ از لہ لوئے

دِٹھ رہبرِ ثِے نیس ہِیو، بلا شک  
تھی زونکِ ثِے ربا، تیئو سہ زوئے

تکیم کتھ کنی نے قلمس حمد لیکھن  
بہ وند ہے زو یہ چھم نا زوتہ چوئے

چھ زاہد بس رُٹھ دامنِ رحمت  
منگان چھے مغفرتِ رُم رُمِ ثِے میوئے



## زاهد مختار

### مُناجات

سپنہ دی زبم تہ اکھ سپر دی زبم  
حرف دی زبم تہ پُر اثر دی زبم

واولین منز چھ گلسہ نلک پیران  
یا الہی یمن سفر دی زبم

یتھ بہ دامن پنن تہ کپرتہ دُاے  
کتھ مے وتنگ تیتھے مژر دی زبم

یتھ نہ تہہ سور گلیہ پچھس اندر  
بس تیتھے زیوہ مے مختصر دی زبم

وہ چھ خابن اندر مے کوثر اکھ  
وارلس ہش تمس نظر دی زبم

زندگی تھاو اضطرابس منز  
خاب دی زبم تہ معتبر دی زبم



## عزیز حاجتی

(ولادت : ۱۹۵۷ء)

## مُناجات

ہتھ وومیدواری بہ آمت چھس کریم یاری خدا  
 غمزدس از پانہ کا سم غم تہ لاچاری خدا  
 داغ یم سپنس مے لگو متڑ چھم ژلن ساری بلن  
 باغ پھلراوہم تہ بکراوہم مے بیمار ی خدا  
 زان عرفانچ خدایا دم بہ یٹھ زائتھ ہمکن!  
 رب خدا، رازق خدا شانی خدا، باری خدا  
 یس گزل وقتن وٹھتھ آلو دیس پڑ لولہ سان  
 تس غزل خوانس کلامس بخشہ تہہ داری خدا  
 بلبلن ہنر نغمہ خوانی پوشہ چمنک رنگ و بو  
 ہوشہ والین نش چھ ژہاران چھیکرس ساری خدا  
 بند چھس عاصی مگر اکھ رحمتک دُرکیا سہ چھم  
 اتھ تلتھ روزتھ منکس رحمت تھوم جاری خدا



## شہزادہ رفیق

(ولادت : ۱۹۵۹ء)

### حمد

خداوند اپہ پھس چوئے تہ چھم ناو برزباں چوئے  
 عرش چوئے، فرش چوئے یہ سورے لامکان چوئے  
 چھ اکھ اکھ بز نژیوہ چوئے پھر کیا سات تاں چوئے  
 چھ زو چوئے چھ زر چوئے تہ رت شوقل جہاں چوئے  
 شرق چوئے، غرب چوئے سیکہ صحرا تہ ون چائی  
 زمین چائی زماں چوئے تہ سازل آسماں چوئے  
 شجر چائی حجر چائی چھ سورے خشک و تر چوئے!  
 تہ بخشاں شوب یس زگتس سہ نافل گلستان چوئے  
 سوزل چائی تہ چائی زون چھ چوئے کہکشاں نزل  
 ونے کوتاہ چھ کیا چوئے عظیم آدم نشان چوئے  
 عشق چوئے عقل چائی علم چوئے تہ کیا چھنہ چون  
 چھ کاسان غافلن غفلت پیام چوئے قرآن چوئے



## شہزادہ رفیق

## مُناجات

خدایا کرکھنا ژ رچھ نظر  
بے دسگا گوْمُت چھ گوْمُت اکھ اکھ بشر

زمین ، زؤن ، تارکھ تہ فلن گمتر  
وَن وہہ ، ہوا نار، آلس زہر

بُتل پٹھ، بنجر گوْمُت سوْم سوْم  
وساں گامہ شہرن چھے خوںچ نہر

وؤبودر چھ ذہنس تہ سوچس چھ شاپھ  
بہتھ زاگہ نظرن چھے ریٹڑک نظر

گوْمُت ہایہ کاغذ، چھ قلمس جمود  
مناجات لیکھنس تہ راواں اثر

بہر حال چھکھ مہربان و رحیم  
ژ دگ، دود، دوکھ سائی کر مختصر

زِ فیضِاں کُرنِ گلِ جہانِ مستفید  
کرم کر پڑ چھکھ محسن و بحر و بر

گلنِ منز چھئے ستھ چائی و تھ گائراں  
رفیقس تہ یارب چھئے تے گلنِ نظر





## سید اختر حسین

(ولادت : ۱۹۲۰ء)

## حمد

چھی ثنا خوان اے خدایا کایناتکو ذر ذرات  
 پرہتھ شپا سرخم گرتھ چھے جانہ رُسر یا ذی حیات  
 ییلہ نہ کنہ کیشہ اوس، اوسکھ تیلہ تہ ژے اے کردگار  
 روزون چھکھ بس کئے باقی چھ سورے بے ثبات  
 گردشس منز تھاوہکھ نے زون آفتاب و زمین  
 کوئہہ اکھا کر ہے عنایت ژور موسم دودہ تہ رات  
 کیا چھ مشکل چانہ باپتھ عالمپن ہند و ہود  
 ”دگن“ سپن جاری و ہودس آہ سارے کاینات  
 پرہتھ چھوکس مرہم دِلن بخشان فرحت چائی یاد  
 یس نہ آسان کاٹہہ چھ یاورتس چھ یاور چائی ذات  
 نظر رحمت چھکھ کران یس نیک اختر سے بنان  
 پانہ اڈ پھڑان پانے سے دیکو لات و منات



## رشید فیروز

(ولادت : ۱۹۶۱ء)

### حمد

خدا عالمس منز بالا و برتر  
 اللّٰهُ اکبر اللّٰهُ اکبر  
 تو میرے چھ تسکین تھد کھوتہ تھد سر  
 اللّٰهُ اکبر اللّٰهُ اکبر  
 نہ حاجت تَمَس کیثہ نے کیثہ ضرورت  
 بنوؤن یہ دُنیا چھ تکر ہنر یہ صُورت  
 نہ چھس کا نہہ شریکھے نہ تس کا نہہ چھ ہمسر  
 اللّٰهُ اکبر اللّٰهُ اکبر  
 چھ خالق تہ پانے تہ مَالِک تہ پانے  
 کورنس حکم ”کن“ بنوؤ اکہ آنے  
 فرق ماتھون کایناتس تہ اکہ زر  
 اللّٰهُ اکبر اللّٰهُ اکبر  
 اللّٰہ چھ آحد، مگر حد لاحد  
 نہ چھس کنہ اُتھے نے کنہ سرحد  
 وچھتھ کارتم بند عقل سانی ششدر  
 اللّٰهُ اکبر اللّٰهُ اکبر

حکومت چھ سوڑے سہ پانے چلاوان  
 کنہ تل کیمس تاں کھین ولتہ ناوان  
 چھ سے دلخزپن ہند پانہ دلب  
 اللہ اکبر اللہ اکبر

صفت آنتھ زورس توے کانہ نہ ثانی  
 چھ زرس زرس مژ قدرت تانی  
 تابع تمس زون اختاب و اختر  
 اللہ اکبر اللہ اکبر

چھ رب عالمین ، عین کنو زمین  
 چرندن پرندن شریفن کمین  
 لکھان سارے ہند سہ پانے مقدر  
 اللہ اکبر اللہ اکبر

بہ فیروز کر ہا تعریف چانی  
 مگر چھینے مے زو پٹھ لفظی سمانی  
 ژ دانا و پنا زانان بہتر  
 اللہ اکبر اللہ اکبر



## رشید فیروز

## مُناجات

مے کرناؤم پُن دپدار ربا  
 مے تھو زو پٹھ پُن گُفتار ربا  
 بہ جُھس ناشاد کورمت یگر زمان  
 غمو نیش از دتم موکجار ربا  
 عبادت کرنگے از کر ہدایت  
 بناؤم جنگل حقدار ربا  
 کلامس میاؤں ہے تھو تیتھ ٹر تائپر  
 پسند ہر کائسہ یہ گُفتار ربا  
 یمن لوکن دوان دکہ داکو دنیا  
 ٹر پانے چھکھ تہند دلدار ربا  
 بہ نا چیز کیا کرے تعریف چاؤ  
 چھ میاؤں ڈاکو یم کیشہ شعر ربا  
 رشید فیروز تے کن خم گر تھ سر  
 مے عمکپنس چھم غمخوار ربا

## نذیر احمد نذیر

(ولادت : ۱۹۶۲ء)

حمد

وَتھ کیا بہ ہمکے چاڑی عظمت خُدا  
 زمان و مکاںس ٲر چھکھ ستھ خُدا  
 عطا خاکدانس کو رتھ مضطرب دل  
 بنیو و زندگی ہنر علامت خُدا  
 یمن بے پڑھن محشرس پٹھ نہ پڑھ کاٹھ  
 وچھن تم بہ محشر کرامتھ خُدا  
 ٲر معبود برحق چھ ساری نماں ٲیے  
 کراں اُس تہ چاڑی عبادت خُدا  
 سہل کُری ز عاصی بدن روز محشر  
 ٲر برپا کرکھ ییلہ عدالت خُدا  
 حمد چون لیکھ نک نذیرس تمنا  
 عطا تس کرکھ نا سہ طاقت خُدا



نذیر احمد نذیر

## مُناجات

صاحبو بے شک ڈھکھ رَپ جلیل  
کر عفو گوئے ہن چھ اُس بندے ذلیل

تھاو اَسِہ قائم براہِ مستقیم  
نورِ ایمان کر عطا بے قال و قبل

گڑ چھ گڑی متی نفر تکی ہو ہن ضمیر  
نورِ پنہ نے گاشراوہ یا جمیل

دودون بیہ گل تھے پاٹھن پھولن  
شاد نارس منز سپد یتھ کنزِ خلیل

کار یود گڑی پیچھ اما لاتقنطوا  
روزِ محشر سانہ باپتھ رِژ دِلیل

چار سوئے کر پیاسِ مصطفیٰ  
غمزدن تے اتھ چھوئین ژے چھکھ کفیل

چار سازا کاشغر بن چار ساز  
کار سازا بس ز چھکھ نعم الوکیل

یہ زھوکن لفظ نذیرس زو کلان  
چاو زبن دامہ شئی از سلسبیل



## ضمیر انصاری

(ولادت : ۱۹۶۳ء)

## حمد

زمین آسمان تہ زون تارکھ مکان کیا بیہ زمان یارب  
 ذرن ذرن منز وجود چوئے مؤبان کیا یم نشان یارب

تھر بن کند بن بند عتاب اُستھ غزل گہوان یم اشار چاہیے  
 امار چانے گل گلن منز حمد چھ بلبل گہوان یارب

زماں تہ چوئے مکاں تہ چوئے چھ کیئہ تہ چوئے نہ کیئہ تہ چوئے  
 سمندر ن منز بشوقہ چاہیے صدف یہ موخس وناں یارب

قدیم ڈے چھکھ، عظیم ڈے چھکھ، رحیم ڈے چھکھ، جہیم چوئے  
 کریمہ کریم کرم مے گونہن وسپہ اؤنمے زمان یارب

بحر چھ غزلن وزن چھ نظم ن مے ما پتاہ چھم وزن تہ گوو کیا  
 بہ چھس نہ شاعر یہ جھم مے چوئے عظیم ذوق بیان یارب





## حسرتِ حمید

(ولادت : ۱۹۶۴ء)

### حمد

غم زدں دل شاد کرتم اے خدا  
 در مدینہ ناد کرتم اے خدا  
 تنگ پہ گوشت چھس غمک گوب بار ہتھ  
 جان و دل آباد کرتم اے خدا  
 رنج و فکر و دولت چھس ہر طرف  
 عاجز آزاد کرتم اے خدا  
 لوت پکان کمزور گوشت چھس سخت  
 کیا گڑھی کم حاد کرتم اے خدا  
 بارِ عصیانے کمر بھم خم گوشت  
 دال قد شمشاد کرتم اے خدا  
 پنجرس منز بند پہ گوشت چھس اسپر  
 خجر نشہ آزاد کرتم اے خدا  
 ڈیڈ تل آمت گدا حسرتِ حمید  
 پوشہ وں امداد کرتم اے خدا



## سرور ہاشمی

(ولادت : ۱۹۶۴ء)

## مُناجات

چھکھ سارِ نے ہندِ تڑے خُدا      تڑے بادشاہنِ بادشاہ  
 گو مُت سبھاء لاچار چھس      چائِس برس تل چھس گدا  
 تڑے چھکھ رحیم و مہربان      تڑے بے کسن چھکھ آسرا  
 کر تم عطا سوز و سکون      یارب مے تڑے روزم رضا  
 ناؤم بہ چھس، شرمند چھس      گرگزیم سہل روز جزا  
 دودہ راتھ چائی آس چھم      یارب کرُم حاجت روا  
 لاچار چھس ناچار چھس      تڑے چار گر چھکھ اے خدا  
 باغس زرزرا مُت تڑوپار      تُو تازگی کرتس عطا  
 فریاد میانی بوز تکھ      منظور تھاؤم التجا!



## شاہدِ دلنوی

(ولادت : ۱۹۶۷ء)

### حمد

لطفِ سرانِ یہ نظر لا اِلٰہَ اِلَّا اللہ  
 اوشس بنان چھ گھر لا اِلٰہَ اِلَّا اللہ  
 دِس اندر چھ ہو اللہ بستیہ سہ سہم سہ  
 شہس شہس چھ اثر لا اِلٰہَ اِلَّا اللہ  
 گہاں چھ سر کیہ تہ گاہ چاہہ گاشہ انہارے  
 نپاں چھ زون تہ بہر لا اِلٰہَ اِلَّا اللہ  
 تھزر لبان چھ تخیل وچھان عرش بریں  
 سُر تھ پران نہ مگر لا اِلٰہَ اِلَّا اللہ  
 قلم چھ حارتن لکبھ مکتی وصف کم اسرار  
 گوشان چھ زو تہ کجر لا اِلٰہَ اِلَّا اللہ  
 پزنج و تھاہ چھ گنی امہ اور اکھ صحراو  
 سُر تھ سر نہ چھ سبز لا اِلٰہَ اِلَّا اللہ  
 وچھتھ زمین فلک چون پرتوے شاہد  
 پران چھ شام و سحر لا اِلٰہَ اِلَّا اللہ

## شاہدِ انوی

## مُناجات

خطا گری مے وارا خطا بخشم  
 وٹھن پٹھ چھ حرفِ دُعا بخشم  
 تڑ چھکھ میون داور تہ ربِ جلیل  
 برحمت مے و تم ردا بخشم  
 ودان چھس اطاعت کرنی تج مے  
 بہ پاسِ رسولِ خدا بخشم  
 وُلٹھ پان چھکھ ذر ذراتس اندر  
 چھ کینہہ نس شتاں لا الہ بخشم  
 بلند چائی عظمت بہ کیا کر بیان  
 گلان چھس بہ ہن ہن شتاں بخشم  
 سوالو بہ کورمُت چھس نیم جان  
 خیالن مے رُت کاٹھہ فدا بخشم  
 مَنس شاہدس بے قراری اندر  
 چھ وردِ زباں لا الہ بخشم



## شبِ نیمِ تلگامی

(ولادت : ۱۹۶۹ء)

### مناجات

ہاؤم رِژ و تھِ خدایا تراؤم دہنگ اثر  
تھاؤنِ دل صاف میوئے پاک ژے تھاؤم نظر  
ہتھ بہ چھس نیراں خدایا بس یہ چوئے نامِ پاک  
کار رِژی کرناؤم ہر ناؤم علمک بحر  
چھم خدایا روزِ مزہ وونی اکھ اُمیدا چاؤی بس  
یتھ دِس میاؤنس ژِ بخشکنا ہدایت تے صبر  
شوقہ سستی پادِ کرتھن ژیئے یہ ساری کائنات  
چھی کران ژیئے سجدِ جن انسان پیئہ شمس و قمر  
نورِ پٹھ ژیئے پادِ کورمٹ چھے محمد مصطفیٰ  
عالمس بخشھ امی نورانہ اکھ ابدی تھرر  
جانوارن چھے بخشمت لولہ بوشاہ خوش یون  
ذکرِ حق پیہم کراں پرہتھ جانہ درِ شام و سحر  
از وِسلے چھے انانِ شبِ نیم ژے ساری انبیاء  
بے کسن تے مفلن وونی کرتہ رچھ اکھ نظر



## محفوظہ جان

(ولادت : ۱۹۷۱ء)

حمد

حمد شو بن تس خدایس بے شمار  
چھ شہنشاہ عالمن ہند کردگار

عالمپن پٹھ چھ تہندے دستگاہ  
دون جہان بس چھ تہندے روزگار

پاد کورمت چھو فلک آسمان زمین  
چانہ زوس چھنہ کانہہ دوان باغس بہار

چھی ملک انسان جن ٹیے ماتحت  
ذہ ذراتس چھو تھی بس مدگار

چانہ زوس کانہہ یمس منگہو ونو  
چھو شہنشاہی تہو چھو تاجدار

زار بوڑم عاریلی نے میون ٹے  
چھے کران محفوظ ٹیے بس زار پار

چاؤز تعریف ہیکہ کرتھ کر اے ربا  
زار بوڑم عاری لی نے چھم مدا

دون جہانن چون شوبان گاش چھم  
چھس برس تل ناد بوڑو وض صدا

چانہ موکھ پھولمت چھ سوڑے کاینات  
چانہ آشے چھی بلم داڑتھ گدا

پرہتھ اکھا ٹیے کن دوان سجد وچھم  
پرہتھ اکھا لاران دوان چھے ندا

چھس بلم داڑتھ بہ آہو چون بر  
چھو بجر چھو عالمین ہندو ادا

چھس بہ محفوظ پڑے نے چھکھ نامہربان  
چانہ زوس نے گس کریم دادین دوا



## منظور خالہ

(ولادت : ۱۹۷۴ء)

### حمد

بندِ بندِ فریاد بوزان کایناتِ گنِ خدا  
دلِ رچھن پڑی پاٹھی زانان کایناتِ گنِ خدا

مؤمن تے منکرن ، طاقتورن لنگھن لہڑہن  
سارے کھیاوان تے چاوان کایناتِ گنِ خدا

کس پتھر بہمتن تِلان تھوڈ ، پرگمتن یوٹھ انان  
کس کران مُشکل چھ آسان کایناتِ گنِ خدا

کس گنہگارن چھ سوزان شچھ وِلو دوراں مے نش  
کس چھ عابن پردِ تراوان کایناتِ گنِ خدا

کس دوان آہن تے نالن بے قرارن رُت جواب  
کس دومیڈن شوب لاگان کایناتِ گنِ خدا

کس تھوان آب و ہوا، سبزار ، شہجار آیتن  
کس کران چھے سز تے سامان ، کایناتِ گنِ خدا



گس چھ مائیس ماجہ شفقت ستر تھوان دل برتھ  
 گس چھ شمکس منز تہ پالان کایناتگ گن خدا

خالد اپنہ روخ کرکھ زائہہ کائسہ گن آغس درائے  
 مہربان ، حد زوس مہربان کایناتگ گن خدا



## منظور خال

## مُناجات

یَم غم تہ ستم سائی از ژلہ راوِ خدا سون  
اُندریم تہ نہیرم دَندر از بِلہ راوِ خدا سون

بیشک چھ گونہو ستر بُرتھ سانہ جسمکِ تان  
وومپد چھم پرہتھ داغ اَسہ نہناوِ خدا سون

کر در گذر کوتاہین، اترن تہ تقصیرن  
پروانہ معافی ہند لیکھتھ بخشاوِ خدا سون

رُژھر تھ چھ حسین خواب اَسہ، تھاؤمتر چھ اچھن منز  
تعبیر رُت پرہتھ خالیے اَسہ ہاوِ خدا سون

رحمت تہ برکت بے بہا، بے حد تہ بے حساب  
سانن ژھر بن ہلمن اندر از تراوِ خدا سون

از تان تہ مِتت تھاؤتئی شکر بہ زن  
پیٹہ یور تہ اَسہ پانہ مِتت تھاوِ خدا سون

پر تھ طرفہ حایل ملتس از مسلہ سبٹھاہ کرتھ  
یم مسلہ پنہ فضلہ عتر انزراو خدا سون

چھنہ مؤمنس زو جان عزت آبرو محفوظ  
ستھ چھم ز یم حالات وونی بدلاو خدا سون

لچھ بڈر درود، لچھ بزسلام یتھ نیک ساتس مثر  
سوئے رسول محترم و اتناو خدا سون

پر خالدا لا تقطو من رحمۃ اللہ پور  
ذودمت جگر شہلاو، دل پھول راو خدا سون



## ایوب مونگہاڑی

(ولادت : ۱۹۷۵ء)

### مُناجات

خُدا یا خُدا یا کرم کر خُدا یا  
 گونہگار نے از نظر کر خُدا یا  
 تُو خالق تہ پانے تُو مالک تہ پانے  
 بدن ہندو خطا در گذر کر خُدا یا  
 گونہگار یو دچھس بہ بند چھس چوئے  
 اگر چھس خطا زد عفو کر خُدا یا  
 پے دادر لد چھس دوا از مے کرتم  
 مرض دارے از شفا کر خُدا یا  
 مے سالیں اندر ہم بہ پاس محمدؐ  
 مے چھم ستھ تہنر روز محشر خُدا یا  
 مونگہاڑی ایوبس مہرباں تُوے روزتم  
 بس تُوے روزتم مے یاور خُدا یا



## رکس جانشار

(ولادت : ۱۹۷۵ء)

## حمد

تھو وردِ زباں ہر صبا : لا اِلهَ اِلَّا اللہ  
 راضی روزی تھو خدا : لا اِلهَ اِلَّا اللہ

ہر دم تڑامہ چھی تھاولے شپشس ڈلی اڈ زنگ تہ کھے  
 دادین دوا مرض شفا : لا اِلهَ اِلَّا اللہ

ایمان کابل آسہ یس سارے ضلالت کاسہ تس  
 حاصل گڑھبس ہر کانہہ مدا : لا اِلهَ اِلَّا اللہ

کلمے اول آخر تہ چھے بی ظاہر و باطن تہ چھے  
 سے ابتدا سے انتہا : لا اِلهَ اِلَّا اللہ

پیغام بہتھ آے انبیاء بُنیادِ اسلام چھ کیا  
 مکر کلمہ سورتمکر لوب بقا : لا اِلهَ اِلَّا اللہ

ییلہ عدمہ اندر یود دڑاکھ      نبھنوں تہ آتھ چھون یور آکھ  
گوشن اندر سپدے ندا      لا إِلَهَ إِلَّا اللَّهُ

تہنکر مرہ بروٹھے تھو دسرتھ      لب نے حیاتی تکر مرثھ  
حق کور تھی کلنک ادا      لا إِلَهَ إِلَّا اللَّهُ

در گور موردس تھو د ثلن      تمہ وز ملک چھس یی پڑن  
ون اے بشر چھے کلمہ کیا      لا إِلَهَ إِلَّا اللَّهُ

چھے جاں نارا یی پزر      اسہ فرقہ گئے واراہ مگر  
پر تھ کانسہ گوڑھ اسن مدعا      لا إِلَهَ إِلَّا اللَّهُ



## فاروق شاہین

(ولادت: ۱۹۷۸ء)

### حمد

چھئے ذات کسٹزیہ کائیناتس  
 اتھس منز زرزٹھ چھ پانے  
 ازل ابد سرحدو گڑھتھ دؤر  
 شنس تہ کانہہ حدتتے چھیمی نہ  
 تہ لامکانس کر تھ چھ لاکم  
 ”خداے برتھ ناوکر سٹند“

خیالہ تھز روتہ سہ تھو دچھ تھز رس  
 بہ کور کڈ ہا تخلیس واش  
 بہ کوت لمان ہیو ربلندین گن  
 بہ تھز یون اکھ زس شری پتھ چھس  
 ووں گوونے چھم سٹھ یہ ناوکر سٹند  
 شرف تمی چھم عطائے کور مت  
 اوے ہوان چھس بہ سام ذاتس  
 حققتس یس فقط چھ واقف  
 ”خداے برتھ ناوکر سٹند“

رگن رگن مژرتس رنکس مژر  
 اُندر اُچھن یُس چھ گاش پریدان!  
 گلبن پَس مژ سبز رگن مژر  
 تہ آبہ قطن اندر حیاتک  
 پیکر اکھ پتھ چھ نیران  
 سمندر ن مژر، سیاہ گو پھن مژر  
 چھ گاش تیکر سُنڈ  
 تھد بن پہاڑن، سنید شپنس  
 اندر بستھ یُس  
 دِلن دماغن، ذہن سونچن  
 اندر بہتھ یُس  
 قرپب روزان شہہ رگن مژر  
 ”خداے برتر چھ ناوکر سُنڈ“





## اظہارِ مبشر

(ولادت : ۱۹۷۸ء)

## مُناجات

تسبیح پران بہ چائی شام و سحر خدایا  
کر کر تو مے لطف و کریم بس اکھ نظر خدایا

کر تھکھ عطا سعادت کرنے تے بس عبادت  
پیدا کر تھ توے تھے جن و بشر خدایا

پر بزلان دوہن تہ راتن بس چون حکم واتن  
گردش کران او چھے شمس و قمر خدایا

تر ووم رسولؐ یامتھ موٹھ مے قرآن تامتھ  
روومت مے بندگی چھم سورے اثر خدایا

تر ووم مے چون دامان گونہو کورس پشیمان  
ژاللم مے غفلتس منز کم کم سفر خدایا

دمہ پھڑ مے سپنہ سپدم سُر پھڑ مے آب و تھم  
حبکہ الاہی عتی ذود مے جگر خدایا

شرمند آو اظہار از ژاو لولہ دربار  
منظور کر تہ یکبار بنہ ہم رثر خدایا



## منظر حسین و کبر

(ولادت : ۱۹۸۱ء)

## مُناجات

آسمانِ رحمتِ باراں خُدایا  
شاداب گڑھن سائی یم واران خُدایا

یس کن وچھتھ شہلے پڑی پاٹھی پیس دل  
تیتھ صفوے پنہ نو وکن انسان خدایا

کم کیا گڑھی اتھ بارگاہِ لاکتن وونی بوٹھ  
ویر وڈی یہ سائی ناو منز طوفان خُدایا

دپنگ قرآنک زندگی ہند ہا ورت بہار  
پتھ دُور تھاؤن اسہ نشن شیطان خدایا

پر بلاؤن ڈبکہ میون پنہ نے نور تیتھ پاٹھی  
جیتھ پاٹھی نمس آفتاب تاباں خدایا

مند چھاوہم ینہ پاوہم پر مے گھنڑ رڑھ  
لگہ روزِ محشر دودھ تیتھ میزان خدایا

اَسے دادرِ لدن بوزِ صدا سوزِ شفاعت  
کر کورِ مالینِ بڑے عطا سامانِ خدایا

یَمِہِ وقۃ تہ نیرو زائہہ تہ اُسُرِ لاچارِ مسافیر  
تھہ وقۃ بڑ بن اَسے پانہ نگہبانِ خدایا

اَسے شوقِ سبٹھاہ کر وُچھو سہ مکہ تہ مدینہ  
اَسے کرتہ جلد پورِ یہ ارماںِ خدایا

پرہتھہ کائسہ اُکس کرتہ عطا زو بڑ صدیق  
پرہتھہ کائسہ اُکس دتہ پُننِ ایماںِ خدایا

ماجنِ بیننِ کور بن عطا کرتہ حیا پور  
تھُر فاطمہ ہش کرتہ تہنرِ شانِ خدایا

فتنہ فسادو حدِ نِشنِ رٹھ تہ اَسے باز  
پزرج تہ بچھ کرتہ اصل زانِ خدایا

یمہ ساتھ تے آسم مے تورک نادِ نیرنس  
تمہ ساتھ بڑ گرزیمِ سبٹھاہ آسانِ خدایا

اٹھ روٹ پُننِ کر مظفرس اُنزے ژے وِیلے  
صدیق، علی، عمر تے عثمانِ خدایا

## منظر حسین دِلبر

### مُناجات

رُتے رُت ہاؤم پروردگارا  
 دوہے خوش تھاؤم پروردگارا  
 مدد پنہ نئے مے کرتم نو توانس  
 تڑ متہ پر پاؤم پروردگارا  
 یہ ہو کھمٹ باغ، تراؤس عرشہ رحمت  
 جلد سگہ ناؤم پروردگارا  
 گر تھ یونسے یوسہ گاڑ اندر  
 نظر سوے تراؤم پروردگارا  
 یرتھ پنہ نئے عطا کرتم مے ہر دم  
 تڑ متہ مند چھاؤم پروردگارا  
 بہ کتہ و ترے تے چھے معلوم پانس  
 نئے متہ ازماؤم پروردگارا  
 پگتھ یتھ پٹھ تڑ روزکھ راضی ڈوپے  
 نئے سوے و تھ ہاؤم پروردگارا

مے خانہ کعبہ سے تڑے ساتھ ساتھ  
طواف کرنا وتم پروردگار

غمو چھم سینہ کو رمت پارے  
تڑ زم زم چا وتم پروردگار

یے آسین پڑی پاٹھو نیک انسان  
تمے سمکھا وتم پروردگار

شبے اکہ دتہ پن دیدار دیدو  
جگر شہلا وتم پروردگار

صدیقہ پاٹھو زیو متین وٹن پوز  
دوہے ہچھ ناوتم پروردگار

ہے آمت آش ہتھ اکھ داؤد لد چھس  
تڑ ودنی بکراوتم پروردگار

صراط المستقیم پٹھ مے داٹھے  
تڑ بس پکھ ناوتم پروردگار

ہلم داڑتھ یہ مظفر ٹیے منگان چھے  
گوناہ نہناوتم پروردگار

## انجم افتخار

(ولادت : ۱۹۸۴ء)

تے کائناتس اندر بہ اوتھس تہ بندگی ہند شکرانہ کوڑم ما  
 تہ چھکھ رحیم و رحمان خدایا نے چون زائہہ تہ کلام پوڑم ما  
 بہ کیا ز غافل دوہے روڈس نے چائی قدرت زائتھ تہ نہ زائتم  
 تر وشر عشر دیٹ نے بس جوآنی دِلک توے شیطان موڑم ما  
 انہن اچھن نے تے گاش اوٹھم بہ غاروتے چھس لائپہ تراوان  
 احسان چائی نے پٹھ چھ کا تیاہ نے چون احسان زہے سوڑم ما  
 کھوان بہ چوئے چواں تہ چوئے حمد و ثنا چون نے زائہہ نہ پوڑے  
 نے نفس شیطان دواں زو لاکم تہ شیطان نفس ستر لوڑم ما  
 بہ کاکر بروہہ کنہ کرے گس دعوا ہر رد اہلم ژھورے ہتھ  
 کریم نہ چائی نے حق ادائی تہ دامن عملو ستر جوڑم ما  
 بہ ڈیر زرنے کراں روڈس ٹکو خواب اوٹس رنگان اپڑک  
 نے اُلف قدس ہجر گوڑم وونی بجر نے تنہ چون فکرے توڑم ما  
 چھ ناگہ بندرے وجود میوئے دپان انجم چھس تھا تھر یومت  
 اترے بد بڈر چھ وائسہ گری متی سامان توڑک کہیں گوڑم ما

## انجم افتخار

## مُناجات

امتحانِ مژمہ تراؤم اے رُبا  
چھس پریشانِ خوش نے تھاؤم اے رُبا

چھس بندے چون کس منگے یہ تھے سوا  
تھے نے سوڑم پر مہ پاؤم اے رُبا

شرکن تروپا رک نال دولت چھس وچھان  
شرکہ نش نے تھے بچاؤم اے رُبا

کارِ نمرتھ آس ہے دربارِ چون  
وئی گناہ تھے نہناؤم اے رُبا

دادرلد ہے بوزتم فریاد از  
رحمتِ نظرا نے تراؤم اے رُبا

یتھ دس اندر نے چھم بس اکھ طمع  
مکہ مدیس ولتہ ناؤم اے رُبا



آسہ میلہ نیرن مے سیمہ دنیا اندر  
با ایمانا سکھراوم اے رُبا

تریشہ ہتر ہے خشرج تھہ کرایہ منز  
آپ کوثر دامہ چاؤم اے رُبا

پتھ مہ کرتم سٹھ نے مائلس ماجہ ہنز  
وائسہ وادن پوشہ ناؤم اے رُبا

پرژھیون گوٹ انجم چھے ژے منگان  
باغ ہوکھمت سگہ ناؤم اے رُبا







حمد تہ مناجات چھے کاشر شاعری ہنزہ ز اہم موضوعی صنف۔ اکثر شاعر وچہ حمد تہ مناجات لکھی ہت، ووں گوؤ کانسہ چھنہ یمن ہنزہ سمبرنا شائع کر ہت۔ از تام گوؤ نہ کنہ ادبی تہ تمدنی ادارس تہ اور گن ظون۔ در دس کتاب ”کاشر حمد تہ مناجات“ چھ امہ پنچ گوڈنچ کوشش۔ یہ چھے حضرت شیخ نور الدین ریشی (۱۳۷۸ء-۱۴۳۸ء) ہند زمانہ پٹھہ از تام لکھنہ آمتن حمد تہ مناجات ہند انتخاب۔ یتھہ پاٹھر چھے یہ یڑھ پڑھ ہنزہ شاعری پسند کرن والین، سکارن، محقق تہ طالب علمن ہند باپتھ اکھ حوالہ جاتی کتاب۔ یڑھ کتابہ ہنزہ اُس واریاہ کالہ پٹھہ ویرھے محسوس کرنہ یوان۔ وومید چھے یہ کوشش یہ پسند کرنہ۔

یہ کتابہ ہند تحقیق کار تہ ترتیب کار چھہ نوجوان ادیب تہ تمدنی کارگن ڈاکٹر گلزار احمد راتھر۔ تم چھہ ریاستی کلچرل اکیڈمی ہندس کاشر انسائیکلو پیڈیا شعبس مژ کام کران۔ تمو چھہ کاشر انسائیکلو پیڈیا جلد: ۵ باپتھ کویاہ تحقیقی نوشتہ تحریر کر ہت۔ اہنز تصنیف کر ہت تہ ترتیب دژ مژ کیشہ کتابہ چھے برونبہ شائع سپد یڑ۔ یمن مژ ”پیرمی الدین مسکین تہ مثنوی زیبا نگار“ سبٹھاہ اہم چھے۔ یو دژ غلام نبی آتش ہنز ترجمہ کر ہت مولانا رومی ہنز مثنوی مژ حکایات تہ ”حکایات رومی“ ناو ترتیب۔ کاشر حمد تہ مناجات، کتابہ ہندس آغازس مژ چھہ تمو یمن صنفن تہ اہندس ارتقاہس متعلق پرمغز مقالہ تہ لیو کھمت۔

ISBN : 978-81-260-4644-7



9788126046447

**Kaashir Hamud te Munajaat**  
(Kashmiri)



ساہتیہ اکادمی

₹ 325